

Zezi wecheekeèdeè gıgodıı

Zezi yak'e ts'ò nıwııtı

¹ Seàgıą Theophilus, ıdı enıhtı'è nets'ò ahlàa sıı dani Zezi eghàlajıdàa eyıts'ò dani dı hoghàgoèhtıq hazòò wek'e dek'enıhtı'è ıle. ² Eyıts'ò yak'e ts'ò nıwııtı gots'ò, edecheekeèdeè gòıhchıı sıı ayıı dàgele ha sıı Yedàyah Nezzıı wedahxà eyı ghò gots'ò goıde ıle. ³ Dajıà eyıts'ò ełajwo tı'axòò wecheekeè gıts'ò wègoèht'ıı, eyıts'ò godaà enııyah ıq hòèhtsıı eyı weghàà eda hıt'e gık'èezòò agòòlà. Dıenq dzeè laàtlò ts'ò wecheekeè gıazı eyıts'ò Nòhtsıı Wenàowoò k'èè hòzòq ghò gots'ò goıde. ⁴ Ekııyèè k'e goxè shètı ekò hagòhdi, “Kòta Jerusalem gots'òò naahdè-le. Jò naahzı. Setà t'asıı nezzıı naxıts'ò ayele ha dıı sıı danaahzı. Eyı weghò naxıts'ò goıhde ıle. ⁵ John-Baptıst tı t'à dı k'ètaıdzò ıle, hanikò whaà-le-t'ıı Yedàyah Nezzıı t'à naxık'ètaıdzı ha,” gòhdi.

⁶ Wecheekeè hazòò ıàq geèhkw'e ekò Zezi dageehke, “Gots'ò K'àowo, asıı dıı Israel got'ıı k'achıı edenèè ts'ò k'agedè agııle ha?” gııhdi.

⁷ Zezi gots'ò hadı, “Dàht'e k'e eyıts'ò ayıı dzeè k'e Setà ededahxà t'asıı hayele ha sıı naxı wek'èahsò-le kò. ⁸ Hanikò Yedàyah Nezzıı naxık'e ajà nıdè nàahısoò anaxele ha. Kòta Jerusalem, Judea nèk'e, Samarıa nèk'e hazòò, eyıts'ò dıı nèk'e welò ts'ò segodıı nezzıı t'à dı xè goahdo ha hıt'e.”

⁹ Hadı tı'axòò wecheekeè gıdàa ıdòò ts'ò nıwııtı. K'oh zıı ajà ts'ò gıghàeda.

10 Hotù ɔ̀dòò yat'a ts'ò k'egeet'ì ekò họt̄saa dọ nàke zeh degoo yì geèhkw'e gogà nàlegeewo. 11 Gots'ò hagedi, “Galilee got'ì, ayìha ɔ̀dòò yat'a ts'ò k'eaht'ì? Zezi naxits'ò ọ̀ yak'e ts'ò nìwìt̄ s̄i, eyi xèht'eè yak'e gots'ò ọ̀ anade ha họt'e,” gògedi.

Mathias Zhidàà t'axò ọ̀ ajà

12 Shìh Olivet gòyeh gots'ò ọ̀ nageèhde, kòta Jerusalem ts'ò anagejà. Eyì kòta ts'ò ɔ̀ èchì k'aɔ̀ họt'e. 13 Eyì nèḡide ekò dahkò aḡt'ee s̄i ts'ò dekeḡide. Dọ goyì geèhkw'ee s̄i Peter, John, James, Andrew, Philip, Thomas, Bartholomew, Matthew, Alphaeus weza James eyits'ò Simon (“dọ edenèè ghòneètq̄” wìyeh), eyits'ò James weza Zhidàà, hazò t'à dọ haàt̄q̄ goyì geèhkw'e. 14 Hazò ọ̀ ɔ̀ geèhkw'e xè t'aats'ò ọ̀ èlexè yagehtì. Ts'èko s̄i eyi geèhkw'e. Zezi wemọ̀ Mary eyits'ò wechì goxè agèt'ì.

15 Ekìyèè k'e Peter dọ ḡgha ehkw'ì-ahodì s̄i gots'ò gode ha gota nàwo. (Dọ ɔ̀ èakw'eènq̄-daats'ò-naènq̄ haàt̄q̄ goyì geèhkw'e.) 16 Peter gots'ò hadì, “Sèot'ì, Nòhtsì wenìht'è k'e dànì dek'eèht'è s̄i wek'è ọ̀ agode ha họt'e. T'akwe whaà k'àowocho David Yedàyeh Nezi dahxà Zhidàà ghò xàyahtì ɔ̀. Zhidàà Zezi ḡhchì ha dọ k'egohz̄ s̄i d̄i hanì weghò dek'eèht'è, 17 ‘Ededì goxè at'ì ɔ̀ eyits'ò goxè eghàl̄dà ɔ̀, dek'eèht'è,” Peter gòhdì.

18 (Zhidàà hojì eghàl̄dà k'èxa sọ̀mba weghòzhaa s̄i yet'à dèè nàgoèhdì. Eyì dèè k'e ɔ̀ d̄aà nàakw'oò adìd̄l̄, wezh̄ t̄d̄l̄ t'à wets'ì hazò xàht'ì. 19 Dọ hazò Jerusalem nàdèè s̄i ḡghòkw'o, eyit'à eyi dèè s̄i Akeldama ḡhdì. Ḡyatì k'è “Dèè k'e Edoò ajà” gedì-agedì.)

20 Eyit'à Peter hadi, “Shi-nhtl'è k'e du hani dek'eèhtl'è,

'Eyi wedèè gokw'òò gòzò ha; dọ wuzù yek'e nàdè ha-le,' eyits'ò,

'Dọ yetl'axòò k'àowo welè,' hani sɪ dek'eèhtl'è.

21 Zezi ɬaà goxè eda ekò dọ ɬè whaà gots'ò goxè at'ɬ sɪ ts'ihchi ha họt'e. 22 John-Baptist dọ k'ètaidzi ekò gots'ò eyits'ò Zezi idòo niwiti gots'ò dọ goxè aet'ɬ sɪ ts'ihchi ha họt'e. Eyi dọ sɪ wedaà Zezi naidàa sɪ goxè yeghò dọ ts'ò gode ha họt'e,” hadi.

23 Eyit'à dọ nàke gɪzi: dọ ɬè Joseph wiyeh (Barsabas sɪ wiyeh hani-le-ɪdè Justus sɪ wiyeh) eyits'ò ɬè Mathias wiyeh. 24 Eyi t'axòò yagɪhti, “Gots'ò K'àowo, dọ hazòò gidzè k'èzò anet'e. Du dọ nàke gots'ò amɪ weneehchi sɪ wek'èts'eezòò agoɬe. 25 Zhidàa edɪ wegħa hòzòò ts'ò ajà t'à yetl'axòò Zezi wecheekeèdeè elɪ ha,” gedɪ yagɪhti.

26 Amɪ agelee sɪ għa ekw'òà geehdè, eyit'à Mathias ededɪ t'aa wiichi. Zezi wecheekeèdeè hoòng-daats'ò-ɬè gota whedaà ajà.

2

Yedàyeh Nezi Zezi wecheekeè gok'e ajà

1 Pentecost dzèdeè k'e agòjà ekò Zezi wecheekeè hazòò ɬèhkò goyɪ geèkw'e ɬè. 2 Hòtsaa yak'e gots'ò nhts'ɪ nàsoo hoòwo. Kò goyɪ geèkw'ee sɪ goyɪ hazòò ts'ò nhts'ɪ dèekw'ò. 3 Dọ eyi geèkw'ee sɪ kòwoò nechà-lea lanɪ elets'òò ajà gà hazòò gitaat'eè gɪk'e ajà gɪzɪ. 4 Yedàyeh Nezi dọ hazòò eyi geèkw'ee sɪ k'e ajà. Yatɪ eyi-le xàzaa k'èè gogedeè agòlà.

⁵ Ekò k'e Israel got'ù Nòhtsı ghò hòtl'ò agıwqò sù hazqò nèk'e gots'ò Jerusalem nègıde ıle. ⁶ Eyi nıhts'ı dèekw'ò gıkw'o ekò dq hazqò ııa elèwhede. Zezi wecheekeè yatı eyı-le xà_{2aa} k'èè gogede gogıkw'o t'à sù gıgha enıyah dıı. ⁷ Sıı gıgha enıyah t'à dalegeehke, “Dıı dq gok'èè gogedee sù hazqò Galılee got'ù agıt'e kò ⁸ goxı xàè goyatı k'èè gıts'ıkw'o. ⁹ Hazqò nèk'e gots'ò Israel got'ù eyıts'ò dq eyı-le xà_{2aa} Moses wenàowò k'èè geedaà agejaa sù jò elèwhede: Parthıa, Mede eyıts'ò Elamıte got'ù. Eyıts'ò hazqò nèk'e gots'ò aget'ı: Mesopotamıa, Judea, Cappadocıa, Pontus, Asıa, ¹⁰ Phrygıa, Pamphylıa, eyıts'ò Egypt nèk'e, eyıts'ò Libya nèk'e, kòta Cyrene ts'ò gqowà-le. Eyıts'ò Rome, ¹¹ Crete eyıts'ò Arab got'ù jò nègıde. Goxı hazqò xàè goyatı k'èè dànı Nòhtsı enıyah eghalaıda ghò gogedee gıts'ıkw'o!” gedı. ¹² Dq hazqò gıgha enıyah t'à, dalegeehke, “Dàgot'ı-agot'ı?” gedı.

¹³ Hanıkò dq mòhdaa sù Zezi wecheekeè k'adageedè, “Jıetı lq gıadq t'à agedı,” gedı.

Peter dqdeè elèwhedee gots'ò gode

¹⁴ Peter, Zezi wecheekeèdeè hoònq-daats'ò-ıle gota nàwo gà hòtl'ò dq hazqò ts'ò xayaıhtı, hadı, “Sèot'ı, Israel got'ı yàahı, eyıts'ò naxı hazqò jò Jerusalem nàahdèe sù hotı nezı seàhk'w'ò. Ayı dàgòjaa sù naxıts'ò wek'ayahtı ha. ¹⁵ Dıı dq geèhde aget'ı dahwhq nı? K'òq t'aa k'omqòdqò lqòtq nıdq agòht'e! ¹⁶ ıle, geèhde nıle, dıı sù nakwenàozqò Joel dıı hanı yeghq gıde ıle:

¹⁷ ‘Nòhtsı hadı, Nqde dzeè ts'ò hawe nıde sets'ò Yedàyeh Nezı dq hazqò k'e ahte ha. Wedahxà

*naxi*za eyits'ò *naxitì* xàyagehti ha. *Naxits'ò cheko* g̃nazhu xègaat'ì ha, *naxits'ò eneèko* nàgete ha. ¹⁸ *Ekìiyèè k'e nìdè secheekeè, dọzhì eyits'ò ts'èko* guḷḷi sù *Yedàyeh Nezi* gik'e ahle ha eyits'ò *wedahxà* xàyagehti ha. ¹⁹ *Idòo yat'a eniyyah hohtsi* ha eyits'ò *dèè gok'e eniyyah nàhòwoò ahle* ha. *Edoò lọ nḷḷi* ha, *kò nàtsoo xè lọ lọ agode* ha. ²⁰ *Gots'ò K'òowo eniyyah t'à nìtt̃aa dzeḗ kwe, sadeè xè togoòt'ò agode* ha eyits'ò *adzẹzah edoò lade* ha. ²¹ *Dọ hazọọ gots'ò K'òowo ghọ g̃nì nàtsoo sù edaxàweetè* ha, *dek'eèht'è*.

²² “Israel got'ḷḷi yàahḷḷi sù seàhk'w'ọ: Nòhtsi sù, Nazareth got'ḷḷi Zezi *naxits'ò yḷḷhà họt'e*, eniyyah lọ hòèhtsi eyi wegḷḷà *wek'èahsọ họt'e*. Nòhtsi yet'à hanì *naxita eghàlaidà, naxi kò wek'èahsọ họt'e*. ²³ *Eyi Zezi sù naxighàwìtt̃i họt'e*. Nòhtsi hanì ha ñwọ t'à eyits'ò *hawedle* ha *nadaḗ yek'èezọ* t'à *naxighàyḷḷi họt'e*. *Naxi doju naxits'agudi* t'à *dechjet'aa k'e wedeàhtsò xè eḷaàwèahwho họt'e*. ²⁴ *Hanikò Nòhtsi sù naidà ayḷḷà, lọọ wewèè t'à daḷḷà-le*. Nòhtsi t'asù wegḷḷa *dì-le t'à, lọọ eḷajwo ayḷḷà-le*. ²⁵ *K'òowocho David dḷi hanì yeghọ ḷḷt'è ḷḷè, 'Sets'ò K'òowo t'aats'ọọ senadaḗ wègaat'ì. Nàgòts'ehnèè k'e segà wheda t'à dehji* ha-le. ²⁶⁻²⁷ *Eyt'à sedzeè t'à sinà xè sewà t'à ehji* ha. Nòhtsi *sekw'ọọ dèè goyì àitọọ ayele* ha-le t'à *sezḷḷi edaxàhtè* ha *hotì segḷḷa ehkw'ì-ahodi*. Nòhtsi *wets'ọ degai eḷi sù wekw'ọ ehji ch'à yek'èdì* ha *họt'e*. ²⁸ *Nàowo wet'à ts'eedaa sù wek'èehsọọ asḷḷà. Nòhtsi wexè ehda t'à sù sinà asele* ha, *dek'eèht'è*.

²⁹ “Sèot'ḷḷi, k'òowocho David eḷajwo *hotì wek'èehsọ, wekw'ọọ nègḷḷtọ eyits'ò dḷi dzeḗ ts'ò*

jo wekw'òò whetò họt'e. ³⁰ Nòhtsɪ yegha yatɪ nàtsoo whehtsɪ sɪ nakwenàozòò elɪ t'à yek'èezò xè hanì xàyaɪhtɪ. Eyɪ sɪ nòode-ɪdè ededɪ wets'ihzòò-dòò ɪlè yetɪ'axòò k'àowocho elɪ ha, Nòhtsɪ yèhdɪ ɪlè. ³¹ ɪdaà dàgode ha yek'èezò t'à Christ naìdà ghò xàyaɪhtɪ. Wekw'òò kwe yì àitò nùle, eyɪts'ò wekw'ò sɪ ɪhɪjì ajà-le. ³² Nòhtsɪ sɪ Zezi naìdà ayɪllà. Goxɪ hazòò godaà agòjà họt'e. ³³ ɪdòo Nòhtsɪ ts'ò nɪwɪtɪ eyɪts'ò yegà nàgòts'ehnèè wheda họt'e. Nòhtsɪ-Gotà, Yedàyeh Nezzɪ ghò goɪdee sɪ Zezi ghàyyòò. Zezi eyɪ Yedàyeh Nezzɪ gots'ò ayɪllà sɪ dɪ wèghàahda xè weàkw'ò họt'e. ³⁴⁻³⁵ K'àowocho David ɪdòo yak'e ts'ò nɪwɪtɪ nùle, hanìkò dɪ hadɪ, *'Gots'ò K'àowo, sets'ò K'àowo ts'ò hadɪ, Amù nets'ò xànegɪ?aa sɪ hazòò gɪghòɪhnè agehɛ gots'ò, nàgòts'ehnèè k'e seg'à wheɛda, dek'èèht'è.*

³⁶ “Eyɪt'à Israel got'ɪ hazòò Nòhtsɪ dànì gogha eghàlajdàa sɪ hotɪ gɪk'èezò ha: Eyɪ Zezi dechɪet'aa k'e wedeàhtsòo sɪ Nòhtsɪ gogha K'àowo yèhtsɪ eyɪts'ò Christ sɪ yèhtsɪ,” Peter hadɪ dò ts'ò goɪde.

³⁷ Dò hazòò eyɪ egɪkw'o ekò geèhyeh lagejà. Peter eyɪts'ò Zezi wecheekeèdeè ts'ò hagedɪ, “Gòet'ɪ, hanì-ɪdè ayɪ dàts'ɪllà lì?” gedi.

³⁸ Peter gots'ò hadɪ, “Edek'eahɪ, naxɪnì eɪadɪ aahlè. Naxɪhoɪ naxɪghò nahoezhe ha t'à, hazòò naxɪt'at'eè Zezi wɪzì t'à naxɪk'ètaìdzɪ adeahlè. Hanì-ɪdè Yedàyeh Nezzɪ naxɪk'e ade ha. ³⁹ Nòhtsɪ sɪ naxɪgha, naxɪza gɪgha, dò hazòò nɪwà nàgedèè sɪ gɪgha, eyɪts'ò t'aa Nòhtsɪ gokayahtɪ ha sɪ hanì gogha yatɪ nɪzòò họt'e,” gòhdɪ.

⁴⁰ Peter yatɪ ɪò t'à gots'ò goɪde xè goghònàdaetì, hadɪ, “Dò nàowoɪ k'èè geeda gɪta nàahdèè sɪ gɪch'à

edaxàahdè,” gòhdi. ⁴¹ Dọ gıgha ehkw'i-ahodı xè weyatı gıghchı sı gık'ètaıdzọ. Eyı dzeş k'e tai-lemı dọ haatıqọ goxè aget'ıı agejà.

Dọ gıgha ehkw'i-ahodu sı dani elèxè geeda

⁴² Zezi wecheekeèdeè hoghàgogehtọ ekò hotı egeèhk'w'ọ, eyıts'ọ yagehtı xè Nòhtsı lèt'è ghọ shègezhe gha lą lą elègehde. ⁴³ Zezi wecheekeèdeè enıyah lọ eghalagıdà t'à, dọ hazọ gıgha enıyah dii. ⁴⁴ Dọ hazọ gıgha ehkw'i-ahodı sı elèxè aget'ı, eyıts'ọ t'ası hazọ gıts'ọ sı elèht'eè elèghàgeedi. ⁴⁵ T'ası gıts'ọ sı gıghọ nàèdi, eyı sọmba t'à dọ t'ası wegħa whıle sı ts'àgedı. ⁴⁶ Dze taat'eè Nòhtsıkò-gocho gà lą nègıdè. Edekò Nòhtsı lèt'è tàgeezhı gà elèxè shègezhe, sıgeèt'ı xè ehkw'ı agıwọ. ⁴⁷ Nòhtsı ghàsogeedı eyıts'ọ dọ hazọ goghọ nezıı agıwọ. Dze taat'eè gots'ọ K'àowo dọ dezọatı gots'ọ ayeħıı sı edaxàgole.

3

Dọ k'eda-le sı Peter k'aat'ıı ayıılà

¹ İlää tai nııqọ ekııyeè k'e yatı ha nıkw'o ekò Peter eyıts'ọ John Nòhtsıkò-gocho ts'ọ lègeèhtıa. ² Dọ ıle wegòhı gots'ọ k'eda-le sı Nòhtsıkò-gocho tıdà Wèdaat'ıı gòyeh ekọ nègeèchı. Dze taat'eè eyı nègehtè, dọ goyagedèè sı sọmba goekè ha eyı whedaà ageħı. ³ Peter eyıts'ọ John goyagedè ha nıkw'o ekò goazı t'à sọmba goekè. ⁴ Peter eyıts'ọ John hotı gıghàeda. Peter hadı, “Hotı goghàıdà,” yèhdi. ⁵ Eyıt'à dọ hotı goghàıdà, t'ası seghàgezà ha nıwọ ıle.

⁶ Hanıkò Peter yets'ọ hadı, “Sọmba sets'ọ-le, hanıkò ayı sets'ọ sı neghàehzà ha. Nazareth

got'ùì Zezi-Krì wuzì dahxà, k'eitlo!" yèhdi. ⁷ Yìlà nùichì gà nùitlàà ayìlìlà. Ekòet'ùì eyi dọ wekè eyits'ọ wekechùì nàtsoò ajà. ⁸ Yaika xè k'edaà ajà. Goxè Nòhtsìkò-gocho ts'ọ etlè, k'eda xè yaika eyits'ọ Nòhtsì ghàsọedì. ⁹ Dọ hazọọ godaà k'eda xè Nòhtsì ghàsọedì giazì ekò ¹⁰ eyi dọ nàgèèzhì. Nòhtsìkò-gocho gà tìdà Gòdaat'ùì gòyeh t'aats'ọọ ekọ sọm̄ba-ekèè ìlè, eyi at'ì nàgèèzhì. Eyì dọ wexè hanàhòwo t'à, dọ hazọọ sùì gìgha enìyah diì.

Peter Nòhtsìkò-gocho gà dọ gots'ọ gode

¹¹ Eyì dọ-teèt'ùì sùì ìlāà Peter eyits'ọ John nàgoetọ ekò dọ hazọọ gìgha enìyah t'à gots'ọ tìmọgèède, Solomon wets'ọ sagòhzi-k'è ekọ ts'ọ tìmọgèède. ¹² Peter gots'ọ hadì, "Israel got'ùì, dànìghọ naxìgha enìyah diì? Dànìghọ naxìgha enìyah nàhòwo lanì goghàahda? Goxì godahxà dùì dọ k'edaà ats'ùlā dahwhọ nì? Deghàà Nòhtsì winì k'èè ts'eedaà adets'ùìlā t'à k'edaà awets'ùìlā dahwhọ nì? Ìlè, haahwhọ-le. ¹³ Gocho Abraham, Isaac, Jacob eyits'ọ gocho hazọọ Gìnòhtsì sùì, edecheekè Zezi weghàsọhoedì ayìlìlà. Elààwì ha dọ t'ì'aa wèahtì ìlè, eyits'ọ k'òowo Pilate naxits'ọ xàetlāà ayele ha nìwọ kò naxì weahwhọ-le ìlè. ¹⁴ Eyì Dọ Degai xè Ehkw'ì Edaa sùì weahwhọ-le ìlè, hanìkò eweèt'ùì elì sùì eyi t'aa weahwhọ ìlè. ¹⁵ Eyì dọ wet'à ts'eedaa sùì ełààwèahwho họt'e, hanìkò Nòhtsì naidà ayìlìlà. Eyì hazọọ hagòjāa sùì goxì godaà agòjā họt'e. ¹⁶ Zezi gogha ehkw'ì-ahodì t'à dùì dọ weghàahdaa eyits'ọ wek'èahsọọ sùì nàtsoò ajà. Zezi wedahxà eyits'ọ ededì wet'ọọ goni nàtsoo t'à dùì dọ deghàà k'aat'ùì anajāa sùì weghàahda họt'e.

17 “Sèot'ɲ, wek'èahsɔ-le t'à hanì Zezi ts'ò eghàlaahdà, eyits'ò naxits'ò k'aodèe ededɪ sɪ hanì eghàlagɪdà. 18 Hanìkò Nòhtsɪ sɪ nakwenàòzɔɔ hazòò t'à nadaà gots'ò goɪde ɲlè. Christ daɪza ha, hadɪ ɲlè, hanì yek'èè eghàlaɪdà. 19 Eyit'à edek'eahɪ eyits'ò Nòhtsɪ ts'ò anaahde, hanì-ɪdè naxìhoɲ naxìghò nahoezhe ha, 20 eyits'ò gots'ò K'àowo naxìxè sìghà hòzòò ayele ha eyits'ò Zezi Christ hɔt'e sɪ naxits'ò ayele ha, ededɪ naxìgha wìchì hɔt'e. 21 Nòhtsɪ t'asɪ hazòò ehkw'ɪ hòzòò ayele gots'ò, Christ yak'e wheda ha hɔt'e. T'akwe whaà nakwenàòzɔɔ degaɪ gɪɲɪ sɪ Nòhtsɪ gha gogɪde t'à Nòhtsɪ edeyatɪ k'èè hohtsɪ ha hadɪ ɲlè. 22 Moses dɪ hadɪ ɲlè, 'Gots'ò K'àowo NaxìNòhtsɪ sɪ naxèot'ɪ gita gots'ò nakwenàòzɔɔ sexèht'eè sɪ naxìgha yìhchì ha. T'asɪ hazòò hanaxèhdɪ sɪ weàhkw'ò ha hɔt'e. 23 Amì yeèhkw'ò-le sɪ wèot'ɪ ta gots'ò xàweeza ha, dek'eèhtɪ'è.

24 “Hèzè, Samuel nakwenàòzɔɔ elɪ gots'ò nakwenàòzɔɔ hazòò dɪ dzeè ghò nadaà gogɪde ɲlè. 25 Nakwenàòzɔɔ ayì ghò gogɪde ɲlè sɪ naxìgha hɔt'e eyits'ò ɲdèè whaà, Nòhtsɪ naxìcho xè nakenawhehtsɪ sɪ naxìgha hɔt'e. Abraham ts'ò dɪ hadɪ ɲlè, 'Nets'ìhòò-dòò wet'à dɪ nèk'e dò hazòò gɪxè sìghà hòzòò ha hɔt'e,' dek'eèhtɪ'è. 26 Nòhtsɪ eyì dò ɲhchì sɪ naxì t'akweòò naxits'ò yɪhza hɔt'e. Naxìàowohɪ wedè aahkèè anaxele ha, hanì-ɪdè naxìxè sìghà hòzòò ayele ha,” Peter gòhdɪ.

4

Peter eyits'ò John gìghò nàyaeti

¹ Peter eyits'ò John dọ ts'ò gogede ekò yahtu gũlũ eyits'ò Nòhtsɩkò-xogũhdũ-dọ eyits'ò Saducee gũlũ sù gots'ò geède. ² Peter eyits'ò John, Zezi wet'à dọ naidà ha, gedi hanì dọ hoghàgeetọ t'à, k'aodèe gũlũ sù eyi ghọ sù gik'èch'a agejà. ³ Peter eyits'ò John gighọ nàyaeti ha dagogɩachì. Xèhts'ò agòjà t'à satsọ gots'ò dọ-danìl̩aa-kò nègogũwa. ⁴ Hanìkò dọ lọ godi gũkw'oo sù gigha ehkw'1-ahodii agejà. Hazọọ t'à dọzhì sɩl̩a-l̩emì haàt̩lọọ gigha ehkw'1-ahodii agejà.

⁵ Ek'èdaedzèè k'e k'aodèe, ọhdah gũlũ eyits'ò Nòhtsɩ-yatũ-k'ègedi-dọ kòta Jerusalem èlegeèhdì ha l̩aà nègũde. ⁶ Annas, yahtu-wet' àazàa-deè el̩, eyi wheda, eyits'ò Caiaphas, John, Alexander eyits'ò yahtu-wet' àazàa-deè wèot' l̩ gũlũ sù eyi geèhkw'e. ⁷ Giyatũ k'e Peter eyits'ò John tanì nègogũwa gà dagogeehke, “Ayì dahxà, hanì-le-ɩdè amì wɩzì t'à hanì eghàlaahda?” gògedi.

⁸ Peter, Yedàyeh Nezi wek'e ajà t'à gots'ò hadi, “K'aodèe yàahũ eyits'ò ọhdah yàahũ sù, ⁹ dũ dzèè k'e dọ k'eda-le etewets'eèz̩ k'èxa goghọ nàyaeti n̩dè, eyits'ò dànì dọ k'aat'ì ajà sù ghọ dagoahke ha n̩dè, ¹⁰ nax̩ eyits'ò Israel got'ũ hazọọ sù nax̩ts'ò dũ hats'edi ha: Nazareth got'ũ Zezi wɩzì dahxà dũ dọ k'aat'ì ajà họt'e. Zezi dech̩et'aa k'e wedeàhtsò ɩlè hanìkò Nòhtsɩ naidà ayìl̩a. ¹¹ 'Nax̩ kwekò gòah̩ts̩ gots'ò kwe ɩlè z̩ahk'aa sù' eded̩ họt'e 'eyi kwe denahk'e wet' àazàa whel̩.' ¹² Eded̩ z̩ edaxàgole ha họt'e. Dũ nèk'e dọ wɩzì wet'à edaxàts'eedè ha gòh̩ n̩lè,” Peter gòhdì.

¹³ Peter eyits'ò John geej̩-le gogede eyits'ò hoghàgeetọ-le agũt'e gok'èhogeèhzà ekò k'aodèe sù

gìgha enìyah dìi. Eyí dọ sù Zezi xè agiat'ì ìlè ginadi. ¹⁴ Dọ k'aat'ìì ajàa sù Peter eyits'ọ John gogà nàwo gìghàeda t'à, gok'èch'a t'asagedi ha dìi. ¹⁵ Peter eyits'ọ John elegeèhdìi-kò gots'ọ xàgogeèwa, eyi t'axọ̀ goghọ elets'ọ gogede. ¹⁶ Dalegeehke, “Dàgets'ele ha?” gedi. “Enìyah deè hogèhtsì sù dọ hazọ̀ Jerusalem nàgedèe gik'èezọ. Eyit'à hagòjà-le gits'edi ha dìi. ¹⁷ Hanikò eyi hazọ̀ dọ ta ts'ọ ade ha ts'ìwọ-le. ‘Zezi wùzì t'à dọ ts'ọ goahde-le,’ hats'edi nàgets'ezo ha,” gedi.

¹⁸ Giyatì k'e Peter eyits'ọ John k'achì goyagogeèwa gà hagògedi: “K'achì Zezi wùzì t'à dọ ts'ọ goahde-le eyits'ọ weghọ dọ hoghàgĩahtọ-le,” gògedi. ¹⁹ Hanikò Peter eyits'ọ John hagedi, “Dii weghọ nàniãhdè: ayì seè Nòhtsì gha ehkw'ì ne, naxik'èats'ìt'e, hanì-le-ìdè Nòhtsì k'èats'ìt'e? ²⁰ Ayì ghàts'ìdàa eyits'ọ ayì weghọ ts'ìkw'oo sù weghọ gots'ede-le ha dìi,” gedi.

²¹ K'aodèe k'èagut'e-le nìdè hoilà agogele ha gògedi t'axọ̀ nagogeèhà. Dọ hazọ̀ enìyah nàhòwo ghọ Nòhtsì ghàsogeedi t'à, dànì hoilà agogele ha sù k'aodèe gik'èezọ-le. ²² Eyí dọ enìyah nàhòwo t'à k'aat'ìì ajàa sù dienọ daats'ọ weghò họt'e.

Nòhtsì wecheekeè yagehti

²³ Peter eyits'ọ John nagogeèhà ekò Nòhtsì wecheekeè ts'ọ anagejà. Yahtu-gha-k'aodèe eyits'ọ ọhdah gùlù dàgedi sù hazọ̀ gots'ọ hagedi. ²⁴ Nòhtsì wecheekeè egùkw'o ekò hazọ̀ Nòhtsì ts'ọ yagehti, hagedi, “Gots'ọ K'àowo t'asì hazọ̀ negha dìi-le anet'e. Yat'a, dèe, tì, eyits'ọ t'asì hazọ̀ edaa

sì wheehtsì họt'e. ²⁵ Gocho David Yedàyeh Nezu dahxà godeè anelà. Necheekeè du hadi anelà,
'Dànighò du nèk'e dọ hazòò xàʔaa sù gìch'e? Dànighò k'èt'ò gots'ò K'àowo k'èch'a aget'ì?' ²⁶ Du nèk'e k'àowocho *lạq elègùde, Nòhtsì k'èch'a aget'ì eyits'ò wets'ò Christ sì k'èch'a aget'ì, k'àowocho David hadi ilè.*

²⁷ Hẹʔẹ, hoti hagòjà. K'àowocho Herod eyits'ò k'àowo Pilate, dọ eyi-le xàʔaa eyits'ò Israel got'ì elèxè jọ kòta lạq elègùde ilè. Zezi necheekeè degai weneehchì sù wek'èch'a k'ehogeʔa ilè. ²⁸ Idèe whaà gots'ò hanì eghàlageeda ha neewọ k'èè eghàlagùdà. ²⁹ Gots'ò K'àowo, dù k'aodèe gùlù sù dànì gok'èch'a gogedee sù geèhkw'ọ. Necheekeè ts'ùlù sù negodi t'à dọ xè gots'edo ha edèdats'eedi-le agoile. ³⁰ Nìlà t'à dọ k'aat'ì agùle eyits'ò necheekeè Zezi wuzì degai t'à eniyah deè geʔi agùle," gedi yagùhti.

³¹ Yagùhti t'axòò, kọ goyì lạq geèhkw'ee sù họt saa nàgoèhdọ. Hazòò goyì geèhkw'ee sù Yedàyeh Nezu gik'e ajà t'à Nòhtsì weyatì t'à gogede ha gini nàtsoò ajà.

Dọ gigha ehkw'ì-ahodu sù t'asì hazòò t'à elèts'àgedi

³² Hazòò gigha ehkw'ì-ahodu sù gidzè eyits'ò gini ilè zọ lajà. Dọ t'asì gits'ò sù edegha zọ gik'èdi-le, t'asì hazòò gits'ò sù elètaàgeelè. ³³ Zezi wecheekeèdeè eniyah hogehtsì xè gots'ò K'àowo Zezi naidà wegodi t'à dọ xè gogedo, eyits'ò Nòhtsì wesoniwọ deʔòò gits'ò-èlì. ³⁴ Dọ-teèt'ì wuzì gota wheda-le. Qh'è deè hanì-le-ìdè kọ gits'ò nìdè gighò nàdè gà eyì sọmba ³⁵ Zezi wecheekeèdeè gà

nègele. Amù wegħa t'asù whìle sù eyì sòmba t'à gots'àgedì.

³⁶ Gita dọ ìlè Joseph wìyeh sù Cyprus gots'ọ Levi got'ìì họt'e. Zezi wecheekeèdeè, Barnabas wìyeh agìlà. (Dọ-ts'àdù-dọ gedi-agedì.) ³⁷ Eyì dọ Barnabas dèè wets'ọ sù wegħọ nàèdì gà eyì sòmba Zezi wecheekeèdeè ghàyiwa.

5

Ananias eyits'ọ Sapphira

¹ Dọ ìlè Ananias wìyeh, wets'èkeè Sapphira wìyeh, ededì sù dèè gighọ nàèdì. ² Eyì dọ, edets'èkeè xè yatì whehtsì t'à, sòmba mòhdaa edegħa gik'èdì, eyits'ọ mòhdaa Zezi wecheekeèdeè ghàyiwa.

³ Eyit'à Peter eyì dọ ts'ọ hadì, “Ananias, dànìghọ wehìì nedzèè nezì-le ayìlà t'à Yedayeh Nezì ghòyanèzọ? Dànìghọ dèè negħọ nàèdì sù wesòmbaà mòhdaa edegħa wek'èjìdì? ⁴ Dèè negħọ nàèdì kwe sù eyì dèè nets'ọ ìlè ne sònaà? Negħọ nàèdì t'axọ wesoombaa ts'ọ k'àiwo ìlè ne sònaà? Dànìghọ ekọ-le eghàlancedà? Dọ ts'ọ hojts'ì nùile, Nòhtsì ts'ọ hojts'ì họt'e,” yèhdì.

⁵ Ananias eyì ghọ ìkw'o ts'òet'ì nàakw'o gà ełaiwo. Dọ hazọ dągòjaa sù ghọ egikw'o t'à sù geèhyeh. ⁶ Cheko mòhdaa goyaède, wekw'ọ zehłì yì gùhtì gà xàgeèhchì, eyits'ọ wekw'ọ nègìtọ.

⁷ Tai sadzèè t'axọ, wets'èkeè goyaèhtà. Dągòjaa sù yek'èezọ-le. ⁸ Peter yets'ọ hadì, “Sets'ọ hadì, dù sòmba haàtłọ k'èxa dèè naxìghọ nàèdì nìt'e?” yèhdì.

Ts'èko hadì, “Hèzè, haàtłọ sòmba k'èxa dèè goghọ nàèdì,” yèhdì.

9 Peter yets'ò hadi, “Dànìgho Yedayeh Nezi weahdzà ha dahwhò nòò? Cheko nedòò xàgèhchì sù jò tuda ts'ò giadè. Nì sì xànegeehtè ha,” yèhdi.

10 Ekòet'ì ts'èko yenadaà nàakw'o gà eławo. Cheko goyageèdee sù ts'èko eławo gıazı t'à wekw'òò xàgèhchì, wedòò gà wekw'òò nègıtò. 11 Nòhtsı wecheekeè eyı hazòò hagòjà ghò egıkw'o ekò sù geèhyeh.

Zezi wecheekeèdeè dọ lọ k'aat'ì agılà

12 Zezi wecheekeèdeè dọm enıyah lọ hogèhtsı. Gıgha ehkw'ı-ahodı gıllı sù Solomon wets'ò sagòhzi-k'è lãã ełenagehdè ilè. 13 Dọ lọ gots'ò nezi agıwò kò goxè aget'ı ha geeji. 14 Hanıkò dözhi eyıts'ò ts'èko lọ gots'ò K'àowo gıgha ehkw'ı-ahodı, eyıt'à dezòò dọ lọ goxè aget'ı ajà. 15 Dọ eyagıllı sù tè k'e tılıbaa nègogıwa. Peter goxaèhtla-ıde edahxò wezızhı gık'e ajà nıde k'aat'ì agede ha gıwò. 16 Jerusalem wemòò kòta yàgòlaa gots'ò dọ lọ nègıde, dọ eyaelı eyıts'ò dọ mıhı t'à eyagıllı sù eyı nègogıwa. Hazòò k'aat'ì agejà.

K'aodè Zezi wecheekeèdeè dagogıh?a

17 Hagòjà t'à yahtı-wet'aaazaa-deè eyıts'ò k'aodè hazòò, Sadducee gıllı sù sù goghò ts'ohogeedı. 18 Zezi wecheekeèdeè dagogıachı gà dọ-danılaa-kò nègogıwa. 19 Totanı ekıyèè k'e yak'eet'ı dọ-danılaa-kò enıxıwa gà xàgoèwa. 20 Yak'eet'ı gots'ò hadı, “Nòhtsıkò-gocho gà dọ ts'ò goahde, eładı ts'eedaa wegodı t'à dọ hazòò xè goahdo,” gòhdi.

21 K'omòòdòò et'ì Nòhtsıkò-gocho gà nègıde, eyıts'ò dọ hoghàgogeehtò.

Yahtu-wet'aaʔaa-deè eyits'ò wexè k'aodèe guḷḷi sù eyi nèguḷde ekò Israel got'ù gha k'aodèe hazòò elegeèhdi gha gokàgehʔà, eyits'ò Zezi wecheekeèdeè dọ-danìḷaa-kò nègogìwaa sù gikàgòhdi. ²² Hanìkò Nòhtsìkò-xoguhdu-dòò dọ-danìḷaa-kò nèguḷde ekò Zezi wecheekeè giwhìle nòò. Eyit'à ek'èt'à nageèhde gà k'aodèe ts'ò du hagedi, ²³ “Dọ-danìḷaa-kò hòt'ò eneèdo eyits'ò dọ-xoguhdu-dòò enìtò gà nàgeèhza, enìxàts'aachi ekò dọ wuzi goyi wheda-le nòò,” gedi. ²⁴ Nòhtsìkò-xoguhdu-dòò gha k'àowo eyits'ò yahtu-gha-k'aodèe eyi godi giikw'o ekò gìgha enìyah lanì. Dànìt'à hagòjà sòni guwò.

²⁵ Dọ ìlè eyi nùtla hadi, “Dọ gidaèzha ìlè sù yeè Nòhtsìkò-gocho gà dọ hoghàgogeehtò,” gòhdi. ²⁶ Eyit'à Nòhtsìkò-xoguhdu-dòò gha k'àowo, edecheekeè xè Zezi wecheekeèdeè ts'ò geède. Dọ kwe t'à nàgogeehshì ha sòni guwò t'à ts'èwhì negogìwa.

²⁷ Yahtu-wet'aaʔaa-deè Zezi wecheekeèdeè dagoehke ha t'à, k'aodèe elegeèhdi sù nadaʔà nàgeèhzaà agogìlà. ²⁸ Yahtu-wet'aaʔaa-deè gots'ò hadi, “Yatì nàtsoo naxìghàts'ùʔò ìlè; Zezi wuzi t'à dọ hoghàgìahṭò-le naxèts'edi ìlè. Hanìkò Jerusalem dọ hazòò ayì hoghàgìahṭò sù eyi ghò gogedeè agejà, eyits'ò goxì got'aat'à eyi dọ eḷawò dahdi ha, k'ehoahʔa,” gòhdi.

²⁹ Peter eyits'ò Zezi wecheekeèdeè mòhdaa hagedi, “Nòhtsì sù dọ nahk'e wek'èats'ùt'e ha hòt'e! ³⁰ Zezi dechìet'aa k'e eḷaàwèahwho kò gocho Gìnòhtsì sù Zezi naidà ayìlà. ³¹ Nòhtsì idòò ts'ò neyìhṭi, edegà nàgòts'ehnèe whedaà ayìlà, gogha

k'àowocho yèhtsɪ eyits'ɔ edaxàgole ha ayìllà. Eyit'à Israel got'ù èdek'egùlù nùdè gíhoùù goghò nahoele ha. ³² Eyí hazòè nàhòwoo sù weghàts'ùdà hòt'e, wet'à dọ xè gots'edo, eyits'ɔ Yedàyeh Nezi ededɪ sɪ dọ ts'ò hadɪ. Dọ Nòhtsɪ k'èagùt'ee sù Yedàyeh Nezi goghàrà hòt'e," Peter gòhdi.

³³ Peter hadù gòide k'aodèè gùkw'o ekò sù gùni-le t'à ełààgoghde ha gùwọ. ³⁴ Hanikò Pharisee ìlè, Gamaliel wiyeh, Nòhtsɪ-yatù-k'ègedi-dògò gota wheda elù sù dọ nezi gits'ò naza hòt'e. K'aodèè gota nàwo gà hadɪ, "Whaà-lea ts'ò Zezi wecheekeè mòht'a xàgùdè agiahle," gòhdi. ³⁵ Xàgèède t'axògò k'aodèè gots'ò hadɪ, "Israel got'ù, eyi dọ dàgiahle ha sù hotù nezi weghò nàniàhdè. ³⁶ Ìdi whaà-le ekò dọ ìlè Theudas wiyeh 'T'asì deè aht'e,' di t'à dọ ta at'ì ìlè. Eyit'à dɪakw'eènọ dọ haàtłọgò gits'ò ajà. Hanikò ełààgùhwho t'axògò wecheekeè hazòè ehkègùde. Eyí hanàhòwoo sù t'asì wùzì whelì-le. ³⁷ Eyits'ɔ dọ hazòè nagùhtà ekùiyèè k'e Galilee nèk'e gots'ɔ dọ ìlè Zhidàà wiyeh dọ lọ edegha nàwehtsɪ gà dèe-ts'ò-k'àowo xè ełegìagọ ìlè. Hanikò ededɪ sɪ eławo t'à wecheekeè hazòè ehkègùde. ³⁸ Eyit'à, dù dàgot'ù sù weghò dù hanaxèehsɪ ha: Eyí dọ whatsoğ agùt'ì! Nagùdè agiahle! Edimì k'èè eghàlageeda agèt'ì nùdè t'asagode ha nùle. ³⁹ Hanikò Nòhtsɪ wini k'èè agot'ì nùdè eyi dọ gùk'èch'a aah't'ì ha dù. Nòhtsɪ k'èch'a eghàlaahda ha ne," gòhdi.

⁴⁰ Gamaliel ehkw'ì adì gùwọ t'à weyatù k'èhogùzọ. Zezi wecheekeèdeè goyagogeèwa gà gok'egùhkwa. Zezi wùzì t'à goahde ha-le gògedi t'axògò nagogeèhà.

⁴¹ Zezi wecheekeèdeè Israel got'ù gha k'aodèè

gots'òò nageèhde. Zezi gha daguzaà agùdlà t'à sù gínà xè masì guwò. ⁴² Dze taat'eè Nòhtsìkò-gocho gà eyits'ò dọkò goyì t'aats'òò dọ hoghàgeehqò sù ghọ naget'è-le. Zezi, Christ họt'e gedi, eyi godi nezù t'à dọ hazòò xè gogedo.

6

Dọ lòhdì weghọ shèts'ezhee dọ tàgele gha gùhchì

¹ Ekìyèè k'e dọ lọ Nòhtsì wecheekeè gujù agejà. Hanìkò Israel got'ù Greek k'èè gogedee sù Israel got'ù Aramaic k'èè gogede ghọ sọagedi. Dze taat'eè weghọ shèts'ezhee dọ tàgele, hanìkò gita ts'ò ts'èkò gígà dọzhì while sù gìghàzaadi nùle, gedi. ² Eyit'à Zezi wecheekeèdeè, Nòhtsì wecheekeè hazòò gokàgehza, hagògedi, “Bò dọ tàts'ele nùdè Nòhtsì weyatù dọ hoghàgits'eehtọ gha dek'aṛì ade ha. Eyì ehkw'ì ha nùle. ³ Sèot'ù, amì Yedàyeh Nezù gits'ò-èlù sù eyits'ò goguzọọ sù naxita gots'ò dọ lòhdì ààhchì. Eyì la gít'aa whezọọ aahle. ⁴ Hanì-ìdè goxì yats'ehtì eyits'ò Nòhtsì weyatù dọ hoghàgits'eehtọ ha, eyì zọ ghàlats'eeda ha,” gògedi.

⁵ Hagògedù sù hazòò gìgha nezì. Stephen, eyi dọ Nòhtsì ghọ wì nàtsoo xè Yedàyeh Nezù wets'ò-èlù sù gùhchì. Eyits'ò Philip, Procopus, Nicanor, Timon, Parmenas, eyits'ò Nicolas, dọ haàtłọọ gùhchì. Nicolas wìyeh sù kòta Antioch nàdè ekò Israel got'ù goxèht'eè weggha yatù ajà ìlè. ⁶ Eyì dọ haàtłọọ sù Zezi wecheekeèdeè gà nègogùwa eyits'ò gokwit'a dageèhdì gà gok'eèyagùhtì.

⁷ Eyit'à dọ lọ Nòhtsì yatù ghọ gukw'o. Kòta Jerusalem Nòhtsì wecheekeè lọ ajà, eyits'ò gita yahtù lọ gìgha ehkw'ì-ahodì agejà.

Stephen dagiachi

⁸ Stephen Nòhtsi wesoniwò eyits'ò t'asì nàtsoo wets'ò-èlì t'à dónì eniyah deè hòèhtsi. ⁹⁻¹⁰ Hanikò Israel got'ù ìlè xàʔaa “edets'ò k'agedèe dọ̀” giyeh sù Stephen k'èch'a gogede. Cyrene nèk'e, kòta Alexandria, Cilicia nèk'e eyits'ò Asia nèk'e gots'ò dọ̀ agùt'e. Stephen wekwì gọ̀zọ̀ xè Yedàyeh Nezu dahxà gots'ò gode t'à gidàgode ha dii agejà.

¹¹ Dọ̀ naàhtọ̀ dọ̀ mọ̀hdaa ts'ò gogede, gıts'ò hadı, “Stephen ghọ̀ dı haahdı: Eyı dọ̀, Moses eyits'ò Nòhtsi k'èch'a xàyaıhtı wets'ıkw'o, haahdı,” gògedı.

¹² Eyıt'à dọ̀ hazọ̀, qhdah guıı eyits'ò Nòhtsi-yatı-k'ègedı-dọ̀ xè nàdahoowo hogèhtsi. Stephen dagiachi gà Israel got'ù gha k'aodèe elegeèhdi sù ts'ò geèhchì. ¹³ Dọ̀ hogets'ı t'à yek'e nıdahogeeʔaa sù eyı nègogıwa, hagedı, “Dı dọ̀ t'aats'ọ̀ Nòhtsikò-gocho degai eyits'ò Moses wenàowoò k'èch'a gode.

¹⁴ Dı hadı wets'ıkw'o, ‘Nazareth got'ù Zezi wiyeh sù Nòhtsikò-gocho yedihohtsi ha, eyits'ò Moses nàowoò goghàʔọ̀ sù ładı ayele ha,’ hadı, wets'ıkw'o ìlè,” gedı.

¹⁵ K'aodèe eyı geèkw'ee sù hotı Stephen ghàgeeda, wını yak'eet'ù wını lanı gıgha wègoèht'ı.

7

Stephen Israel got'ù gha k'aodèe ts'ò gode

¹ Yahtı-wet'aaʔaa-deè dayeehke, “Dı dọ̀ nek'e nıdahogeeʔaa sù, ası ehkw'ı ne?” yèhdi.

² Stephen hadı, “Sèot'ı eyits'ò goʔqhdàà yàahı sù seàkw'ọ̀! Gocho Abraham Mesopotamia nèk'e nàıdè ekò, ılaà kòta Haran nàdè-le ekò, Nòhtsi eniyah wehòhʔọ̀ sù yets'ò goıde ìlè. ³ Nòhtsi yets'ò

dù hadi jlè, 'Nenèè gots'qò xàitlè gà nèot'ı gıts'qò aade. Edıj nek'e ts'ò aade ha sù nedaehsı ha,' Nòhtsı yèhdı.

4 "Eyıt'à Abraham Chaldean got'ıj gınèè gots'qò xàèhtla gà Haran nek'e nàıdè. Abraham wetà elajwo t'axqò Nòhtsı jò ts'ò ayıllà. Dıı eyı dèè wek'e nàts'edè hq't'e. 5 Ekıyeè k'e Nòhtsı jò nek'e yeghàızo-le jlè, dèè nechà-lea kò yeghàızo-le jlè. Hanikò Nòhtsı sù Abraham ghàyatızo jlè. Dıı hayèhdı jlè, 'Nqode-ıdè ededı eyıts'q wets'ıhzoq-dqò geedaa sù dıı dèè gıghaelı ha,' yèhdı jlè. Ekıyeè k'e Abraham weza gqòhı-le kò Nòhtsı hanı yets'ò goıde jlè. 6 Eyıts'q Nòhtsı dıı hanı sı yets'ò goıde, 'Nets'ıhzoq-dqò eyıı-le nek'e xàhtq gııı ha. Eyıı-le dqò gha hòt'ò eghàlageeda ha, eyıts'q dıakw'eènq xo ts'ò dagogıhza ha. 7 Hanikò eyı dq xàzaa gha hòt'ò eghàlageedaa sù hòt'ò nàgeekwa ha hq't'e. Eyı t'axqò-ıdè nets'ıhzoq-dqò sù eyı dq gınèè gots'qò xàgeedè ha, jò nek'e agede gà sets'ò yagehtı ha,' Nòhtsı yèhdı jlè. 8 Eyı t'axqò Nòhtsı Abraham xè nakenawhehtsı. Dqzhıa gıgqòhıı sù gıkwò nàget'à ha, yèhdı. Eyıt'à weza Isaac wegqòhı ts'q ek'èdı dzeq ajà ekò Abraham yekwò k'e nàıt'a. Isaac ededı wets'ıhzoq Jacob wegqòhı eyıts'q Jacob wets'ıhzoq gocho hònq-daats'ò-nàke gıgqòhı.

9 "Jacob weza agıı't'ee sù, edechı Joseph ghq ts'ohogeedı t'à dq ts'ò gıghq nàèdı jlè. Eyıt'à Joseph Egypt nek'e gots'q dq nàyeèhdı, yegha eghàlaedaa-dqò elı. Hanikò Nòhtsı sù yexè at'ı. 10 Wegha hoıla hazqò ch'à edaxàııhtı. Joseph sù gqozqò ayıllà eyıts'q Egypt gha k'àowocho yeghणेètqò ayıllà. Egypt nek'e k'àowodeè yèhtsı eyıts'q k'àowocho

wekò gocho hazòò yets'ò k'àowo ayìlà.

11 “Egypt nèk'e eyits'ò Canaan nèk'e hazòò, t'asì dehshe-le agòjà. Eyit'à sù gìgha hoìla, eyits'ò gocho ededì sì gìghò shègezhee whìle agòjà. 12 Jacob, Egypt nèk'e lè gòhì gedì ghò ìkw'o t'à edeza ekò t'akweìòò goèhà àlè. 13 Nàekeè t'à ekò geède ekò Joseph edùde ts'ò goìde, amì ìt'ee sù gots'ò hadì. Eyit'à k'àowocho Pharaoh Joseph wèot'ì gok'èhoèhà. 14 Eyì t'axòò Joseph edetà eyits'ò wèot'ì hazòò gokayaìhtì t'à gìghò nùide. Hazòò t'à dọ ìòhdiènò-daats'ò-sìlà agùt'e ìlè. 15 Eyit'à Jacob Egypt nèk'e ts'ò ajà, eìawo ts'ò ekò nàidè, eyits'ò weza sì ekò eìagùdè. 16 Gìkw'òò kòta Shechem ts'ò agùlà eyits'ò kwe yì gòzòò nègogùwa ìlè. Eyì kwe yì gìkw'òò whelaa sù Abraham Hamor weza ghò nàyeèhdi ìlè.

17 “Nòhtsì Abraham ts'ò yatì whehtsù sù hòt'a wek'èè agode ha ts'ò hawe ekò Egypt nèk'e wets'ìhòò-dòò ló ajà. 18 Ekìyeè k'e Egypt gha k'àowocho eìadù ajà. Ededì sù Joseph k'èezò-le. 19 Gòet'ì ts'ò ehkw'ì eghàlajà-le eyits'ò dagòhà. Gìbèlì gòhlèe sù eìagède ha nìwò t'à, bebìà zògeèhdeè agòlè.

20 “Ekìyeè k'e Moses dọ eì, Nòhtsì yeghò sònwò. Tai sa hajwa gots'ò wetà wekò wek'èhodi. 21 Mòht'a xàgeehchì ekò k'àowocho Pharaoh wetì yaì t'à neyìchì gà edeza lanì yeèhsò. 22 Moses Egypt got'ù k'èè gòzòò hoghàwèòò. Gode t'à eyits'ò dànì k'èhòza t'à dọ nàtsoo whelì.

23 “Moses diènò wegheò ajà ekò edèot'ì Israel ts'ò nìwòò ajà. 24 Wèot'ì ìlè wekwòoyà-dlà yaì, Egypt got'ù ìlè ayìlà. Eyit'à edèot'ì k'edaìdì t'à Egypt

got'ù ełahwho. ²⁵ Nòhtsı dahxà edaxàgole ha at'ù sù wèot'ı gınıedı ha, Moses hanıwọ ıle. Hanıkò wèot'ı sù hanı gınıedı-le. ²⁶ Ek'èdaedzèè k'e Moses Israel got'ù nàke ełek'aàgedè, goghọ nùtla. Elets'ò gını nezù agole ha nıwọ t'à, gots'ò hadı, 'Sèot'ù, ełechı aah't'e, dànìghọ ełek'aahdè?' gòhdı.

²⁷ “Hanıkò dọ edèot'ı k'aàwoo sù Moses yıızòò èhtso, hadı, 'Amı k'àowo nèhtsı t'à hanı gots'ò goıde? ²⁸ İxèè Egypt got'ù ełàànehwhoo sù eyı lasıle ha nı?’ dọ yèhdı. ²⁹ Moses dọ hadı ııkw'ò t'à Mıdıyan nèk'e ts'ò kwıèhsa. Ekọ ıadı nèk'e nàıdè eyıts'ò weza nàke gòıle.

³⁰ “Dıèng xo k'ehqowò t'axqò ekı-kà nèk'e shıh Sınai gòyeh gà goghò ta kò dèk'òò gots'ò yak'eet'ù Moses ts'ò wègoèht'ı ıle. ³¹ Eyı kò ghàeda ekò wegħa enıyah dı. Hotı nezù yegħàeda ha nıwọ t'à yets'ò nıwà-le nùtla ekò gots'ò K'àowo yets'ò gode yeèkw'ò. ³² 'Necho Gınıòhtsı aht'e, Abraham, Isaac eyıts'ò Jacob Gınıòhtsı aht'e,' Nòhtsı yèhdı ıle. Moses deıı xè ts'ehıı lajà eyıt'à kò ghàeda ha wegħa dı.

³³ “Nòhtsı yets'ò hadı, 'Nekè yı xàatà, jò dèè k'e nàawoo sù dèè degı hq't'e. ³⁴ Egypt nèk'e sets'ò dọ dani dagıızaa sù wek'èhsò. Hqgetse geèkw'ò t'à ekọ gots'òò xàgeedè agehıe ha. Dı sù Egypt ts'ò naneehzà ha,' Nòhtsı yèhdı.

³⁵ “Moses, wèot'ı gıwọ-le sù eyı hq't'e, gıts'ò dı hadı ıle, 'Amı gogħa k'àowo nèhtsı t'à hanı gots'ò goıde?’ gıhdı ıle. Nòhtsı eyı dọ et'ı gots'ò nayııhà, gogħa k'àowo eı ha eyıts'ò edaxàgolee sı eı ha ayııla. Yak'eet'ù t'à hadı yets'ò goıde ıle.

³⁶ Eyıt'à Moses, Israel got'ù Egypt nèk'e gots'òò

xàgoèwa. Egypt nèk'e eniyyah lq hòèhtsɿ. Ticho Dek'oo gà eyits'q dɿènq xo ekɿ-ka nèk'e k'ehogɿhde ekò eniyyah lq hòèhtsɿ ilè.

³⁷ “Moses ededɿ-t'ù Israel got'ù ts'ò dɿ hadɿ ilè, ‘Nòhtsɿ sɿ xàè naxɿta gots'q, sɿ lanɿ, nakwenàozq naxɿts'ò ayele ha,’ gòhdi ilè. ³⁸ Ekɿ-ka nèk'e shìh Sinaɿ gà, Moses gòet'ɿ elègehde agòòlà. Ekq shìhka yak'eet'ù yets'ò goɿde eyits'q yatɿ nezù wet'à ts'eedaa lq yeghàla.

³⁹ “Hanikò gòet'ɿ Moses k'èagɿt'e ha gɿwq-le eyits'q gots'ò k'àowo elɿ ha gɿwq-le. Egypt ts'ò anagede ha gɿwq. ⁴⁰ Moses wɿde Aaron ts'ò dɿ hagedɿ, ‘Sòmbakweè t'à gogha nòhtsɿa nehtsɿ, eyɿ èhɿ gogha k'aodèè gulè. Ekò dɿ Moses Egypt nèk'e gots'qò xàgoèla, wexè dàgòjàa sɿ wek'èts'eezq-le!’ gedɿ ilè. ⁴¹ Ekɿyeè k'e edegha nòhtsɿa ejiezaa lanɿ wègaat'ɿ gèhtsɿ. Eyɿ edɿlà t'à gèhtsɿ kò gɿghàsqedɿ xè wets'q kò ghàgeedɿ, eyits'q wegħa dzèdeè gèhtsɿ. ⁴² Ekɿyeè k'e haget'ɿ kò Nòhtsɿ nàgoehzq-le, yat'a whò ts'ò yagehtɿ kò t'asagòòlà-le. Nakwenàozq gɿhɿt'è k'e ayɿ dek'eèht'èè sɿ wek'èè agejà:

‘Israel got'ù, dɿènq xo ts'ò ekɿ-ka nèk'e k'eahdè ekò asɿ tɿts'aadɿ seghàahtɿ xè sets'ò t'asɿ k'eahk'ò nqò? ⁴³ Molek, dq eladɿ gɿts'q nòhtsɿ, edexè k'eahte ilè, eyits'q nòhtsɿ Repħan edegħa whahtsɿ sɿ, wets'q whò ts'ò yaahtɿ ilè. Eyɿ'à Babylon nèk'e wezq ts'ò anaxehle ha,’ dek'eèht'èè.

⁴⁴ “Gocho ekɿ-ka nèk'e Nòhtsɿ nàowo goghàla għa nɿhbàa hòèlɿ sɿ xè k'egedè ilè. Eyɿ nɿhbàa Nòhtsɿ Moses ts'ò dàdɿ sɿ k'èè eyits'q dànɿ yegħàedaà ayɿlè sɿ k'èè hòèlɿ hq't'e. ⁴⁵ Joshua k'àowo elɿ ekò gòet'ɿ eyɿ nɿhbàa gonèk'e ts'ò edexè

agùlà ìlè. Eyí dèè k'e dọ hadı xàzaa nàdèè ìlè sù Nòhtsı hazòò xàgoèhza. David k'àowochò whelı gots'ò eyí nıhbàa t'à agıat'ı. ⁴⁶ David Nòhtsı yeghò nezı anıwọọ sù Nòhtsı gha kọ-gocho gohtsı ha nıwọ ìlè. ⁴⁷ Hanikò weza Solomon Nòhtsı gha kọ-gocho gòhtsı họt'e.

⁴⁸ “Hanikò Nòhtsı wenahk'e gòhı-le sù dọ edılà t'à kọ gehtsı sù yeyı nàdè nıle. Nakwenàozọọ dı hagedı gıtl'è ìlè:

⁴⁹ *'Gots'ò K'àowo hadı: Yak'e sù sedaèhchıcho họt'e, eyıts'ò dı nèk'e sù wek'e nàeht'è họt'e. Eyıt'à kọ dàhòt'ı segha nehtsı ha neewọ nọò? Eyıts'ò edı segha kọ goıhtsı ha neewọ nọò? ⁵⁰ Sı t'ası hazòò silà t'à whıhtsı họt'e, gots'ò K'àowo hadı, gıtl'è.*

⁵¹ “Naxı naxıkwı nàtsoo aah't'e. Naxıdzeè t'à Nòhtsı ts'ò naahza-le eyıts'ò naxıdzıihkw'ò t'à wekazaàhk'w'ò-le. Naxıcho gıxèaht'e, t'aats'ò Yedayeh Nezı k'èch'a eghàlaahda. ⁵² Naxıcho nakwenàozọọ hazòò dagogıhza ìlè họt'e. Nakwenàozọọ, 'Dọ Ehw'ı Edaa' nıtlà ha, gedı sù ełàagogıhdè ìlè. Ekò dı sù naxı dèè-ts'ò-k'àowo tl'aàwèahtı xè ełààwèahwho họt'e. ⁵³ Naxı sù yak'eet'ı t'à nàowodeè naxıts'ò nıit'ò họt'e, hanikò eyı nàowo sù wek'èaht'e-le,” Stephen hadı gots'ò goıde.

Stephen kwe t'à ełàagıhwho

⁵⁴ Stephen hanı gots'ò goıde t'à dọ hazòò sù gık'èch'a agòjà. ⁵⁵ Hanikò Stephen Yedayeh Nezı nàtsoò wets'ò-èlı xè ıdòo yak'e ts'ò k'èet'ı. Nòhtsı wexè dànı xèdaat'ı eyıts'ò Zezi Nòhtsı gà nàgòts'èhnèè nàwo, wegħa wègoèht'ı. ⁵⁶ Stephen

hadı, “Yak'e xègoèht'ı. Dq-wet'aaàa-deè Nòhtsı gà nàgòts'ehnèe nàwo wègaat'ı,” hadı.

⁵⁷ Hadı gıkw'o ekò dq egeèhk'w'q ha gıwq-le t'à ededzıhk'w'qò k'egèhđi gà hòt'ò gezeh. Hazqò ehghàà dagıachı ⁵⁸ gà kòta ts'qò xàgeèli, eyıts'q kwe t'à ełààgıhwhı ha nèhogıııq. Dq Stephen k'e nıdahogııııq sı cheko ıè Saul wıyeh gozeè xoehđı agıııà.

⁵⁹ Dq kwe t'à gıshı ekò Stephen hadıı yaıhtı, “K'àowo Zezi, sedàazhıı nııchı,” hadı. ⁶⁰ Eyı t'axqò nàgòıhgè xè hòt'ò whezeh, hadı, “Sets'ò K'àowo, đı hoıı hogèhtsıı sı gıghq nahoııe.” Hadı t'axqò ełajwo.

Saul wedaà agòjà, wıni k'èè Stephen ełààgıhwho.

8

Saul dq gıgha ehkw'i-ahodu sı dagòıhza

¹⁻² Dq degai mòhdaa Stephen wekw'qò nègıııq eyıts'q gıghq hòt'ò gııtsè. Eyı dzèè k'e Jerusalem Nòhtsı wecheekeè hazqò dagıııàà agııđıà. Eyı t'à Judea nèk'e eyıts'q Samarıa nèk'e ts'ò kwıgeèhde. Hanıkò Zezi wecheekeèdeè t'aa Jerusalem ageèhk'w'e. ³ Saul Nòhtsı wecheekeè godıhohtsı ha, kòta dqzhıı eyıts'q ts'èko nıgoııe gà dq-danııııa-kò ts'ò agohııı.

⁴ Nòhtsı wecheekeè edıı ehkègıııde sı ekq godı nezıı t'à dq xè gogedo.

Philp Samarıa nèk'e nııtla

⁵ Nòhtsı wecheekeè Philp wıyeh Samarıa nèk'e kògodeè ts'ò ajà, ekq Zezi-Krı wegodıı t'à dq hoghàehtq. ⁶ Dq hazqò Philp gıkw'o eyıts'q enııyah

hòèhtsɪ ɣiaɪɪ t'à dàdu sù hotù nezù egeèhkw'ò.
 7 Inùɪ lɔ yagizèh xè dɔ yù gots'ò xàgùde, dɔ ɣikw'òò
 ɛɪɪdèè lɔ eyits'ò dɔ k'egedè-le lɔ k'aat'ù agòòlà.
 8 Eyit'à eyi kògodeè dɔ sù ɣinà agòjà.

Simon, ɪk'òò-k'èezɔɔ-dɔò

9 Dɔ ɪè Simon wiyeh whaà gots'ò Samaria
 nèk'e kògodeè ɪk'òò k'alaiwo t'à dɔ hazòò eyi
 nèk'e nàgedèè sù gogha siidì hòèhtsɪ. T'asù aht'e
 edewɔ t'à edeghɔ xàdahodì. 10 Dɔ lɔ ɣits'ò at'ɪ,
 k'aodèè eyits'ò dɔ t'ahoòyù ɣixè at'ɪ. Hagedi, “Eyi
 dɔ Nòhtsɪ dahxà t'asù nàtsoo wets'ò-èlɪ,” ɣiùhdi.
 11 Whaà gots'ò edets'ò ɪk'òò t'à gogha siidì hòèhtsɪ
 t'à dɔ lɔ ɣik'èè k'edè. 12 Hanikò Philip Nòhtsɪ
 Wenàowoò wegodiù nezù eyits'ò Zezi wegodiù nezù
 dɔ hoghàgoehtɔ t'à ɣigha ehkw'ɪ-ahodiù agejà. Eyit'à
 dɔzhù eyits'ò ts'èko sɪ ɣik'ètaidzɔ. 13 Simon ededi
 sɪ wegaha ehkw'ɪ-ahodi t'à wek'ètaidzɔ. Philip edù
 k'edaa sù yek'èè k'eda. Eniyah deè wedaà nàhòwo
 t'à sù wegaha eniyah dii.

14 Samaria got'ù Nòhtsɪ yatù ɣigha ehkw'ɪ-ahodiù
 agòjàa Zezi wecheekeèdeè Jerusalem geèhkw'ee
 sù eyi godi ɣiùkw'o ekò Peter eyits'ò John gots'ò
 gogeèhɪ. 15 Ekò nègùde ekò Yedàyeh Nezù dɔ ɣik'e
 ade ha gok'eèyagùhtɪ. 16 ɪlɪà Yedàyeh Nezù ɣik'e
 ajà-le ɪlè, gots'ò K'àowo Zezi wuzi zɔ t'à ɣik'ètaidzɔ
 ɪlè. 17 Eyit'à Peter eyits'ò John gokwìt'a dageèhdi gà
 Yedàyeh Nezù ɣik'e ajà.

18 Zezi wecheekeèdeè edilà dɔ k'e agehɪ-ɪdè
 Yedàyeh Nezù ɣik'e at'ɪ, Simon yaɪɪ. Ededi sɪ hat'ɪ
 ha nɪwɔ t'à sɔqɔmba gots'àzeèhdi ha nɪwɔ, 19 hadi,
 “Sɪ sɪ haht'ɪ ha seghàhòahɪ. Sɪlà dɔ k'e whihdi nɪdè
 Yedàyeh Nezù ɣik'e ade ha,” gòhdi.

20 Peter yets'ò hadi, “Nòhtsi t'asì k'èxa-le dọ ghàyezaa sù, sọ̀m̀ba t'à nàhdi ha neewọ t'à, nesọ̀m̀baà nexè wedihòlè welè! 21 Nedzeè t'à Nòhtsi ts'ò ehkw'ı nàninewo-le t'à, dı Nòhtsi wilaà sù nexè ha nıle. 22 Nenàowoḥı wek'eneḥı eyits'ọ gots'ò K'àowo ts'ò yanehti. Edahxọ neghọ nahoele ha welı. 23 Sù goghọ ts'ohoidı xè hoḥı nets'ò k'àowo,” Peter yèhdi.

24 Simon yets'ò hadi, “Dàıdı sù sexè hagode ha-le t'à, gots'ò K'àowo ts'ò segha yanehti,” yèhdi.

25 Gots'ò K'àowo weyatı dọ ghàıııı t'axọ̀ Pe-ter eyits'ọ John ek'èt'à Jerusalem ts'ò nageèhde. Samarıa nèk'e kòta yàgòlaa sù gok'egıde, ekọ godı nezıı t'à dọ xè gogiado.

Philip eyits'ọ Ethiopia nèk'e gots'ọ dọ

26 Ekııyeè k'e gots'ò K'àowo edets'ọ yak'eet'ıı Philip ts'ò yııhza, hayèhdi, “Ekıı-ka nèk'e tıı saıı ts'ò nıızaa sù k'èè anede. Eyı tıı Jerusalem gots'ọ kòta Gaza ts'ò nıızaa sù k'èè anede,” yèhdi. 27 Eyıt'à Philip ekọ ajà. Ekọ naetle ekò Ethiopia nèk'e gots'ọ dọ-wet'àaızaa-deè ghọ nııtla. Eyı dọ sù Ethiopia nèk'e ts'èko-k'àowo gha sọ̀m̀ba-k'èdii-dọ̀ elı. Jerusalem wexè yatı ha t'à ekọ ts'ò èhtla ıle. 28 Ek'èt'à edekò ts'ò tııcho-behchıı t'à naehtle ekò nakwenàozọ̀ Isaiah wenıhtı'è k'eyahtı ıle. 29 Yedàyeh Nezıı Philip ts'ò hadi, “Eyı dọ webehchıı ts'ò nıwà-lea nııtla,” yèhdi.

30 Eyıt'à Philip yebehchıı ts'ò tıımòehza, eyı dọ nakwenàozọ̀ Isaiah wenıhtı'è k'eyahtı nọ̀ yeèkw'ọ. Philip dayeehke, “Eyı wek'eyahtı sù asıı wenıdı?” dọ èhdi.

31 “Dò sedaedi lenq̄sɪ dani weneehdi li?” hadi. Eyi'tà Philip ts'ò hadi, “Segà behchɪ yìtla,” yèhdi.

32 Eyi k'àowo sɪ enɪhtl'è k'e du hani dek'eèhtl'è yek'eyahti jlè:

“Sahzòq edeweè ts'ò etle lani natl'igɪaxà. Sahzòq weghàà xaget'à kò t'asadi-le, eyi lani xayajhti-le. 33 Sɪ tsɪgɪhʔa eyits'q ehkw'i gɪsɪniyajhti-le. Du nèk'e elaaʔwɪgwo t'à, wets'ihʔòq-dòq gòhɪ-le,” hani dek'eèhtl'è.

34 Eyi dq, Philip daehke, “Sets'ò haɪdi, nakwenàozòq amɪ ghò godeè-adi? Edeghò gode, hani-le-ɪdè eyɪ-le ghò godeè-adi?” yèhdi dayeehke. 35 Eyi'tà Philip eyi enɪhtl'è k'e dani dek'eèhtl'è sɪ t'à yexè godo, eyits'q Zezi wegodi nezɪ yets'ò hadi.

36-37 Tɪli k'e nagɪadè ekò tɪ whehtq gà nègɪde. Eyi dq hadi, “Jò tɪ whehtq, asɪ sek'etàɪdzɪ ha dɪ-le?” yèhdi. 38 Eyi dq edecheekeè ts'ò goɪde t'à tɪcho behchɪ nɪtla agɪlà. Eyi'tà Philip eyits'q eyi dq ɪlah teè lègeèhtla gà Philip yek'etàɪdzq. 39 Tɪ yɪ gots'q xàgɪde ts'òet'ɪ Philip Yedàyah Nezɪ t'asɪ nayeèhchi. Eyi dq nayat'ɪ-le hanikò sɪ winà xè edekò ts'ò naèhtla. 40 Ekò Philip kòta Ashdod ekq k'enatlo, eyi t'axqò hazqò nèk'e ajà. Ekq kòta yàgòlaa eyits'q kòta Caesarea nɪtla gots'q godɪ nezɪ t'à dq ts'ò gode.

9

Saul Zezi wecheekeè whelɪ

1 Ekiyèè k'e Saul ɪlaà gots'q K'àowo wecheekeè gowè hanɪwq. Eyi'tà yahtɪ-wet'aaʔaa-deè ts'ò èhtla. 2 Kòta Damaskus ekq elègehdeè-kò gòlaa

sii hazòò gots'ò eet'l'è ha yùhwhò. Ekò gots'ò dọzhii eyits'ò ts'èko Zezi wenàowoò k'èè geedaa sii nigoile gà Jerusalem gidaàniìlaa agole ha niwọ. ³ Kòta Damaskus ts'ò niwà-lea niitla ekò hotsaa yak'e gots'ò wemọọ hazòò ts'ò dzeh agòjà, sadeèt'l'i nàtsoo wek'e nàidii ajà. ⁴ Saul dèè k'e nàakw'o eyits'ò wets'ò hats'edii họt'e, “Saul, Saul, dàniḡhọ dasenèehza?”

⁵ Saul hadi, “K'àowo, amii anet'e?”

“Zezi aht'e, si sii dasenèehza họt'e. ⁶ Niitla gà kòta ts'ò anede, ayii dānele ha sii nets'ò hagedi ha,” Zezi yèhdi.

⁷ Dọ Saul xè aget'ii sii ekii nàgèehza geèhyeh t'à agudì while. Gots'edeè họt'e egeèkw'ọ hanikò dọ wiiizii giari-le. ⁸ Saul niitla ekò wegħa xègaat'i-le agòjà. K'eegehzi t'à kòta Damaskus ts'ò geède. ⁹ Tai dzeè ts'ò wegħa xègoèht'i-le, eyits'ò shèt-i-le, ti si wewàhọdì-le.

¹⁰ Damaskus ekò Nòhtsi wecheekeè iè nàdè, Ananias wiyeh. Gots'ò K'àowo wenazhu wègoèht'i xè yets'ò gode, “Ananias!” yèhdi.

“Hèzè, sets'ò K'àowo, neèkw'ọ,” Ananias yèhdi.

¹¹ Gots'ò K'àowo yets'ò hadi, “Tii Ekw'i Niizaa gòyeh k'e Zhidàa wekò nàatla. Ekò kòta Tarsus got'ii Saul wiyeh ghọ dazihke, eyi dọ sets'ò yahti t'à. ¹² Saul wenazhu xègoèht'i ekò dọ Ananias wiyeh yets'àehtla gà edilà yek'e ayiilà t'à wegħa xènaḡoèht'i ajà,” gots'ò K'àowo yèhdi.

¹³ Ananias hadi, “Sets'ò K'àowo, eyi dọ wegħọ godi lọ eèkw'o. Nets'ọ dọ Jerusalem nàgedèe sii hoila lọ gogħa hòèhtsi ghọ eèkw'o. ¹⁴ Dii yahtii-gha-k'aodèe godahxà jọ niitla, dọ negħọ gni nàtsoo sii dọ-daniìlaa-kò ts'ò agole ha jọ niitla iè,” yèhdi.

15 Hanikò gots'ò K'àowo Ananias ts'ò hadi, “Ekò nàatla! Eyi dọ wiihchì họt'e, wet'òò dọ hazòò xàzaa sùzì k'ègeezò ha. Dọ eyi-le xàzaa gha k'aodèe ts'ò gode ha eyits'ò Israel got'ù sù ts'ò gode ha, eyi gha wiihchì họt'e. 16 Sùzì ts'ihzò hòt'ò dajza ha sù yek'èezòò awehè ha,” Zezi yèhdi.

17 Eyi t'à Ananias eyi kò ts'ò èhtla gà ekò goyaèhtla. Saul wekwit'a dawhehdi gà hayèhdi, “Sèot'ì Saul, tìlì k'e jò ts'ò naitle ekò gots'ò K'àowo Zezi nets'ò wègoèht'ì ilèe sù nets'ò sùhza. Nedaà xègaat'ì anade ha eyits'ò Yedàyeh Nezu nek'e ade ha nets'ò sùhza,” yèhdi. 18 Ekòet'ì Saul wedaà gots'ò t'asi xàit'ì, eyi t'axòò wegga xègoèht'ì anajà. Saul niitla gà wek'ètaidzòò agiila. 19 Shètì t'axòò nàtsoò anajà. Damaskus ekò Nòhtsì wecheekeè goxè whaà-lea ts'ò nàidè.

Saul kòta Damaskus gots'ò Jerusalem ts'ò ajà

20 Ekòet'ì kòta Damaskus elègehdeè-kò yàgòlaa sù Saul dọ ts'ò godeè ajà. Zezi Nòhtsì Weza họt'e hadi dọ gots'ò goide. 21 Dọ hazòò gùkw'oo sù sù gogha eniyah adi. “Eyi dọ Jerusalem ekò dọ Zezi ghò gini nàtsoo sù gogha hoila hohtsì là, eyi nì at'ì? Gidaizhe ha yahtu-gha-k'aodèe ts'ò agole ha jò niitla là, eyi nì at'ì?” gedì dalegeehke. 22 Hanikò Saul denahk'e wini nàtsoò ajà eyits'ò dànì dek'eèht'èe sù wegga Zezi Christ họt'e hadi gots'ò goide t'à Israel got'ù kòta Damaskus nàgedèe sù sù gogha eniyah adi.

23 Lọ dzeè k'e hanidi t'à Israel got'ù ełàgiihwhi ha k'ehogèa. 24 Hanikò Saul nàgòzhì. Ełàgiihwhi ha gıwọ t'à dze, to ehk'èè kòta-xàgòòza-k'è kex-ogihdi. 25 Hanikò wecheekeè gıllı sù to agòjà ekò

xàgèhchì. Tl'ohṭo yì gùṭṭi gá kòta gomṭò kwekwì nìzàa sù xàgòzàa k'è hodàgèlì.

²⁶ Eyì tl'axṭò Saul Jerusalem ts'ò ajà. Nòṭṭsì wecheekeè goxè at'ì ha hoèhdzà hanìkò hazṭò gùts'àejì. Edeṭì Nòṭṭsì wecheekeè elì gìgha ehkw'ì-ahodì-le. ²⁷ Hanìkò dṭò ɔ̀lè Barnabas wìyeh sù Saul edexè ayìllà, Zezi wecheekeèdeè gots'ò yeèhchì. Saul dànì kòta Damaskus ts'ò etle ekò gots'ò K'àowo eṭì, gots'ò K'àowo dànì yets'ò goṭde, eyìts'ò kòta Damaskus ekṭò wìnì deṭì-le xè Zezi ghṭò dṭò ts'ò goṭde, eyì hazṭò Barnabas yeghṭò gots'ò goṭde.

²⁸ Eyìt'à Saul Zezi wecheekeèdeè goxè nàìdè eyìts'ò edèdaedì-le xè Jerusalem dṭò ta k'eda. Zezi wùzì t'à nàtsoò dṭò ts'ò gode. ²⁹ Israel got'ù Greek k'èè gogedee sù gots'ò gode xè goxè nàyaehṭì, hanìkò elààgùhwhì ha hōgèhdzà. ³⁰ Nòṭṭsì wecheekeè eyì hagòjà gùk'èhoèhzà ekò kòta Caesarea ts'ò nageèhchì gá elàcho t'à kòta Tarsus ts'ò agùllà.

³¹ Eyì tl'axṭò Nòṭṭsì wecheekeè hazṭò Judea nèk'e, Galìlee nèk'e eyìts'ò Samaria nèk'e gìgha latsaa ts'èwhù hòzṭò agòjà. Yedàyeh Nezu t'à gùnì nàtsoò agejà. Eyìt'à dṭò lṭò gota gùde xè gots'ò K'àowo k'èagùt'e ha gùwṭò.

Aneyas eyìts'ò Dorcas

³² Peter eyì nèk'e kòta gòlaa gota k'eda ekò kòta Lyda gòyeh ekṭò Nòṭṭsì wets'ò dṭò gots'àèhtlà. ³³ Ekṭò dṭò ɔ̀lè Aneyas wìyeh eṭì. Eyì dṭò k'eda-le t'à ek'èdì xo gots'ò edetè k'e whetì. ³⁴ Peter yets'ò hadì, “Aneyas, Zezi k'aat'ù anùllà. Nùtla eyìts'ò netè nùzah,” yèhdì. Ekòet'ù Aneyas nùtla. ³⁵ Dṭò hazṭò kòta Lyda eyìts'ò kòta Sharon nàgedèe sù gùzì t'à Nòṭṭsì k'èè geedaà agejà.

³⁶ Kòta Joppa gòyeh ekò ts'èko ìlè nàdè, Tabitha wiyeh (Greek k'èè Dorcas wiyeh). Eyì ts'èko Nòhtsì wecheekeè elì họt'e. T'aats'òò dọ gha eghàlaeda eyìts'ò dọ-teèt'ì ts'àdì. ³⁷ Ekìyee k'e eyawhelì t'à elàwo. Wekw'òò k'enagùhtso gà ɔ̀dòo dahkò nègùhtì. ³⁸ Kòta Lyda gots'ò kòta Joppa ts'ò gọ̀wà-le họt'e. Eyìt'à Nòhtsì wecheekeè gùlì sù Peter kòta Lyda ts'ò-elì ghọ egùkw'o t'à dọ nàke Peter ts'ò geèhza, “Ìwhàà jọ nààtla!” gùhdì.

³⁹ Eyìt'à Peter gok'èè èhtla. Ekò nègùde ekò ɔ̀dòo dahkò ts'ò dekuṭlāa agùlā. Ts'èko gìgà dọzhì whìle sù hazòò Peter gà nàgeèhza, getse. Dorcas ìlāa eda ekò gogha goht'ò whehtsì sù Peter ts'ò dagiale.

⁴⁰ Peter, eyì kọ̀ goyì dọ geèkw'ee sù hazòò xàgoèhza. Peter nàgòìhgè gà yahtì. Ts'èko elàwo ts'ò hadì, “Tabitha, nùtla,” yèhdì. Ts'èko k'et'ì ajà, Peter ezì ekò daèhte k'e whedaà ajà. ⁴¹ Peter ylā daachì gà nàwo ayìlā. Eyì t'axòò dọ gìgha ehkw'ì-ahodì eyìts'ò ts'èko gìgà dọzhì whìle sù goyageède agòòlā. Ts'èko edaà ajāa sù gìghàedaà agòòlā. ⁴² Dọ hazòò kòta Joppa nàgedèe sù gìghòìkw'o t'à dọ ìọ Nòhtsì gìgha ehkw'ì-ahodì agejà. ⁴³ Peter whaà-lea ts'ò eyì kòta Joppa dọ ìlè Simon ewò-sùhzi-dòò xè nàìdè.

10

Cornelius Peter kàehza

¹ Dọ ìlè Cornelius wiyeh kòta Caesarea nàdè. Italy nèk'e gots'ò eghọ-dọ-gha-k'àowo elì. ² Edeḍì eyìts'ò wèot'ì hazòò Nòhtsì k'èagùt'e ghọ hòt'ò agùwọ. T'aats'òò dọ-teèt'ì ts'àdì xè Nòhtsì ts'ò yahtì. ³ Ìlāa tai nìzọ ekò Cornelius wenazhì

xègoèht'ì. Yak'eet'ì yeghò nùtla yaɹɹ, yets'ò hadɹ, “Cornelius!” yèhdi.

⁴ Cornelius yaɹɹ t'à, sù dèhyeh. “Sets'ò K'àowo, ayì ghò aɹɹdi?” yèhdi. Yak'eet'ì yets'ò hadɹ, “T'aats'ò Nòhtsɹ ts'ò xàyaɹhtɹ eyɹts'ò dɔ-teèt'ì ts'ànedɹ t'à Nòhtsɹ nenadi. ⁵ Kòta Joppa ekò ts'ò dɔ gɹhɹa. Ekò dɔ Simon wìyeh, Peter sɹ gɹhdi, edexè ek'èt'a nagɹichɹ. ⁶ Simon ewò-sìhɹ-dòò xè nàdè, wekò tìchobàa gà gòɹò hɹt'e,” yèhdi.

⁷ Yak'eet'ì yets'ò ajà t'axòò Cornelius edecheekè nàke gokagoɹde, eyɹts'ò eghòò-dòò ìlè yegha eghàlaedaa sù Nòhtsɹ ghò hòt'ò anɹwò, eyɹ sɹ ts'ò goɹde. ⁸ Yak'eet'ì dàyèhdi sù hazòò gots'ò hadɹ, eyɹ t'axòò kòta Joppa ts'ò goèhɹa.

Peter wenazhu xègoèht'ì

⁹ Ek'èdaedzè, dzètani ekìyèè k'e kòta ts'ò nɹwà-lea nagɹadè ekò Peter yahtɹ ha t'à kò ka dagòɹòò dekiitla. ¹⁰ Sù deèhdi ajà t'à, t'asì ghò shèhtɹ ha nɹwò. Ìzhù bò xàgeht'è ekò Peter wenazhu agòjà. ¹¹ Yak'e ehts'òò ajà wegħa wègoèht'ì, libalà nechàa lanu dèè k'e ts'ò ajà. Wedzì dɹ yats'itò lanì, ìdòò gots'ò ìzhù ajà yaɹɹ. ¹² Weyì tɹts'aàdì ìò xàɹaa whela, gòò hanu eyɹts'ò yat'a k'edèè hazòò xàɹaa sɹ. ¹³ Wets'ò hats'edi hɹt'e, “Peter nùtla, t'asì elàɹhwhù gà shèhtɹ,” ts'edi hɹt'e.

¹⁴ Peter hadɹ, “Sets'ò K'àowo, hahle ha diì, t'asì weju sù wegħò shèhtɹ whìle,” hadɹ.

¹⁵ K'achɹ wets'ò gots'edeè hɹt'e, “Nòhtsɹ t'asì nezì yèhdi sù weju nùdì ha-le,” ts'edi hɹt'e.

¹⁶ Taà-eh't'aa wexè hagòjà, eyɹ t'axòò libalà lanu ìdòò yak'e ts'ò anajà.

17 Peter wenazhù dàgòjàa sù ìlǎà yeghò nàníwo ekò k'àowo Cornelius dọ ekọ goèhǎà ìlèe sù Simon wekọ nègùde. Mòht'a kwù gá nàgèhza. 18 Hòtl'ò hagedù, “Asù dọ Simon wiyeh, Peter gùhdi, jọ nàdè?” gedi.

19 Peter ìlǎà nàníwo ekò Yedàyeh Nezi yets'ò hadi, “Simon, dọ tai nehagùwọ. 20 Gits'ò hodàtla. Jọ ts'ò ageèhlà ne t'à, gik'èitla ha sù weghò nànewole,” yèhdi.

21 Eyit'à Peter izhù gots'ò hodàèhtla, dọ nègùde ts'ò hadi, “Ami wekak'eaht'ù sù eyi aht'e. Ayi ghọ jọ nàwhahde?” gòhdi.

22 Dọ gits'ò hadi, “Cornelius, eghọ-dọ-gha-k'àowo, jọ ts'ò goihǎà. Ededi dọ ehkw'i edaa xè Nòhtsi ghọ hòtl'ò aniwọ, eyits'ọ Israel got'ù hazọ gighoneetọ họt'e. Wenazhù yak'eet'ù yets'ò goide ìlè, nì wekọ nàatla ha, yèhdi. Ayi wets'ò haidi ha sù neèhk'ọ ha họt'e,” gùhdi. 23 Dọ eyi kọ agut'e ha t'à Peter goyagoèwa.

Peter Cornelius wekọ nùtla

Ek'èdaedzè k'e Peter gok'èè naèhtla. Kọta Joppa gots'ọ Nòhtsi wecheekeè mọhdaa goxè agejà.

24 Ek'èdaedzè kọta Caesarea nègùde. K'àowo Cornelius godanaèhzi ìlè. Edèot'ì hazọ eyits'ọ weàgià gùlù sù edekọ ts'ò gokàehǎà ìlè. 25 Peter goyaetle ekò Cornelius yets'ò èhtla. Yets'ò nàgòihgè xè yeghàsọedi. 26 Hanikò Peter yets'ò hadi, “Nàawo, nexèht'eè dọ aht'e ne,” yèhdi.

27 Peter yets'ò gode xè yekọ goyaèhtla. Goyi dọ lọ dèhk'w'e nọ. 28 Peter gots'ò hadi, “Goxi gonàowo k'èè dànì goxè hòzọ sù wek'èahsọ họt'e. Israel got'ù sù, dọ eyi-le xàzaa xè aget'ì ha, gigha

wets'àet'ò họt'e. Hanìkò dọ wụzị wejụ wèehsị ha-le sị Nòhtsị wek'èehsọ ò asịlà. ²⁹ Eyit'à jọ ts'ò sekàgòhdi ekò ìle dehsị-le. Ayị ghọ jọ sekàwhahzà?" Peter gòhdi.

³⁰ K'àowo Cornelius yets'ò hadi, "Ìdì dị dzeè ekò dī lagòht'e tai nịzọ sekọ yahtı ekò họt'saa dọ wezeè k'e saide nàwoo senazhu wègoèht'ì. ³¹ Sets'ò hadi, 'Cornelius, ayị gha yanehtı sị Nòhtsị nìkw'o họt'e, eyits'ò dọ-teèt'ụ ts'ànedı sị yek'èezọ họt'e. ³² Yee kọta Joppa ts'ò dọ nehza, ekọ dọ ìlè Simon wiyeh, Peter sị giıhdı, wekàıhzà. Simon, ewò-siıhzı-dọ tıchobàa nàdèe ekọ yexè nàdè họt'e, yak'eet'ı sèhdi. ³³ Eyit'à ekòet'ı nekàwhıhzà. Jọ nàwheęta t'à masi neehwhọ. Nòhtsị wenadaę hazọ jọ ts'eèkw'e, gots'ò K'àowo ayị gots'ò hadı ha nèhdı sị wets'eèkw'ò ha ts'ıwọ," yèhdi.

³⁴ Eyit'à Peter gots'ò goıde, "Nòhtsị sị dọ ìlè xàzaa zọ gòıhchı nıile, eyı sị k'òt'a wek'èhoèhzà. ³⁵ Dọ hazọ xàzaa gots'ò dọ wets'ò agede ha nıwọ. Hazọ nèk'e gots'ò dọ Nòhtsị k'èagıt'e xè ehkw'ı geedaa sị Nòhtsị goxè at'ı họt'e. ³⁶ Nòhtsị Israel got'ı yatı gots'ò ayılà sị wek'èahsọ họt'e. Zezi dọ hazọ ts'ò k'àowo elı sị wets'ıhzọ dọ xè sıghà hòzọ họt'e. Nòhtsị hanı yatı gots'ò ayılà ìlè. ³⁷⁻³⁸ Eyits'ò Judea nèk'e hazọ dàgòjaa sị wek'èahsọ sọnaà. Galılee nèk'e t'akwełọ kèhọwo. Nazareth got'ı Zezi John-Baptist yek'ètaıdzọ t'axọ Nòhtsị, Yedayeh Nezi Zezi k'e ayılà. Yedayeh Nezi nàtsoò wek'e aja t'à enıyah lọ hòhtsı. Kọta yàgòlaa sị gota k'eetlo. Nòhtsị yexè at'ı t'à, dọ gha nezi eghàlada eyits'ò dọ ìnıhı gıts'ò-èlı sị k'aat'ı agòlà.

³⁹ "Israel got'ı gınek'e eyits'ò kọta Jerusalem

dàni eghàlaidàa sù hazòò weghàts'ùdà họt'e. Dechet'aa k'e gedùhtsò t'à elààgùhwho họt'e. ⁴⁰ Hanikò tai dzeè k'ehòqwo t'axòò Nòhtsì naidà ayìlà eyits'ò dọ lọ gɪaɪ̀ ɔ̀gòòlà. ⁴¹ Dọ hazòò gɪaɪ̀ nùile, Nòhtsì dọ nàwhehtsù sù eyi zọ gɪaɪ̀ họt'e. Naidà t'axòò goxì wets'aɪ̀ eyits'ò wexè shèt's'azhe. ⁴² 'Dọ ts'ò goahde,' Zezi gòhdi. 'Dọ geedaa eyits'ò elàidèe sù gɪsɪniyahtì gha Nòhtsì sùhchì họt'e. Seghọ godù t'à dọ gɪts'ò goahde ha,' gòhdi ìlè. ⁴³ Nakwenàozòq hazòò weghọ dù hagedi ìlè, 'T'aa gɪgha ehkw'1-ahodù sù wɪzì dahxà gihòhù gɪghọ nahoezhe ha,' dek'eèhtl'è," Peter gòhdi.

⁴⁴ Peter ìlèà gots'ò gode ekò dọ hazòò godi gùkw'oo sù Yedàyeh Nezzù gik'e ajà. ⁴⁵ Israel got'ù gɪgha ehkw'1-ahodì Peter xè nègùdee sù, gɪgha eniyyah dùi. Dọ eyi-le xàɪaa ededì kò Yedàyeh Nezzù gik'e ajà t'à sù gɪgha eniyyah nechà. ⁴⁶ Eyi-le dọ xàɪaa goyatù k'èè xàyagehtì xè Nòhtsì ghàsogeedi, gogùkw'o. Eyi t'à Peter hadì, ⁴⁷ "Goxèht'eè Yedàyeh Nezzù gik'e ajà t'à, amì dù dọ gik'ètàidzì ha-le gòhdi ha?" ⁴⁸ Zezi-Krì wɪzì t'à gik'ètàidzì ha," Peter gòhdi. Eyi t'axòò, Peter latsaa goxè anet'e, gùhdi.

11

Peter wexè dàgòjàa sù yeghọ gode

¹ Nòhtsì yatù dọ eyi-le xàɪaa ts'ò ajàa sù Zezi wecheekeèdeè eyits'ò Judea nèk'e hazòò ts'ò Nòhtsì wecheekeè gùlù sù ghọ gùkw'o. ² Eyi t'à Peter Jerusalem ts'ò èhtlà ekò Israel got'ù gɪgha ehkw'1-ahodù sù Peter dàni ekọ nèk'e eghàlaidàa sù gɪgha ehkw'1-le họt'e. ³ Eyi t'à hagùhdi, "Dọ eladù xàɪaa gikò goyaneetlà xè gixè shènetì nọò," gùhdi.

4 Eyit'à Peter wexè hazòò dàgòjàa sù deghàa godaedi, hadi, 5 “Kòta Joppa whihda, yahti ekò senazhu xègoèht'ì. Libalà nechàa lanì deè k'e ts'ò ajà weghàehda. Ìdòo gots'ò, wedziì dì yats'itò lanì sets'ò ìzhiì ajà. 6 Weyì k'eeht'ì ekò, tìts'aadiì lò xàʔaa, sa hanì, gòo hanì eyits'ò yat'a k'edèe hazòò weyì whela. 7 Eyits'ò sets'ò dù hats'ediì họt'e, 'Peter nùtla, t'asì elàìhwhì gà shènetì,' sèts'ediì họt'e.

8 “Eyit'à haehsì, 'Sets'ò K'àowo, hahle ha diì, t'asì weju sù sewàhòòdi while họt'e,' dehsì.

9 “K'achì nàke t'à yak'e gots'ò sets'ò hats'ediì họt'e, 'Nòhtsì t'asì nezù yèhdù sù weju nùdì ha-le,' sèts'ediì họt'e. 10 Taà-eh't'aà hanì sexè hagòjà, eyì t'axòò eyì libalà lanì ìdòo yak'e ts'ò anajà.

11 “Eyits'ò whaà-le-t'ì kòta Caesarea gots'ò dọ tai sets'ò gùhʔà. Sekàgùhʔà t'à eyì nègùde. 12 Yedàyeh Nezù sets'ò hadi, 'Gìk'èitla ha sù weghò nànewole,' sèhdì. Dù Nòhtsì wecheekeè ek'ètai sexè agejà t'à eghòò-dòò-gha-k'àowo wekò goyats'eède. 13 Eyì k'àowo goxè goado, hadi, edekò yahti ekò yak'eet'ì wenzhu wègoèht'ì. Yak'eet'ì yets'ò hadi, 'Kòta Joppa ekò dọ lè Simon, Peter sù wiyeh, wekàìhʔà. 14 Godì nezù neghàʔà ha, wet'à nì eyits'ò dọ hazòò nexè nàgedèe sù edaxàgeedè ha,' yak'eet'ì yèhdù lè.

15 “Dọ gits'ò gohde ekò Yedàyeh Nezù gik'e ajà, goxì t'akwelòò gok'e ajà lanì. 16 Gots'ò K'àowo ayì dàgòhdì lèe sù wenawhìhdì, 'John-Baptist tì t'à naxìk'ètaidzò họt'e, hanìkò naxì sù Yedàyeh Nezù t'à naxìk'ètaidzì ha,' gòhdì lè. 17 Zezi gogha ehkw'ì adì t'à Nòhtsì Yedàyeh Nezù goghàyyìzò họt'e. Dọ eyì-le xàʔaa goxèht'eè Yedàyeh Nezù gik'e ajà nùdè,

dàni Nòhtsɪ k'èch'a gohde lì? Wenahk'e aht'e nùle,” Peter gòhdi.

¹⁸ Hadı gots'ò goıde t'axòò dọ t'asagedı ha dıi t'à Nòhtsɪ ghàsogeedı, “Nòhtsɪ sù dọ eyıi-le xàzaa gıııı kò edek'egııı nıdè edaxàgole ha goghàhòızo nòò,” gedı.

Kòta Antioch gots'ò dọ gıgha ehkw'ı-ahodi

¹⁹ Ekııyeè k'e Stephen ɛlaàgııhwho t'axòò Nòhtsɪ wecheekeè dagogııhza t'à ehkègııde ıle. Phoenıcia nèk'e, Cyprus dı whezoò eyıts'ò kògodeè Antioch haıwa ts'ò agejà. Ekọ Israel got'ıı zo ts'ò godı nezıı nègıızo. ²⁰ Cyprus dı whezoò gots'ò dọ mòhdaa eyıts'ò kògodeè Cyrene gots'ò dọ mòhdaa, kògodeè Antioch ts'ò agejà. Ekọ Greece got'ıı nàgedè eyı sı Zezi wegodiı nezıı t'à gots'ò gogııde. ²¹ Gots'ò K'àowo gots'adı t'à dọ ıo gıgha ehkw'ı-ahodiı agejà, eyıts'ò Zezi ghọ gıni nàtsoò agejà.

²² Jerusalem ekọ Nòhtsɪ wecheekeè goghọ gıkw'o t'à Barnabas kògodeè Antioch ts'ò geèhza. ²³ Ekọ niıtla ekò dàni Nòhtsɪ gots'ò sɔnıwo t'à dọ gha eghàııdaa sù hazòò yaıı t'à winà. Gots'ò K'àowo ghọ gıni nàtsoò agole ha gots'ò goıde. ²⁴ Barnabas dọ nezıı elı eyıts'ò Nòhtsɪ ghọ winı nàtso xè Yedàyeh Nezıı nàtsoò wets'ò-èıı, eyıt'à dọ ıo Nòhtsɪ ts'ò agejà.

²⁵ Eyı t'axòò Barnabas Saul hanıwo ha t'à, kògodeè Tarsus ts'ò ajà. ²⁶ Yegòıhzo t'axòò kògodeè Antioch ts'ò geède. Barnabas eyıts'ò Saul ıle xo deghàà Nòhtsɪ wecheekeè xè ɛłegiadi, eyıts'ò dọ ıo hoghàgogeèhtọ. Kògodeè Antioch ekọ t'akwelòò Nòhtsɪ wecheekeè “Christ k'èagııt'ee dọò” gıyeh agejà.

27 Ekìyee k'e Jerusalem gots'ò nakwenàozòò mòhdaa Antioch nègùde. 28 Nakwenàozòò ìè Agabus wìyeh sù dɔta nàwo xè Yedàyeh Nezm dahxà gots'ò goide. Ìdaà dàgode ha sù gha yatì nìzò. Hazòò nèk'e Rome got'ì k'aodèe gùlì sù dɔ gha bò while agode ha, hadì. (Claudius dèe-ts'ò-k'àowo whelì ekò eyì hagòjà.) 29 Antioch Nòhtsì wecheekeè nàgedèe sù Judea nèk'e Nòhtsì wecheekeè ts'agedì ha gùwò. Eyit'à sòòmba t'aatlò nègezà ha diì-le sù haatlò nègùla. 30 Sòòmba nàgùhtsì sù Judea nèk'e Nòhtsì wecheekeè gha k'aodèe gùlì sù gots'ò agele ha t'à, Barnabas eyits'ò Saul ghàgùwa.

12

Yak'ee't'ì dɔ-danìlaa-kò gots'ò Peter xàèhchì

1 Ekìyee k'e k'àowocho Herod Nòhtsì wecheekeè mòhdaa dagoachì, dagòohza ha nìwò t'à, dɔ-danìlaa-kò ts'ò agòlò. 2 Weyatì k'e John wùde James, behcho t'à ełààgùhwho. 3 Israel got'ì goinà at'ì yek'èhoèhzà ekò weyatì k'e Peter sù dagiachì. Eyì hagòjàa sù lèt'è lèt'èa dɛ hòlì xè nàsì holèe dzeè nì ts'ò agòjà. 4 K'àowocho Herod Peter wedaàtò ayìlì. Eghòq-dòò hoònq-daats'ò-ek'ètaì gots'ò eghòq-dòò ek'èdì ełek'èawò gixoehdì. Dzèdèe Passover wetehoòwo nìdè Herod dɔ hazòò gidaà Peter wesinìyaeti ha nìwò.

5 Eyit'à Peter dɔ-danìlaa-kò wek'èhodì, hanìkò Nòhtsì wecheekeè Nòhtsì ts'ò hòtl'ò yegha yagehti.

6 Peter wesinìyaeti kwe eyì toò k'e satsòt'ì t'à deèt'ì xè eghòq-dòò nàke goge whetì agùlì. Eyits'ò enìtò gà eghòq-dòò nàgeèhza. 7 Hòtsaa yak'ee't'ì wègòèht'ì t'à goyì hazòò ts'ò dzèh agòjà. Yak'ee't'ì

Peter ts'àhtso, ts'eyìhwho. “Ìwhàà nìtla!” yèhdi. Ekòet'ìì welachù k'e satsòt'ìì xàit'ìì.

⁸ Yak'eet'ìì yets'ò hadì, “Negoht'òò yìtla eyits'ò nekè yìtà.” Eyit'à Peter hajà. Eyits'ò yak'eet'ìì hayèhdi, “Nezeè edek'e nìza gà sek'èitla,” yèhdi. ⁹ Peter dọ-danìlaa-kò gots'ò yek'èè xàèhtla. Hanìkò yak'eet'ìì xè dàgot'ìì sù deghàà yeniedì-le, ekù wè-nazhu agot'ì nıwọ. ¹⁰ Eghọq-dọ t'akwe nàgeèhzaa eyits'ò gik'èè nàgeèhzaa sù goxageède. Eyits'ò mọht'a satsò enìtọ nechàa sù ts'ò nègùde. Enìtọ whatsò enìxàike t'à xàgeède. Tìlì welọ nègùde ekò họttaa yak'eet'ìì wènegoèht'ì-le,

¹¹ Peter họttaa ts'ìwo lajà, hanıwọ, “Sets'ò K'àowo edets'ò yak'eet'ìì sets'ò ayìlà hotiì wek'èehsọ ne. Herod wech'à xàseèhtì eyits'ò Israel got'ìì sexè hoìla hogehtsì ha ìlèè sù Nọhtsì hanàhòwo-le ayìlà,” hanıwọ.

¹² Peter wexè hagòjà yek'èhoèhzà t'axòò Mary, John-Mark wemọ, wekò ts'ò èhtla. Ekọ dọ lọ yagehtì ha elègùde. ¹³ Peter enìtọ ts'aeht'ì. T'eekea ìlè gogha eghàlaeda Rhoda wiyeh enìtọ gà nìtla. ¹⁴ Peter gode họt'e yìkw'o ekò Peter at'ì nàyèzhì. Sù wìnà t'à yets'ò enìxàechì-le et'ìì ek'èt'à tımọèhza gà whezeh, hadì, “Peter enìtọ gà nàwo!” hadì.

¹⁵ T'eekea ts'ò hagedì, “Gonezọ-le anejà nì?” guìhdi. Hanìkò k'èdaà hadì t'à, hagedì, “Weyak'eet'ìì at'ì sọnì,” gedi.

¹⁶ Hanìkò Peter ìlè enìtọ ts'aeht'ì. Enìxàgiachì ekò Peter gıazì t'à sù gıgha enìyah dìì. ¹⁷ Sù sìgeèt'ì xè gidagoòhwho t'à Peter ts'èwhì agıt'e ha edilà t'à gogha nàzeetsì. Eyì t'axòò dànì gots'ò K'àowo dọ-danìlaa-kò gots'ò xàyeèhchì sù hazòò

gots'ò hadi. “James eyits'ò Nòhtsɪ wecheekeè gɪts'ò haahdi nòqò,” gòhdi tɪ'axòqò eyi-le kò ts'ò xàèhtɪa.

18 K'omòqòdòqò agòjà ekò Peter wègoèt'i-le t'à eghòq-dòqò nɪdahogɪhde. 19 K'àowocho Herod weyatù k'e eghòq-dòqò Peter hagɪwò, hanikò gɪgòhɔ-le. Eghòq-dòqò Peter k'ègɪadi sù dàgòjà ghò deghàà dagoɪhke tɪ'axòqò Herod weyatù k'e ɛɪàagogɪhde.

Herod ɛɪwò

Eyi tɪ'axòqò k'àowocho Herod Judea nèk'e gots'ò Caesarea nèk'e ts'ò ajà, ekò whaà hoògò ts'ò aɪt'è. 20 K'àowocho Herod, kòta Tyre eyits'ò kòta Sidon dò nàgedèe sù gots'ò wini-le ɪlè, hanikò wenèk'e gots'ò t'asù gɪwàhodi ne t'à dò Herod xè ɛɛgeèhdi ha gɪwò. Blastus, k'àowocho gha k'eyaetu elɪ sù gots'adi agɪlà, wet'òqò k'àowocho xè ts'èwhɪ hòɔqò hogehtsɪ gha dageehke.

21 ɛɛgeèhdi dzeqè k'e k'àowocho Herod, goht'ò wèdaat'ɪ yietɪa eyits'ò k'àowocho daèhchɪ k'e dèhkwa gà dò ts'ò goɪde. 22 Goɪde tɪ'axòqò dò yagìzeh, hagedi, “Nòhtsɪ lanì xàyaɪhti, dò lanìle,” gedi. 23 Nòhtsɪ ghàsonɪdì-le t'à, ekòet'ì Nòhtsɪ weyak'et'ɪ, k'àowocho Herod tàda wexèhdi ayɪlà. Weyi gòo ajà t'à ɛɪwò.

24 Hanikò k'èdaà Nòhtsɪ weyatù dò ɪq ts'ò ajà.

25 Barnabas eyits'ò Saul edɪlàà ghò nagɪt'e tɪ'axòqò Jerusalem gots'ò kòta Antioch ts'ò nòqògɪde. John-Mark edexè agɪlà.

13

Barnabas eyits'ò Saul dò ts'ò gogeèhà

1 Kòta Antioch ekò Nòhtsɪ wecheekeè gɪta nakwenàòɔqò eyits'ò dò-hoghàehtòq-dòqò gòhɪ:

Barnabas, Simeyon (Naiger sɪ wiyeh), Cyrene got'ɪ̀
Luciyus, Manan (k'àowocho Herod xè dèzhq) eyits'q
Saul. ² ɪ̀l̀àà yagehtɪ̀ xè edegegq ekò Yedàyeh
Nezɪ̀ gots'ò goɪ̀de, hadɪ̀, “Barnabas eyits'q Saul
segħa eghàlageeda ha t'à, segħàgiahle,” gòhdɪ̀.
³ Eyɪ̀t'à Nòhtsɪ̀ wecheekeè edegɪ̀agq xè yagɪ̀htɪ̀
t'axqò edilà Barnabas eyits'q Saul gok'e agɪ̀l̀à gà
gok'eeyagɪ̀htɪ̀. Eyɪ̀ t'axqò edɪ̀ ts'ò agede ha sɪ̀ ts'ò
gogeèhɪ̀.

Barnabas eyits'q Saul Cyprus nèlegeètla

⁴ Barnabas eyits'q Saul Yedàyeh Nezɪ̀ k'egohɪ̀ t'à
kòta Seleucia ts'ò agejà eyɪ̀ gots'q Cyprus dɪ̀ nechàa
whezq ts'ò geèze. ⁵ Kòta Salamis nègɪ̀de ekò Israel
got'ɪ̀ gɪ̀ts'q elègehdeè-kò goyɪ̀ Nòhtsɪ̀ yatɪ̀ t'à dɔ̀ xè
gogedo. John-Mark gots'adi t'à goxè at'ɪ̀.

⁶ Eyɪ̀ dɪ̀ hazqò k'e k'egɪ̀adèe t'axqò kòta Paphos
ts'ò agejà. Ekq Israel got'ɪ̀ ɪ̀hè Bar-Zezu wiyeh
(Elimas sɪ̀ wiyeh) gɪ̀aɪ̀. Nakwenàozqò ehkw'ɪ̀ adɪ̀-le
xè ɪ̀k'ò-èlɪ̀ hɔ̀t'e. ⁷ Eyɪ̀ dɔ̀ k'àowo Sergius-Paulus għa
k'eyaetɪ̀ elɪ̀. Eyɪ̀ k'àowo nezɪ̀-nàniwoo-dqò hɔ̀t'e.
Nòhtsɪ̀ yatɪ̀ k'èezq ha niwq t'à, Barnabas eyits'q
Saul gokàehɪ̀. ⁸ Hanikò Elimas, ɪ̀k'ò-èlɪ̀-dqò
(eyɪ̀ k'èè wɪ̀zɪ̀ whezq) sɪ̀, k'àowo wegħa ehkw'ɪ̀-
ahodɪ̀ ha-le niwq t'à, gok'èch'a xàyaɪ̀htɪ̀. ⁹ Saul
(Paul sɪ̀ wiyeh) Yedàyeh Nezɪ̀ wets'ò-èlɪ̀ t'à hotɪ̀
Elimas ghàdà gà yets'ò hadɪ̀, ¹⁰ “Nɪ̀ sɪ̀ wehɪ̀ weza
anet'e, t'asɪ̀ hazqò ehkw'ɪ̀ ne sɪ̀ k'èch'a anet'e!
T'asɪ̀hɪ̀ hazqò xàzaa eyits'q hots'ets'ɪ̀ nàowoò hanɪ̀
zq k'èzq. Dàht'e-ɪ̀dè Nòhtsɪ̀ wenàowoò k'èch'a
egħalajda ghq naqt'e ha? ¹¹ Hòt'a Nòhtsɪ̀ nàneehkwa
ha. Nedaà goile ade ha eyits'q sìghajwaà ts'ò dzeh
negħa xègaat'ɪ̀ ha-le,” yèhdɪ̀.

Ekòet'ùì wenadaà 2àh lagòjà eyits'ò togoòt'ò agòjà, dọ k'eyehzì ha nıwọ t'à edilà t'à k'eedi. 12 K'àowo dàgòjàa sù yaɓì ekò wegħa enıyah t'à Zezi weyatù wegħa ehkw'ı-ahodù ajà.

Barnabas eyits'ò Paul kòta Pısidian-Antioch nèlegeèta

13 Paul eyits'ò dọ yexè aget'ı sù kòta Paphos gots'ò Pamphylia nèk'e kòta Perga ts'ò geèze. Ekọ John-Mark gots'ò naèhtà, Jerusalem ts'ò anajà. 14 Kòta Perga gots'ò kòta Pısidian-Antioch ts'ò agejà. Nòhtsı Dzeè k'e elègehdeè-kò goy-agıde gà goxè giakw'è. 15 Moses wenàowoò eyits'ò nakwenàozọọ gııht'è k'eyagıhtı t'axọ elègehdeè-kò għa k'aodèe gııı sù Paul eyits'ò Barnabas ts'ò yatı nègıı, “Sèot'ı, yatı nezı dọ ghàahzà ha dahwhọ-ıdè gots'ò haahdı,” gògedi.

16 Eyı'à Paul nıta, edilà ıdòo ayılà xè gots'ò hadı, “Israel got'ı eyits'ò naxı dọ eyı-le xàzaa Nòhtsı ghàtsıahdı aahı sù, hotı seàhk'ò! 17 Israel got'ı Gınohtsı sù gocho edegħa gòhchì họt'e. Egypt nèk'e agııt'e ekò gıza lọ xè t'ası lọ gıts'ò agòòlà ıle. Eyits'ò enıyah deè whehtsı t'à eyı nèk'e gots'ò xàgoèwa ıle. 18 Dıenọ xo haıhwha gots'ò ekıı-ka nèk'e ts'ıɓò-hogeèzọ kò Nòhtsı zògoehdeè-le ıle. 19 Canaan nèk'e, dọ xàzaa lòhdı eyı nàgıdeè sù hazọò xàgodeèzhı ıle. Gıneè edets'ò dọ lòò goghàıızọ. 20 Eyı hazọò hagòjàa sù dıakw'eènọ-daats'ò-sılaènọ xo ekııyeè k'e agòjà.

“Eyı t'axọò Samuel nakwenàozọọ whelı gots'ò Nòhtsı dọ għa k'aodèe whehtsı. 21 Eyı t'axọò k'àowocho gogħa k'àowo elı ha gıwọò agejà. Eyı'à Nòhtsı sù, Kish weza Saul (Benjamin gots'ò dọ),

djènq xo gots'ò gogha k'àowocho elı ayıllà. ²² Eyı t'axòqò Nòhtsı Saul wede ayıllà, David k'àowocho elı ayıllà. Nòhtsı yeghò du hadı ìlè, 'David, Jesse weza sıı, sıni k'èè dọ elı họt'e. T'asıı hazòqò ts'ò wehzaa sıı hayele ha, 'Nòhtsı yeghò hadı ìlè.

²³ "Nòhtsı sıı David wets'ıhòq-dòqò gots'ò amı Edaxàgolee elı sıı Israel got'ıı ts'ò ayıllà. Eyı sıı Zezi họt'e. Eyıt'à Nòhtsı edeyatı k'èè eghàlajàdà. ²⁴ Hanıkò Zezi nıttà kwe sıı John-Baptist, edek'ets'ııı eyıts'ò gok'ètàıdzı ghò Israel got'ıı hazòqò gots'ò goıde. ²⁵ John-Baptist, Nòhtsı la yeghàıqòq sıı yeghò nat'è ha nıkw'o ekò hadı, 'Eyı dọ aht'e dahwhò nı? İle, eyı aht'e nıle. Eyı dọ sek'èè nıttà ha sıı wekechıt'ıı ejiehge ha kò dọ lahoht'ı nıle,' hadı ìlè.

²⁶ "Sèot'ıı, Abraham wets'ò dọ yàahıı eyıts'ò naxı, dọ eyıı-le xàzaa Nòhtsı ghò hòt'ò aahwhòq sıı du edaxàts'eedèe wegodıı goxı gots'ò adlà họt'e. ²⁷ Dọ Jerusalem nàgedèe eyıts'ò gıgha k'aodèe sıı Zezi amı ne gık'èezò ha gıwòq-le. Ełaàwı ha gısnıyayhtı t'à, Nòhtsı Dzèè taat'eè nakwenàozòq gınhıt'è gık'eyahtı sıı k'èè eghàlagıdà họt'e. ²⁸ Yek'èxa ełaàwı ha whıle kò ełaàgııhwhı ha k'àowo Pilate ts'ò gogıde. ²⁹ T'asıı hazòqò weghò dek'eèht'èe sıı hanı gıts'ò eghàlajàdà t'axòqò, dechıet'aa k'e gots'ò hodàgiachı gà kwe yıı wekw'òqò nègııtò. ³⁰ Hanıkò Nòhtsı sıı naıdà ayıllà, ³¹ eyıts'ò ıqò dzèè ts'ò Galılee nèk'e gots'ò kòta Jerusalem ts'ò dọ gıxè k'egedèe ìlèe sıı gıazı. Eyı dọ gıdàa agòjàa sıı gòet'ı xè gogıado.

³² "Eyı godı nezıı naxıts'ò hats'edi: İdèe whaa gots'ò Nòhtsı gocho ghàyatınıqòq sıı eyı họt'e.

³³ Goxi, gıza ats'ɪt'ee sɪ, Zezi naɪdà ayɪl̀à t'à, gogha edeyatɪ k'èè eghàl̀àdà hɔt'e. Nòhtsɪ ts'ò ts'ejɪ enɪhtl'è k'e du hanì dek'eèhtl'è:

'Nɪ sɪ Seza anet'e; hòt'a du dzɛɛ k'e Netà whɪhɪ,' dek'eèhtl'è.

³⁴ Nòhtsɪ naɪdà ayɪl̀à eyɪt'à wekwò ehjɪ hɔlɪ ha nɪlè. Eyɪ t'à weghò du hanì dek'eèhtl'è:

'K'àowocho David wexè sìghà hòzò ha hotù hanì wets'ò yatɪ degaɪ whɪhtsɪ sɪ nɪ neghàzà ha hɔt'e,' dek'eèhtl'è.

³⁵ Eyɪts'ò k'achɪ weghò du hanì dek'eèhtl'è:

'Nets'ò degaɪ elɪ sɪ wekwò ehjɪ ch'à wek'ènedi ha,' dek'eèhtl'è.

³⁶ “David ededɪ eda ekò Nòhtsɪ k'èè eghàl̀àdà t'axòò elɪwo. Wèot'ɪ gà wekw'òò nègɪtò eyɪts'ò wekwò ɪhɪ̀ ajà. ³⁷ Hanìkò eyɪ dɔ Nòhtsɪ naɪdà ayɪl̀àa sɪ wekwò ɪhɪ̀ ajà nɪlè.

³⁸ “Eyɪt'à sèot'ɪ̀, du wek'èahsò ha dehwhò: Zezi ededɪ wet'à gohòhɪ goghò nahoezhe. Dɪ̀ eyɪ weghò naxɪts'ò gots'ede. ³⁹ Dɔ hazòò Zezi ehkw'ɪ adɪ gɪwòò sɪ Nòhtsɪ xè ehkw'ɪ̀ agedle ha hɔt'e. Moses wenàowoò k'èahdì t'à hanì ehkw'ɪ̀ anaxedle ha dɪ̀. ⁴⁰ Nakwenàozòò dàgɪdɪ̀ sɪ hotù naxɪxè hagoɪde sòò. Du hagedɪ̀ ɪ̀lè,

⁴¹ 'Naxɪ seyatɪ ghaahdlòò yàahɪ̀ sɪ aàhkwo xè ts'ehɪ̀ laahde. Du nèk'e aahda ekɪ̀yèè k'e t'asɪ̀ nechàa eghàlaehda ha, eyɪ sɪ naxɪgha ehkw'ɪ̀-ahodɪ ha-le. Dɔ hanaxègedɪ̀ kò naxɪgha ehkw'ɪ̀ agedɪ̀ ha nɪlè,' dek'eèhtl'è,” Paul gòhdɪ.

⁴² Paul eyɪts'ò Barnabas elègehdeè-kò gots'ò xàgeedè ha ekò dɔ gots'ò hagedɪ̀, “Ìdaà dzɛahta Nòhtsɪ Dzɛɛ k'e nɪdè k'achɪ eyɪ godɪ̀ t'à goxè goahdo nòò,” gedɪ̀. ⁴³ Elègehdeè ghònahòt'e ekò

Israel got'ni lo eyits'o do eyi-le xàzaa Israel got'ni ginàowoò k'èè agejàa si Paul eyits'o Barnabas k'èè geède. Nòhtsi edesoniwoò goghàizoo si k'èè aahda do ts'ò hagedi.

44 K'achi Nòhtsi Dzeè k'e nèhòwo ekò gots'ò K'àowo wegodi geèkw'o ha giwo t'à, eyi kògodeè gots'ò k'àhdzo do hazòò làà elèwhede. 45 Do haatloo elèwhede t'à, Israel got'ni si ts'ohogedi xè gigha nezi-le. Paul dàdu si k'èch'a gogede.

46 Hanikò Paul eyits'o Barnabas ededageedi-le, hagedi, “Naxi si t'akweìò Nòhtsi weyatì naxits'ò hats'edi ha hót'e ilè. Hanikò naxigha wede aahla eyits'o welo while ts'ò aahda ha naxigha wet'àazà-le t'à, dii do eyi-le xàzaa ts'ò ats'ede ha. 47 Gots'ò K'àowo dii hadi gots'ò xayahti ilè,

'Naxi si do eyi-le xàzaa gigha dzeè laht'e anaxèhà. Du nèk'e do hazòò dànì edaxàgeède ha si gits'ò haahdi ha,' gòhdi ilè.

48 Do eyi-le xàzaa eyi nàgeèhzaa si hagedi egikw'o ekò si ginà ahodi eyits'o gots'ò K'àowo weyatì ghò nezi agedi. Do hazòò welo while ts'ò geeda ha Nòhtsi goghàhòizoo si hazòò gigha ehkw'i-ahodi.

49 Eyì nèk'e hazòò gots'ò K'àowo wegodi do ts'ò aja. 50 Hanikò Israel got'ni do xè nidahòowoò agilà, ts'èko ahxee giu Nòhtsi giwo eyits'o kògodeè gha k'aodèe giu gixè nàdahoowo. Paul eyits'o Barnabas k'èch'a nàdahogehde t'à eyi nèk'e gots'ò xàgogeèhà. 51 Do gots'ò ehkw'i eghàlagida-le weghàà edek'ègeezò ha t'à, Paul eyits'o Barnabas edekèt'a eht'è while agilà. Eyì t'axòò kògodeè Iconium ts'ò geède. 52 Hanikò Nòhtsi wecheekeè

kòta Pısidian-Antioch nàgedèe sù sù gınà xè Yedàyeh Nezu t'à nàgetsoò agejà.

14

Paul eyits'ò Barnabas kòta Iconium nèlegeètla

¹ Iconium ekò Paul eyits'ò Barnabas Israel got'ù gıts'ò elègehdeè-kò ts'ò agejà, t'aats'òò hagiāt'ı k'èè. Ekò nezı dọ ts'ò gogude t'à, Israel got'ù lọ eyits'ò dọ eyı-le xàʔaa lọ, gıgha ehkw'ı-ahodı agejà. ² Hanıkò Israel got'ù mòhdaa gıgha ehkw'ı-ahodı ha gıwọ-le sù dọ eyı-le xàʔaa Nòhtsı wecheekeè ts'ò gını nezı-le agogıllà. ³ Eyıt'à Paul eyits'ò Barnabas whaà gots'ò eyı kòta agıt'è. Gots'ò K'àowo wesonıwọ ghọ ededageedı-le gogude eyits'ò Nòhtsı enıyah hogèhtsı agòòlà t'à gıgodı ehkw'ı sù wek'èhoedzò ayıllà. ⁴ Eyıt'à kògodeè dọ nàdèe sù łats'ıgıde, dọ mòhdaa Israel got'ù ts'ò agejà, eyits'ò mòhdaa Zezi wecheekeèdeè ts'ò agejà. ⁵ Dọ eyı-le xàʔaa, eyits'ò Israel got'ù, gıts'ò k'aodèe xè Zezi wecheekeèdeè dagogıhʔa ha, eyits'ò kwe t'à elàagogıhde ha, hanı elèxè yatı gèhtsı. ⁶⁻⁷ Hanıkò Zezi wecheekeèdeè egıkw'o t'à Lyconıa nè'e ts'ò agejà. Ekò kògodeè Lystra, Derbe eyits'ò wemòò kòta yàgòlāa sù lāà godı nezı t'à dọ hoghàgogehtọ.

Paul eyits'ò Barnabas kòta Lystra eyits'ò Derbe nèlegeètla

⁸ Kòta Lystra ekò dọ lè k'eda-le wheda. Wegòhı gots'ò ızhı ts'ò wekw'òò elıdèe t'à k'eetlò while. ⁹ Paul gode ekò eyı dọ yeèhk'w'ọ. Paul hotı yeghàeda, k'aat'ı ade ha wını nàtsoo yek'èezọ, ¹⁰ eyıt'à yets'ò hadı, “Nàʔwo!” Hayèhdı ts'òet'ı dọ nıtlā gā k'edaà ajā.

11 Paul hanì eghàlaidà dọ lọ giazì ekò edeyatì k'èè yagìzeh xè hagedì, “Gots'ọ nòhtsì, dọ nàke lanì gigaat'ì goghò nègùde!” gedì. 12 Ìlak'aà gozì gehtsì. Barnabas, Zeus wìyeh agìlà, eyìts'ọ Paul, ededì gogha gode elì t'à, Hermes wìyeh agìlà. 13 Gits'ọ nòhtsì Zeus wets'ọ yahtu-kò gocho kòta gà nìwà-lea gòzọ. Zeus gha yahtu elì sù ekọ dọ hazọ xè Barnabas eyìts'ọ Paul ts'ọ kọ ghàgeedì ha nìwọ t'à, ejie eyìts'ọ it'òchàa mọht'a gogha nèyùla.

14 Hanìkò Barnabas eyìts'ọ Paul eyì ghọ egùkw'o ekò gìgha ehkw'ì-le t'à, edezeè edek'e nàgùhdlah. Gezeh xè dọ nì ts'ọ tùmogeède, hagògedì, 15 “Dànìghọ aah't'ì? Goxì naxìxèht'eè dọ ats'ùt'e. Naxìts'ọ godì nezì nèt's'ùzọ. T'asì wet'àazà-le k'alaahdèe sù wede aahle, Nòhtsì edaa sù wets'ọ aahde. Ededì sù yak'e, dèe, tì eyìts'ọ t'asì hazọ weyì nàdèe sù yèhtsì họt'e. 16 Ìnèe sù dù nèk'e dọ hazọ edenàowoò k'èè geeda ilè, hanìkò Nòhtsì edets'ọ geèlì agòlà. 17 Hanìkò dèe k'e t'asì whelaa sù weghàà dọ, Nòhtsì gòhì gik'èezọ họt'e. Yat'a gots'ọ naxìgha chọh ayehzì eyìts'ọ t'asì dehsheè ayehzì. Eyì weghàà dọ ts'ọ wedzeè nezì wek'èts'eezọ. Weghọ shèt's'ezhe lọ naxìghàyele eyìts'ọ naxìdzeè t'à naxìnà anaxehzì,” Paul gòhdì. 18 Paul hanì nezì dọ ts'ọ gojde, hanìkò k'àhdzọ gots'ọ kọ ghàgùdì t'e.

19 Eyì t'axọ Israel got'ù mọhdaa, kòta Antioch eyìts'ọ kòta Iconium gots'ọ eyì nègùde. Barnabas eyìts'ọ Paul k'èch'a gogùde t'à, dọ hazọ xè nàdahoowo hogèhtsì. Paul kwe t'à guhdè, eyì t'axọ elàwo ne gùwọ t'à eyì kòta gots'ọ xàgeèlì. 20 Hanìkò Nòhtsì wecheekeè Paul wemọ nègùde ekò Paul nùtla gà k'achì kògodeè ts'ọ naèhtla.

Ek'èdaedzèè k'e Paul eyits'ò Barnabas kògodeè Derbe ts'ò agejà.

Paul eyits'ò Barnabas kòta Antioch nòt'legeètla

²¹ Kòta Derbe godi nezi t'à dọ hoghàgogeèhtọ, dọ lọ gıgha ehkw'ı-ahodì agejà. Eyı t'axọò kòta Lystra, Iconium eyits'ò Antioch ts'ò anagejà. ²² Ekọ Nòhtsı wecheekeè gını nàtsoò agogele ha gots'ò gogude, hagògedı, “Hoila lọ gotehoowı daats'ò Nòhtsı Wenàowoò k'èè hòzọọ goyats'eedè họt'e,” gògedı. ²³ Paul eyits'ò Barnabas kòta k'egiadèè sù Nòhtsı wecheekeè gha k'aodèè gıhchì. Yagehtı xè edegegọ t'à Nòhtsı ghàgogıla, Nòhtsı ghọ gını nàtso t'à. ²⁴ Eyı t'axọò Pısidıa nèk'e gok'egıde t'à Pamphylia nèk'e ts'ò nègıde. ²⁵ Kòta Perga, ekọ Nòhtsı weyatı t'à dọ hoghàgogeèhtọ. Eyı t'axọò kòta Atalia ts'ò agejà.

²⁶ Kòta Atalia gots'ò kògodeè Antioch ts'ò nageèze. Nòhtsı gok'èdì ha eyits'ò wegħa eghàlageeda ha t'à, ekọ t'akwelòò Nòhtsı ghàgogıla jlè. Eyı la sù dı gıghọ nọt'e. ²⁷ Kògodeè Antioch nègıze ekò Nòhtsı wecheekeè hazọò xè egiadì. Nòhtsı dànı goxè eghàladà eyits'ò dànı Nòhtsı dọ eyı-le xàzaa gını nàtsoò agòòlàa sù hazọò gots'ò hagedı. ²⁸ Paul eyits'ò Barnabas ekọ Nòhtsı wecheekeè xè whaà agıt'è.

15

Zezi wecheekeèdeè eyits'ò k'aodèè gılı sù elègıde

¹ Dọ mọhdaa Judea nèk'e gots'ò kòta Antioch nègıde. Eyı dọ nıdee sù Nòhtsı wecheekeè hoghàgogeehtọ, hagògedı, “Moses wenàowoò k'èè naxıkwò k'e nàt'à-le nıdè edaxàahdè ha dı,” gògedı.

² Eyì hagedu sù Paul eyits'ò Barnabas gha ehkw'ì agedì-le t'á eyì ghò sù gots'ò nàyagùhtì. Eyì nàowo ghò Zezi wecheekeèdeè eyits'ò k'aodèe gùlù sù dagogeehke ha t'á Paul, Barnabas eyits'ò dọ gìgha ehkw'ì-ahodù mọhdaa kọta Jerusalem ts'ò agogele ha gogùhchì. ³ Nọhtsì wecheekeè ekọ ts'ò gogeehza. Phoenicia nèk'e eyits'ò Samaria nèk'e gok'egùde ekò dànì dọ eyì-le xàzaa Nọhtsì ts'ò agejàa sù ghò goxè gogedo. Eyit'á Nọhtsì wecheekeè hazòò sù gínà dìì. ⁴ Jerusalem nègùde ekò Zezi wecheekeèdeè, Nọhtsì wecheekeè eyits'ò gogha k'aodèe gùlù sù gínà xè goxè elègede. Paul eyits'ò Barnabas dànì Nọhtsì goxè eghàlajàa sù hazòò gots'ò hagedì.

⁵ Hanìkò gìgha-ehkw'ì-ahodù-dọò mọhdaa Pharisee gùlù sù, nègùde gà hagedì, “Dọ eyì-le xàzaa gùlù sù gìkwò k'e nàt'á ha họt'e, eyits'ò Moses wenàowoò k'èagùt'e ha họt'e,” gedì.

⁶ Zezi wecheekeèdeè eyits'ò k'aodèe gùlù sù eyì ghò gogede ha elègede. ⁷ Whaà gogùde t'áxòò Peter nùtla gà gots'ò hadì, “Sèot'ù, ìdèe whaà-le ekò sexè dàgòjàa sù wek'èahsò họt'e. Nọhtsì sù dọ eyì-le xàzaa gìgha ehkw'ì-ahodì ha nıwọ t'á, gits'ò godì nezù nèehza ha sèhdì ìlè. ⁸ Nọhtsì sù goinì t'á dàts'ùwọọ sù hazòò yek'èezọ họt'e. Dọ eyì-le xàzaa ededì sù wets'ò dọ gùlù ha nıwọ t'á, goxèht'eè Yedayeh Nezù gok'e ayùlà. ⁹ Goxèht'eè lanì goghàlajà, gìgha ehkw'ì-ahodì t'á gıdzeè degai agòòlà. ¹⁰ Nọhtsì hanì ha nıwọ nıdè ayùha Nọhtsì weahdzà? Dọ eyì-le xàzaa Nọhtsì gıwọọ sù eyì nàowo nedà lanù gık'e nèts'ele ha dìì. Gocho eyits'ò goxì sù gogha nedàa t'á wek'èè ts'eeda ha dìì ìlè.

11 Ìle, hagents'ele ha dùi! Gots'ò K'àowo Zezi goxi gots'ò sɔniwò t'à edaxàgoɪlaa sù gogha ehkw'i hɔt'e. Dò eyii-le xàʔaa ededɪ sɪ hanì edaxàgoɪla hɔt'e," Peter gòhdi.

12 Barnabas eyits'ò Paul gogede ekò dò hazòò eɛ̀whedee sù ts'èwhìì egeèhkw'ò. Dànì Nòhtsɪ gots'àdì t'à dò eyii-le xàʔaa gha enìyah hogèhtsɪ sù ghò gùkw'o. 13 Barnabas eyits'ò Paul hòt'a gogɪde t'axòò James xàyaɪhtɪ, hadɪ, "Sèot'ɪ, seàhkw'ò. 14 Ìdì whaà-le ekò Simon gots'ò goɪde ìlè. Dànì Nòhtsɪ t'akweɔò dò Israel got'ìì agɪt'e-le kò gita ts'ò dò gòhchì ìlè, eyi weghàà dò hazòò edaxàgole ha niwò wek'èts'eezòò agòòlà. 15 Nakwenàòʔʔ sù eyi xèht'eè gogɪde ìlè, dui hagedù gɪt'è ìlè:

16 *'Gots'ò K'àowo du hadi: Eyi hagòjà t'axòò-ìdè jò ts'ò anahde ha. K'àowocho David wekò gots'ò dò ts'ɪʔò geèdee sù gɪxè sùnagohle ha. 17 Hanì-ìdè dui nèk'e wets'ò dò gɪghàhoòwoo sù gots'ò K'àowo hagɪwòò agede ha. Eyits'ò dò eyii-le xàʔaa suzi t'à-aget'ɪ sù ededɪ sɪ sehagɪwò ha. Gots'ò K'àowo ededɪ eyi hazòò yeghàlaedaa elɪ sù, hadi hɔt'e, nakwenàòʔʔ hagedù gɪt'è ìlè.*

18 Eyi sù whaà gots'ò dò gik'èezò hɔt'e.

19 "Eyi t'à sɪ dui hahwhò, dò eyii-le xàʔaa Nòhtsɪ ts'ò agejãa sù dezòò hoila agets'ele ha-le. 20 Hanìkò dui hats'edi gits'ò ts'ɪt'è nɪdè nezɪ ha, 'Bò nòhtsɪ hòèlɪ ghàgeedu sù aahdè-le. Hoɪ k'èè eɛ̀k'alaahdèe-le. Tɪts'aadɪ gɪk'à dahdli t'à eɛ̀òwɪ sù gɪkwò aahdè-le, eyits'ò edoò aahdò-le, gits'edi ìlè. 21 Ìnèè whaà gots'ò kòta hazòò yàgòlaa sù hanì Moses wenàowoò t'à dò hoghàgogehtò hɔt'e. Eyits'ò Nòhtsɪ Dzeè taat'eè eɛ̀gehdeè-kò

goyi wenihtl'è gik'eyahti hot'e," James hadi gots'ò goide.

Zezi wecheekeèdeè eyits'ò k'aodèe gulu sù enihtl'è gutl'è

²² Eyit'à Zezi wecheekeèdeè, k'aodèe gulu eyits'ò Nòhtsi wecheekeè hazò Paul eyits'ò Barnabas gixè dọ kòta Antioch ts'ò gogeehà ha dọ mòhdaa gihchi ha guwo. Eyit'à Zhidàà (Barsabas sù wiyeh) eyits'ò Silas sù gihchi. Eyì dọ nàke gogha k'aodèe gulu hot'e. ²³ Dii hani gots'ò egutl'è:

“Gòet'ù, dọ eyi-le xàzaa gigha ehkw'1-ahodii sù kòta Antioch, Syria nèk'e eyits'ò Cilicia nèk'e nàgedèe sù gits'ò aatl'è. Dii enihtl'è sù Zezi wecheekeèdeè eyits'ò k'aodèe gulu sù egutl'è hot'e.

“Naxixè sighà welè!

²⁴ “Gota gots'ò dọ mòhdaa naxits'ò nègudee sù naxigha hoila gehtsi, gighò ts'ùkw'o hot'e. T'asii hoghànaxegeehò sù wet'à naxini tsìgehwhi ha aget'ì. Hanikò eyi dọ godahxà gogede nuile.

²⁵ Eyit'à dọ mòhdaa gits'ìhchi gà goàgì nàke Barnabas eyits'ò Paul, gixè naxits'ò agets'ele ha. ²⁶ Eyì dọ nàke sù Zezi-Kri gha eghalageeda t'à efaàgede ha sòni kò edeghò nàngedè-le.

²⁷ Zhidàà eyits'ò Silas gixè naxits'ò agets'ele ha, ayi dek'enèts'ùtl'è sù ehkw'1 naxits'ò hagedi ha. ²⁸ Goxi, Yedàyeh Nezi xè dii hats'ùwo, t'asii wèhoedi-le sù k'èaht'e ha naxits'ùhwhò-le. Nàowo dii haatlò zò k'èahdi ha naxets'ùhwhò:

²⁹ Bò nòhtsi hòlù ghàgeedi sù aahdè-le. Edoò aahdò-le. Tìts'aadii gik'à dahdi t'à efoowu sù gikwò aahdè-le. Hoù k'èè ekek'alaahdè-le. Eyì haatlò

k'èahdi nɔ̀dè naxìxè sìghà ha,” hagedù gots'ò gùt'è.

³⁰ Eyit'à dọ dı kòta Antioch ts'ò gogeèhɔ̀à. Ekọ Nòhtsı wecheekeè làà nègogı̀wa gà enıht'è gıda aatl'èè sı̀ goghàgı̀za. ³¹ Enıht'è k'eyagı̀htı, yatı nezı̀ gı̀kw'o t'à sı̀ gınà. ³² Zhı̀dàà eyıts'ọ Silas ededı nakwenàoɔ̀ɔ̀ gı̀lı t'à dọ gını nàtso ha nezı̀ gots'ò gogı̀de. ³³⁻³⁴ Whaà-lea ts'ò kòta Antioch goxè agı̀t'è t'axò kòta Jerusalem dọ gogı̀hɔ̀à sı̀ ts'ò anagejà. Nòhtsı wecheekeè kòta Antioch nàgedè sı̀ kòta Jerusalem Nòhtsı wecheekeè nàgedè ts'ò yatı nègı̀ɔ̀, “naxìxè sìghà welè,” gògedı. ³⁵ Paul eyıts'ọ Barnabas ededı t'aa kòta Antioch ageèkw'e. Ededı eyıts'ọ Nòhtsı wecheekeè eyı̀-le ı̀ọ xè gots'ò K'àowo weyatı̀ t'à dọ hoghàgogeehtọ.

Paul eyıts'ọ Barnabas elek'èè agı̀wọ-le

³⁶ Łatsaa hoòwo t'axò Paul, Barnabas ts'ò hadı, “Kòta hazò yàgòlaa sı̀ gots'ò K'àowo weyatı̀ t'à gıts'ò gots'ı̀de ı̀lèè sı̀ k'achı gıts'ahıtı̀, gòet'ı̀ gıgha ehkw'ı-ahodı̀ agejàa sı̀ dàgı̀t'e lì gha,” yèhdi. ³⁷ Barnabas, John-Mark goxè awede nıwọ. ³⁸ Hanıkò John-Mark kòta Pamphylia ekọ gots'ò naèhtı̀ ı̀lè, eyıts'ọ goxè eghàlaidà-le t'à Paul, John-Mark goxè at'ı̀ ha nıwọ-le. ³⁹ Paul eyıts'ọ Barnabas eyı̀ ghọ sı̀ elek'èè agı̀wọ-le t'à ı̀lak'aà agejà. Barnabas, John-Mark edexè ayı̀lì gà, Cyprus dı nechàa wheɔ̀ɔ̀ ts'ò geèze. ⁴⁰ Paul t'aa Silas edexè ayı̀lì. Nageedè kwe Nòhtsı nezı̀ gok'èdì ha t'à Nòhtsı wecheekeè gok'eèyagı̀htı. ⁴¹ Paul, Syria nèk'e eyıts'ọ Cilicia nèk'e gok'ı̀tı̀, ekọ Nòhtsı wecheekeè nàgedè sı̀ gını nàtsoò agòòlì.

16

Timothy, Paul eyits'ò Silas goxè ajà

¹ Paul, kòta Derbe eyits'ò kòta Lystra nàhtla, Nòhtsɪ wecheekeè ìlè Timothy wiyeh ekò nàdè. Timothy wemò Israel got'ìì họt'e eyits'ò wegħa ehkw'1-ahodi họt'e, hanìkò wetà Greece got'ìì họt'e. ² Kòta Lystra eyits'ò kòta Iconium gots'ò Nòhtsɪ wecheekeè Timothy ghò nezìì gogede. ³ Paul, Timothy edexè kòta ayele ha nıwò, eyit'à Moses wenàowoò k'èè wekwò k'e nàat'a ayìlìlà. Israel got'ìì eyi nàgedèè sù Timothy wetà Greece got'ìì ne gık'èezò t'à ayìlìlà. ⁴ Kòta yàgòlaa gota k'egedè ekò Zezi wecheekeèdeè eyits'ò k'aodèè gıllı Jerusalem ekò nàowo dọ għa gèhtsɪ ìlèè sù k'èagıtt'e ha gògedı. ⁵ Eyit'à Nòhtsɪ wecheekeè hazòò gıni nàtsoò ajà, eyits'ò dze taat'eè dọ lọ gotagıde.

Paul wenazhu xègoèht'ì

⁶ Paul eyits'ò dọ gıxè at'ı sù Phrygia nèk'e eyits'ò Galatia nèk'e hazòò k'egıadè, hanìkò Yedàyeh Nezıı Asia nèk'e godı nezıı dọ ts'ò agıllà agòòlà-le. ⁷ Mysia nèk'e ts'ò nıwà-le nègıde ekò Bithynia nèk'e agede ha hogeèhdzà hanìkò Zezi wets'ò İni Degai ekò agejà-le agòòlà. ⁸ Eyit'à Mysia nèk'e goxa geèhde, kòta Troas ts'ò agejà. ⁹ Eyı toò k'e Paul wenazhu xègoèht'ì. Macedonia nèk'e gots'ò dọ nàwo xè yegħonàdaetì, hadı, “Gonèk'e Macedonia ts'ò anede, gots'ànedı,” yèhdı, wenazhu hagòjà. ¹⁰ Paul wenazhu xègoèht'ì t'axòò ekòet'ı Macedonia nèk'e ts'ò ts'eedè ha sınıts'ıde. Nòhtsɪ hagòhdı wek'èts'eezò t'à, ekò godı nezıı dọ gıghàts'eza ha ts'eède.

Lydia wegħa ehkw'ɾ-ahodù ajà

¹¹ Kòta Troas gots'ò ts'eèze, kòta Samothrace ts'ò ehkw'ìì ats'ejà. Ek'èdaedzè k'e kòta Neapolis ts'ò ts'eède. ¹² Eyì gots'ò kògodeè Philippi ts'ò ats'ejà. Roman got'ù eyì kògodeè gogèhtsì jìè. Macedonia nèk'e hazòò gogħa kògodeè wet'àazà hòt'e. Whaà-lea gots'ò eyì nàts'ùdè.

¹³ Nòhtsì Dzèè k'e kòta gà deh nɾàa ekò dọ yagehtì ha sòni ts'ùwò t'à, ekò ts'ò ats'ejà. Ts'èko mòhdaa eyì làà nègùdee sù gixè ts'eèkw'e eyìts'ò gits'ò gots'ùdè. ¹⁴ Ts'èko jìè eyì goèkw'òò sù Lydia wiyeh. Eyì ts'èko kògodeè Thiyatira gots'ò zèht'ì-dek'oo weghò nàedì dọò elì eyìts'ò Nòhtsì-ghàtsjedù-dọò elì. Eyì ts'èko sù Paul dàdù yeèkw'ò t'à gots'ò K'àowo wegħa ehkw'ɾ-ahodù ayjìlà. ¹⁵ Eyì ts'èko ededì eyìts'ò dọ yekò nàgedèe sù gɾk'ètaidzò, eyì t'axòò wekò ts'ò agòòlà, hadì, “Gots'ò K'àowo segħa ehkw'ɾ adì aht'e seahwhò nìdè sekò aaht'e,” gòhdì. Goghò daèhnò t'à wekò ts'ò ats'ejà.

Paul eyìts'ò Silas gidaàtò

¹⁶ Jìà Israel got'ù edì yagehtì k'è gòzòò ts'ò ts'adè ekò t'eekea dọ nàyeèhdì sù gogħaetlà. Jìnhù wets'ò-èlì t'à nadaà k'èet'ì. Nadaà gode t'à, wets'ò k'àhopedè gùlù sù għa sòmba lò ehtsì. ¹⁷ Eyì t'eekea Paul eyìts'ò goxì gok'èè k'etlò xè hadì yaìzeh, “Dù dọ sù Nòhtsì wenahk'e gòhì-le wecheekeè agùt'e. Dàni edaxàts'eedè ha sù naxìts'ò hagedì ha,” hadì yaìzeh. ¹⁸ Lò dzèè ts'ò hadì xè gok'èè k'eda. Nòodea Paul wegħa dìì agòjà t'à yets'ò naza gà jìnhù ts'ò hadì, “Zezi wùzi dahxà t'eekea weyì gots'ò xàitlè!” yèhdì. Ekòet'ìì jìnhù wets'òò ajà.

19 T'eekoa ts'ò k'ahogedè gũlũ sù k'achũ gĩt'à sòmba gehtsĩ ha-le gĩk'èezò t'à Paul eyits'ò Silas dagogiachì. Kòta k'aodèe ts'ò agogele ha t'asì nàedi k'è yàgòlaa ekò ts'ò gogeèwa. ²⁰ K'aodèe nadaà nègogũwa, hagedi, “Dũ dọ Israel got'ũ agũt'e, gĩts'ihzò kòta hazòò dọ xè nàdahoowo. ²¹ Goxi Roman got'ũ ats'ũt'ee sù gonàowoò k'èch'a dọ hoghàgogehtò,” gedi.

²² Hagedi t'à dọ lọ Paul eyits'ò Silas k'èch'a gogedeè agejà. Eyit'à k'aodèe giyati k'e gigoht'òò gok'e nàgũhdlah gà nàgogũhkwa. ²³ Hòt'ò nàgogũhkwa t'axòò dọ-daniłaa-kò ts'ò agogũlã. Dọ-daniłaa-k'èdi-dòò hotũ nezũ goxoehti ha gũhdi. ²⁴ Hagedi t'à kò goyũ xàts'etla ha di sù nègogũwa, eyits'ò gikechũ dechũ t'à wedaàdoò agũlã.

²⁵ Totani ekũyeè k'e Paul eyits'ò Silas yagehti xè Nòhtsĩ ts'ò gejũ, dọ eyũ-le gidaniłaa sù gogeèkw'ò. ²⁶ Hòtsaa dèè hòt'ò nàgoèhdò t'à yiet'aa hazòò nàedaà ajà. Ekòet'ũ eniitò hazòò ehghàa enixànũt'ũ, eyits'ò dọ hazòò satsòt'ũ gĩk'e whelaa sù nàit'ũ. ²⁷ Dọ-daniłaa-k'èdi-dòò ts'ũwo. Dọ-daniłaa-kò eniitò hazòò enixàla yaꝛi ekò be-hcho edets'ò xàechì, dọ hazòò xàtũmogeède sũni nĩwò t'à ɛ̀aadiwĩ ha k'ehoza. ²⁸ Hanikò Paul yets'ò whezeh, hadi, “T'asadũle-le, hazòò jò ts'eèkw'e hõt'e,” yèhdi.

²⁹ Eyit'à dọ-daniłaa-k'èdi-dòò, ek'aèk'ò sets'ò ààhchì, gòhdi. Ekòet'ũ goyaèhtla gà, dèhyeh t'à Paul eyits'ò Silas goga nàgòhgè. ³⁰ Xàgoèwa t'axòò dagoehke hadi, “K'àowo, edaxàsetè gha ayũ dàhke ha?” gòhdi.

31 Gits'ò hadi, “Zezi gots'ò K'àowo ehkw'ı adı neewo nıdè edaxàneetè ha, eyits'ò nèot'ı nexè nàgedèe sı edaxàgeedè ha,” giıhdı. 32 Eyit'à ededı eyits'ò wekò dọ nàdèe sıi gots'ò K'àowo weyatı t'à gots'ò gogıde. 33 Totanı ekııyèe k'e dọ-danıılaa-k'èdii-dọò whatsọò nègòıwa gà gokaà k'enajıhtso. Eyı t'axọò ededı eyits'ò wèot'ı hazọò ekòet'ii gık'ètaıdzọ. 34 Dọ-danıılaa-k'èdii-dọò Paul eyits'ò Silas edekò ts'ò nagòowa, eyits'ò shègetı ha t'asıi goghàıdı. Nòhtsı yegha ehkw'ı adıı ajà t'à sıi wınà, wèot'ı sı hazọò gınà.

35 K'omọòdọò dzeh agòjà ekò kòta k'aodèe edecheekeè dọ-danıılaa-k'èdii-dọò ts'ò gogeèhà. Yatı gidanııřọ hagedı, “Eyı dọ xàgeedè agııle,” giıhdı. 36 Eyit'à dọ-danıılaa-k'èdii-dọò Paul ts'ò hadı, “Kòta k'aodèe, nı eyits'ò Silas xàahdè ha naxègedı. Eyit'à naahdè ha dıi-le. Naxıxè sıghà welè,” gòhdı.

37 Hanikò Paul kòta k'aodèe cheekeè ts'ò hadı, “Gosınııyagııhtı-le et'ii dọ daà nàgogııhkwa. Roman got'ıı k'èè goıtà kò dọ-danıılaa-kò ts'ò agogııllà. Ekıı hanı dọ naahıtọ nagogeèhà ha gııwọ nı? İle, ededı gots'ò giıdè gà xàgogııwa,” gòhdı.

38 Kòta k'aodèe cheekeè Paul dàdı sıi hazọò k'aodèe ts'ò hagedı. K'aodèe, Paul eyits'ò Silas, Roman got'ıı k'èè gıtà gok'èhogeèhà ekò geèhyeh lagejà. 39 K'aodèe, Paul eyits'ò Silas ts'ò dọ nezıı gııı ha gııwọ t'à dọ-danıılaa-kò gots'ò xàgogeèwa, ts'èwhıı kòta ts'òò naahdè gògedı. 40 Paul eyits'ò Silas dọ-danıılaa-kò gots'ò xàgeède t'axọò Lydia wekò ts'ò t'akwełòò agejà. Ekò Nòhtsı wecheekeè xè giakw'è. Yatı nezıı t'à nàgetsoò agogııllà t'axọò nageèhde.

17

Paul eyits'q Silas kòta Thessalonica nèlegeètla

¹ Kògodeè Amfipolis eyits'q Apollonia goxa geède, kògodeè Thessalonica ts'ò agejà. Ekò Israel got'ìì gits'q elègehdeè-kò gòrò. ² Paul t'aats'òò elègehdeè-kò at'ì ilè t'à ekò ts'ò ajà. Tai dzehta ts'ò Nòhtsì Dzeè k'e Nòhtsì Nìhtl'è gots'q dọ hoghògohtq. ³ Ayì dek'eèhtl'è ghàa gots'q gojde, “Christ daɪza ha, eyits'q eɪawo gots'q naidà ha. Dii Zezi weghq naxits'ò gohdee sù Christ hqt'e,” gòhdì. ⁴ Israel got'ìì mòhdaa ehkw'ì adì gɪwq t'à Paul eyits'q Silas xè aget'ìì agejà. Greece got'ìì Nòhtsì gɪwq sì lq eyits'q ts'èko ahxee gɪlɪ sì lq goxè aget'ì. ⁵ Hanikò Israel got'ìì gha k'aodèe sù goghq ts'ohogeedì. Kòta gots'q dọ laòt'ì-le nàgɪhtsì gà kògodeè nì ts'ò dọ lq xè nɪdahogɪhdè. Jason wekò ts'ò lègeèhza ekò Paul eyits'q Silas hagɪwq, dọ nì ts'ò gogeewa ha gɪwq t'à. ⁶ Hanikò gokawhìagejà t'à Jason xàgèlì eyits'q Nòhtsì wecheekeè sù mòhdaa kògodeè gha k'aodèe ts'ò gogeewa. Hagedì gezeh, “Dii dọ, hazqò nèk'e dọ xè hoilà hogehtsɪ sù dii jq nègɪde, ⁷ eyits'q Jason edekò ts'ò agòlà. Dii dọ aget'ì sù dèe-ts'ò-k'àowo Caesar wenàowoò k'èch'a aget'ì. Dii hagedì, k'àowocho eyi-le gòhì ne, eyi sù Zezi wiyeh ne,” hagedì gezeh. ⁸ Hagedì gogɪkw'o ekò dọ hazqò eyits'q k'aodèe gɪlɪ sù, sù nɪdahogɪhdè. ⁹ Jason eyits'q dọ gɪxè at'ì sù sqòmba lq edek'èxa nàgeehdì agogɪlà t'axqò, nagogeèhza.

Paul eyits'q Silas kòta Berea nèlegeètla

¹⁰ To agòjà ekò Nòhtsì wecheekeè, Paul eyits'q Silas kòta Berea ts'ò agogɪlà. Ekò nègɪde ekò Israel got'ìì gits'q elègehdeè-kò ts'ò agejà. ¹¹ Israel got'ìì

kòta Berea nàgedèe sì kòta Thessalonica got'ù nahk'e ginezì. Godì nezù gùkw'o t'à gínà. Asì Paul ehkw'ì gode gùwọ t'à dzẹ taàt'eè Nòhtsì Nìhtl'è k'eyagehtì. ¹² Israel got'ù lọ gígha ehkw'ì-ahodì, eyits'ọ Greek gots'ọ ts'èko ahxee mọhdaa, eyits'ọ Greek gots'ọ dọzhì lọ goxè aget'ì.

¹³ Israel got'ù Thessalonica nàgedèe sì Paul kòta Berea Nòhtsì yatì t'à dọ hoghàehtọ ghọ gùkw'o t'à ekọ ts'ọ geède. Dọ lọ Paul k'èch'a nìdahogùhdè agogùlà. ¹⁴ Eyit'à ekòet'ù Nòhtsì wecheekeè Paul tichobàa ts'ọ ajà agùlà, hanìkò Silas eyits'ọ Timothy kòta Berea ageèhkw'e. ¹⁵ Dọ Paul xè agejàa sì kògodeè Athens ts'ọ geèhchì. Eyì dọ ek'èt'à nageedè kwe, Paul, edecheekeè Silas eyits'ọ Timothy godanatùzọ, ìwhàà sets'ọ aahde nọ, gòhdi.

Paul kòta Athens dọ ts'ọ gode

¹⁶ Paul kògodeè Athens godanaèhzi ekò nòhtsì eyì-le xàzaa lọ hòèlù nàwhezaa yazi t'à sù wegħa dì. ¹⁷ Eyit'à elègehdeè-kọ goyì Israel got'ù eyits'ọ Greece got'ù Nòhtsì gùwọ sù gots'ọ gojde. Eyits'ọ dzẹ taàt'eè t'asì nàedì k'è yàgòlaa ekọ sì dọ ts'ọ gojde. ¹⁸ Dọ mọhdaa Epicurean nàowoò eyits'ọ Stoic nàowoò k'è nàgedèe sì Paul k'èch'a gogede, hagedì, “Dù dọ wewà lọ ayì ghọ godeè-adì?” Eyits'ọ mọhdaa hagedì, “Nòhtsì ladi ghọ godeè-adì lanì,” gedì. Paul, Zezi wegodi nezù t'à gode eyits'ọ jdaà nìdè dọ nagidà ha hadì t'à, agùhdi. ¹⁹ Eyit'à dọ lọ dèhkw'ee k'è gòzọ, Ayopagus gòyeh, ekọ ts'ọ geèhchì. Paul ts'ọ hagedì, “Dù godì eladi t'à dọ hoghàhtọ sù wèk'èts'eezọ ha ts'ùwọ. ²⁰ Nàowo ladi gota k'enezaa sì wenits'eedì-le, ayì dàidi sì

wek'èts'eezọ ha ts'ụwọ,” gụhdi. ²¹ Athens got'ụì eyits'ọ dọ eyì-le xàʔaa eyi nàgedèe sì t'aats'ọọ nàowo ịadụ t'à elexè gogedo.

²² Paul dọ ịọ dèhkw'ee k'è gòʔọọ, Ayopagus gòyeh, ekọ dọ ts'ọ gode, hadi, “Athens got'ụì yàahụ sì, nọhtsị ịadụ xàʔaa ịọ ghọ họt'ò aahwhọ nọ.

²³ Naxikọta k'ehda ekò wets'ọ yaahtị ịọ nàwheʔaa sì hoti gighàihdà họt'e. Nọhtsị wek'èhoahsọ-le gha kwe-ladà wheʔọ wek'e dū hani dek'eèht'è wek'eyaehtị: ‘Nọhtsị wek'èts'eezọ-le wegħa gòʔọ,' dek'eèht'è. Eyì nọhtsị wek'èahsọ-le kò wets'ọ yaahtị sì dū wegħọ naxits'ọ gohde ha.

²⁴ “Nọhtsị, dèe eyits'ọ t'asị hazọọ edaa whehtsū sì yak'e eyits'ọ dū nèk'e gha K'àowo họt'e. Yats'ehtū-kò-gocho, dọlà t'à hòèlū sì, yeyi nàdè nùle. ²⁵ Dọ t'asị yeghàedi t'à eda nùle. Ededi dọ hazọọ git'à eda họt'e, git'à gejì eyits'ọ t'asị hazọọ wet'à-ats'et'ụ sì goghàyele họt'e. ²⁶ Dọ ịè gots'ọ, dọ hazọọ xàʔaa whehtsị họt'e eyits'ọ dū nèk'e hazọọ nàgedè ha agọlà. Dàwhaà geeda ha sì goghàhòʔọ eyits'ọ edū nàgedèe ha sì goghàhòʔọ họt'e. ²⁷ Nọhtsị hani eghàlaidà họt'e, hani-ìdè wekats'ụwọ ha goihwhọ eyits'ọ edahxọ wets'ụwọ xè wegots'ìhʔà ha weli. Gots'ọ nìwà-le wheda kò họt'e. ²⁸ Naxi kò naxits'ọ egeet'èè-dọọ mọhdaa dū hagedi egüt'è ịè, ‘Ededi wet'à dọ ts'ụlụ eyits'ọ wet'à ts'eeda,’ eyits'ọ mọhdaa hagedi, ‘Wets'ìhʔọ-dọọ ats'üt'e,’ gedi egüt'è.

²⁹ “Eyit'à Nọhtsị wets'ìhʔọ-dọọ ts'ụlụ nìdè Nọhtsị sì sọmba dekwoo, sọmba degoo eyits'ọ kwe t'à hòèlū wets'ùhwhọ ha dū. Dọlà t'à t'asị hòèlū k'èè wègaat'ụ wets'ùhwhọ ha dū. ³⁰ Ịnèè

dọ dàget'ụ sị gịk'èezọ-le t'à Nòhtsị nàgoehkwa-le ịlè, hanikò di sị dọ hazọ̀ọ̀ edek'egụlụ̀ xè wets'ọ̀ anats'ede ha goihwhọ. ³¹ Dọ hazọ̀ọ̀ ehkw'ị gısinıyaetı gha dzẹ wheh?ọ̀ọ̀ ayıllà họt'e, eyı gha dọ ịlè yìhchì họt'e. Eyı wüichü sị dọ hazọ̀ọ̀ gıgha ehkw'ı-ahodı ha t'à Nòhtsị naidà ayıllà,” Paul gòhdi.

³² Dọ naidà hadı ghọ gükw'o ekò Paul ghageedlò, hanikò dọ mọhdaa hagedı, “K'achı eyı weghọ gots'ọ̀ nagoıde ha nets'ıhwhọ,” gühdi. ³³ Eyı t'axọ̀ọ̀ Paul gots'ọ̀ọ̀ naèhtla. ³⁴ Dọ mọhdaa gıgha ehkw'ı-ahodı t'à Paul xè aget'ụ agejà. Dọ ịlè Dionysius wıyeh, Ayopagus ekọ dọ elexè dèhkwee goxè whedaa elı, eyıts'ọ ts'èko Damarıs wıyeh eyıts'ọ dọ eyı-le mọhdaa goxè aget'ụ agejà.

18

Paul kògodeè Corinth nùtla

¹ Eyı hagọ̀jà t'axọ̀ọ̀ Paul kọta Athens gots'ọ̀ kọta Corinth ts'ọ̀ ajà. ² Ekọ Israel got'ụ, Aquila wıyeh, kọta Pontus wegòhı sị, yeghaetla. K'àowodeè Claudius, weyatı k'e Israel got'ụ hazọ̀ọ̀ kògodeè Rome gots'ọ̀ọ̀ xàgeedè ha gòhdi. Eyıt'à Aquila, edets'èkeè Priscilla xè Italy nèk'e gots'ọ eyı nègıde. Paul gots'àèhtla. ³ Paul, goxèht'eè nıhbàa-ehtsı-dọ̀ elı t'à goxè nàidè eyıts'ọ goxè eghàladà. ⁴ Nòhtsı Dzeę taat'eè elègehdeè-kò dọ ts'ọ̀ gode, yatı t'à Israel got'ụ eyıts'ọ Greece got'ụ goghodaehnè ha dahoèhdzà.

⁵ Silas eyıts'ọ Timothy Macedonia nèk'e gots'ọ eyı nègıde ekò Paul dọ hoghàehtọ̀ zọ ts'ọ̀-èlı adııldà. Israel got'ụ ts'ọ̀ gode, hadı, “Zezi Christ họt'e,” gòhdi. ⁶ Hanikò Israel got'ụ Paul k'èch'a

gogede. Paul ehkw'1 aget'1-le g1k'èezq ha niwq t'a edegoh't'qò yèhxo xè hagòhdi, “Nax1 edaxàahdè-le n1dè naxit'a ha ne. Hòt'a s1 sets'q hoèl1 nùle. Jq gots'q 1daà dq eyi1-le xà?aa gits'q ahde ha,” gòhdi.

⁷ Eyit'a Paul elègehdeè-kò gots'qò xàèhtla. 1zòò Titus-Justus, Nòhts1-ghàts1ed11-dqò wekò gò?oq ts'q ajà. ⁸ Crispus, elègehdeè-kò gha k'àowo el1, eyits'q wekò nàgedèe s1 hazqò Zezi g1gha ehkw'1-ahodi1 agejà. Eyits'q kòta Corinth gots'q dq lq gi1kw'oo s1 g1gha ehkw'1-ahodi t'à g1k'ètàidzq.

⁹ 1làà, to Paul wenazh1 xègoèht'1 t'à gots'q K'àowo yets'q gode, hayèhdi, “N1111-le, 1làà dq gits'q go1de ghq naqt'e-le. ¹⁰ Nexè aht'1 ne. Sets'q dq lq jq kògodeè nàgedè ne t'à dq w1z1 t'asanele ha nùle,” yèhdi. ¹¹ Eyit'a Paul 1lè xo-daà-tan1 ts'q eyi nà1dè. Nòhts1 weyat11 dq hoghàehtq.

¹² Achaia nèk'e Galliyo k'àowo el1 ekò Israel got'11 elèts'adageedi t'à Paul wesin1yaeti1 ag11là. ¹³ Dq-sin1yaeht11-dqò ts'q haged1, “D11 dq s11, gonàowoò k'èch'a dq hoghàehtq. Nàowo elad11 k'èè Nòhts1 ghàsogeedi ha, gòhdi,” gedi.

¹⁴ Paul gode ha n1kw'o ekò k'àowo Galliyo, Israel got'11 ts'q had1, “Israel got'11, d11 dq ho1la hòèhts1 han1-le-1dè gonàowoò k'e1zh1 n1dè naxeèhk'w'q ha 1lè. ¹⁵ Hanikò naxinàowoò ghq aahdi n1dè nax1 edexè s1igoahlè. S1 han1 nàowo wesin1yaht1 ha nùle,” gòhdi. ¹⁶ Nàyaeti1-kò gots'q xàgodezh1. ¹⁷ Eyit'a dq hazqò Sostenes, elègehdeè-kò gha k'àowo el11 s11, nàyaeti1-kò gà dag1ach1 eyits'q g1kwòqyaà-g11là. Hagòjà kò k'àowo Galliyo gots'q n1zà-le.

Priscilla, Aquila eyits'q Apollos

18 Paul whaà hoògò gots'ò kòta Corinth nàidè. Eyí t'axòè Nòhtsì wecheekeè gots'òè naèhtla. Elàcho t'à Syria nèk'e ts'ò ajà. Priscilla eyits'ò Aquila gixè ajà. Naezè kwe kòta Cenchrea Nòhtsì ts'ò yatí nàtsoo whehtsì ìlè t'à, edekwìghà k'ìhwho. 19 Kòta Ephesus nègùde ekò Paul, Priscilla eyits'ò Aquila ekò gots'òè naèhtla. Ededì t'aa elèghdèe-kò ts'ò ajà, ekò Israel got'ì ts'ò goide. 20 Paul ìlè goxè wheda ha gùwò, hanìkò ìlè gòhdì. 21 Paul naetla kwe, hagòhdì, “Nòhtsì hanìwò nùdè k'achì jò ts'ò anahde ha,” gòhdì. Eyí t'axòè elàcho t'à kòta Ephesus gots'òè naèhze. 22 Kòta Caesarea, ekò dàèhtla. Nòhtsì wecheekeè gots'àèhtla xè gots'ò goide, eyí t'axòè kòta Antioch ts'ò ajà.

23 Whaà-lea ts'ò eyí nàidè. Eyí t'axòè eyí nèk'e gota k'eeda, Galatia nèk'e eyits'ò Phrygia nèk'e hazòè nàhtla. Nòhtsì wecheekeè hazòè gùni nàtsoò agòòlà.

24 Ekìnyeè k'e Israel got'ì Apollos wìyeh, Alexandria gots'ò dò, kòta Ephesus nùitla. Dò t'asì k'èezò deè elì eyits'ò Nòhtsì Nìhtl'è sì deghàà yek'èezò. 25 Gots'ò K'àowo wegodiì nezù hoghàweètò hót'e. Ededzeè t'à sù dò ts'ò goide eyits'ò Zezi wegodiì hotì nezù dò hoghàgoèhtò. Hanìkò John-Baptist dànì dò hoghàgoèhtò sù eyí zò k'èezò. 26 Apollos elèghdèe-kò edèdaedi-le xè dò ts'ò goide. Priscilla eyits'ò Aquila gùkw'o t'axòè edekò ts'ò gok'èehtlaà agùlè. Nòhtsì wegodiì t'à deghàà gits'ò xàyahìti.

27 Apollos, kòta Achaia ts'ò ade ha nìwò t'à Nòhtsì wecheekeè gogha sìghà adì. Eyit'à ekò Nòhtsì wecheekeè ts'ò weggha egùt'è, hagedì, “Dù dò naxìxè at'ì aweahle,” hagedì gùt'è. Apollos

ekọ nùtla ekò Nòhtsị wesonıwọ t'à gıgha ehkw'ı-ahodı agejàa sị hòt'ò gots'adı hòt'e. ²⁸ Israel got'ı̀ elegeèhdi ekò, Apollos gonı ts'ò hòt'ò xàyaıhtı. Nòhtsị Nıht'è ghàà Zezi Christ hòt'e hadı gots'ò goıde.

19

Paul kòta Ephesus nùtla

¹ Apollos kòta Corinth wheda ekò Paul tıı k'èè kòta Ephesus ts'ò naèhtla. Ekọ Nòhtsị wecheekeè mọhdaa goazı. ² Eyıt'à dagoehke, “Naxıgha ehkw'ı-ahodı ajà gots'ò Yedàyeh Nezu naxık'e ajà nı?” Paul gòhdi.

“İle, Yedàyeh Nezu weghọ ts'ıkw'o whıle,” gedı.

³ Paul gots'ò hadı, “Hanı-ıdè ayı t'à naxık'ètaıdzọ nọ?” gòhdi.

“John-Baptist wenàowò k'èè gok'ètaıdzọ,” gedı.

⁴ Paul gots'ò hadı, “John-Baptist wenàowò k'èè gok'ètaıdzọ sı edek'ets'ıı gha hòt'e. Dọ yek'èè nùtla ha sı ehkw'ı adı weahwhọ ha hòt'e gòhdi ıle. Eyı sı Zezi hòt'e,” Paul gòhdi. ⁵ Nòhtsị wecheekeè Paul hadı gıkw'o t'à Zezi wızı t'à gık'ètaıdzọ agejà. ⁶ Paul edıla gok'e ayıılà t'à Yedàyeh Nezu gık'e ajà. Yatı ıadı t'à gogedeè agejà eyıts'ò Yedàyeh Nezu dahxà xàyaıhtı. ⁷ Hazọ t'à dọzhı hoonọ-daats'ò-nàke gıxè hagòjà.

⁸ Paul, ekọ Israel got'ı̀ gıts'ò elèghdèè-kò gòzọọ goyaèhtla. Taı sa haıwa gots'ò edèdaedı-le xè Nòhtsị wenàowò ghọ gots'ò goıde t'à, dọ gıgha ehkw'ı-ahodı agejà. ⁹ Hanıkò dọ mọhdaa Paul k'èch'a agıwọ, gıgha ehkw'ı-ahodı ha gıwọ-le eyıts'ò eyı nàowo k'èch'a dọ ts'ò gogede. Eyıt'à Paul Israel

got'ì gots'òò xàèhtà. Nòhtsì wecheekeède edexè goòwa. Eyì t'axòò dzè taàt'eè Tyrannus wekò gocho goyì dọ ts'ò gode. ¹⁰ Nàke xo ts'ò hanì Paul dọ ts'ò goide. Eyì ts'ihzò Israel got'ì eyits'ò Greece got'ì hazòò Asia nèk'e nàgedè sù gots'ò K'àowo weyatù gùkw'oò agejà.

¹¹ Nòhtsì, Paul ts'àdì t'à enìyah deè lọ hòèhtsì.

¹² Paul k'oòhchia eyits'ò jòhtè t'à-at'ì sù eyì kò dọ-eyaelì ts'ò agehzì nùdè k'aàt'ì agèt'ì eyits'ò mìnì gots'òò xàgeedè.

¹³ Israel got'ì mòhdaa mìnì xàdegeezhì ha dọ ta k'egedè. Zezi wùzì t'à mìnì xàdegeezhì ha hogeèhdzà, hagedì, “Paul, Zezi wùzì t'à godee sù wedahxà xàahdè,” gedì. ¹⁴ Dọ ịhè Sceva wìyeh, yahtì-gha-k'àowo elì, eyì weza lòhdì ededì agèt'ì. ¹⁵ Hanìkò ịhàà mìnì gots'ò hadì, “Zezi wek'èehsò eyits'ò Paul sù wek'èehsò, hanìkò naxì amì aaht'e?” gòhdì. ¹⁶ Dọ mìnì wets'ò-èlì sù gok'e nùko eyits'ò sù gokwòyyàà-gòòlà t'à hazòò godaèht'è, ịht'edè eyits'ò gidoò at'ì xè xàtìmògeède.

¹⁷ Israel got'ì eyits'ò Greece got'ì kòta Ephesus nàgedè sù eyì hagòjà ghò gùkw'o t'à sù geèhyeh. Gots'ò K'àowo Zezi wùzì t'asì nechàa awèts'edi nòò, gùwòò agejà. ¹⁸ Dọ gìgha ehkw'ì-ahodì lọ dọ hazòò gonadaà edenàowoì ghò hòdegeedè. ¹⁹ Dọ mòhdaa ịk'òò k'alagùdè sù edenìht'è ịàà nègìla gà dọ gonadaà gik'enìhk'ò. Eyì enìht'è wesòmbaà nagìhtà nùdè hazòò t'à sùlèenọ-lemì (50,000) sòmba degoo haàtì elì. ²⁰ Eyì gìxè hagòjà ts'ihzò gots'ò K'àowo weyatù hazòò nèk'e ts'ò ajà eyits'ò weyatù dọ xè nàtsoò agodaade.

²¹ Eyì hazòò hagòjà t'axòò Paul kòta Jerusalem

ts'ò anade ha nıwọ. Eyi t'à Macedonia nèk'e eyıts'ọ Achaia nèk'e gok'ııtla. Paul hadı, “Jerusalem nàwhıhtla t'axọ-ıdè Rome sı nàhtla ha,” hadı. ²² Timothy eyıts'ọ Erastus, eyı nàke geet'eè Paul ts'àgedı sı Macedonia nèk'e ts'ò goèhza, ededı t'aa Asia nèk'e whaà-lea ts'ò ekọ aıt'è.

Kòta Ephesus nàdahoowo

²³ Ekıyee k'e Zezi wenàowoò ts'ıhzo dọ ọ gıxè nàdahoowo. ²⁴ Dọ ı̀è Demetrius wıyeh satsọ degoo t'à nòhtsıa yàehtsı. Gıts'ọ nòhtsı Artemis wıyeh wek'èè wègaat'ıı nòhtsıa ọ whehtsı. Dọ hanı gehtsı sı gıt'a sọmmba ọ gehtsı. ²⁵ Dọ gıxèht'eè eghàlageedaa sı hazọò gokàehza, hagòhdı, “Goxı, goılaà t'à sọmmba ọ ts'ehtsı wek'èahsọ họt'e. ²⁶ Eyi dọ Paul wıyeh sı dọ ọ gha ehkw'ı adı t'à goghọ daèhnọ wek'èts'eezọ. Wets'ıhzo dọ ọ eıadı ts'ò ageja, ọ kòta Ephesus zọ-le, yeè Asia nèk'e sı k'àhdzọ dọ hazọò ghọ daèhnọ họt'e. Dı goıla t'à t'ası hòèlı sı nòhtsı agııt'e nıle, gòhdı. ²⁷ Goıla sı dọ gıgha wet'aaazà-le ade ha sọnı. Eyi zọ-le, Artemis wets'ọ yahtı-kọ-gocho gòzọọ sı dọ gıgha wet'aaazà-le agode ha. Asia nèk'e dọ hazọò eyıts'ọ dı nèk'e hazọò ts'ò Artemis ts'ò yagehtı họt'e, hanıkò eyı hagot'ı ts'ıhzo t'ası deè eı-le gıhwhọ ha,” gòhdı.

²⁸ Dọ hazọò egıkw'o ekò gıch'è t'à yagızeh, “Artemis, Ephesus got'ıı gha nòhtsı deè eı ne,” gedı yagızeh. ²⁹ Whaà-le-t'ıı kòta hazọò dọ nıdahogııhdè. Dọ nàke Gaus eyıts'ọ Aristarchus, Paul xè Macedonia nàgedè ı̀le sı dagogiachı. Eıegeèhdı-k'è gọchàa ts'ò gogeèwa. ³⁰ Paul ekọ dọ hazọò ts'ò gode ha nıwọ hanıkò dọ yexè aget'ıı sı ekọ nàtla ha gıhwhọ-le. ³¹ Eyi nèk'e gha k'aodèe

mòhdaa Paul weàgĩa agũt'ee sù ededı kò yatı gıdanı̀zò, hagũhdı, “Neghò hoejı t'à, elegeèhdı-k'è nàwũtla-le,” gedı gıghonadaetı.

³² Ekò dọ hazòò gıxè nàdahoowo t'à gıgha hok'èedzò-le hòzòò agòjà. Dọ mòhdaa t'ası ghò gezeh, mòhdaa t'ası eyı-le ghò gezeh. Ayı gha eyı nègũdee sù gık'èezò-le. ³³ Israel got'ı gũı sù dọ ìhè Alexander wıyeh dọ hazòò nadaà nàwoò agı̀là. Dọ mòhdaa gıts'ò gezeh, dani gode ha sù gıts'ò hadı. Alexander edèot'ı gha gode ha nıwò t'à dọ ts'èwhı agũt'e ha edilà t'à gogha nàzeetsı. ³⁴ Hanıkò ededı Israel got'ı họt'e gık'èhoèhzà ekò nàke sadzeè hawıwa ts'ò dọ hazòò ehghàà yagızeh, hagedı, “Artemis, Ephesus got'ı gha nõhtsı deè elı!” gedı yagızeh.

³⁵ Nòode kòta gha k'àowo dọ xè ts'èwhı hòzòò ayı̀là. Dọ ts'ò hadı, “Ephesus got'ı, jò kòta dọ nàgedèe sù Artemis, nõhtsı deè, wets'ò yahtı-kò-gocho k'ègedı agũt'e, dı nèk'e dọ hazòò gık'èezò họt'e. Eyıts'ò kwe wek'èè wègaat'ı sù yak'e gots'ò hodàèkw'o, eyı sı gık'èezò họt'e. ³⁶ Ehw'ı ats'edı-le gògedı ha dı t'à ts'èwhı aah't'e eyıts'ò nàdahoahdè-le. ³⁷ Dı dọ nàke naxıts'ò yahtı-kò-gocho gots'ò egeèzı-le eyıts'ò Artemis k'èch'a xàyagũhtı-le kò, jò nègıahı. ³⁸ Demetrius eyıts'ò dọ wexèh't'è la gıts'ò sù t'ası ghò dọ k'èch'a agıwò nıdè gıghò nàyaetı agogule. Ekò dọ-sınıyahtı-dòò dèhw'e họt'e, ekò dọ k'e nıdahogeezà ha dı-le. ³⁹ Eyı wedè t'ası eyı-le ghò goahde ha dahwhò nıdè, dèe-ts'ò-k'àowo nàowoò k'èè weghàlats'eeda ha họt'e. ⁴⁰ Ekò dı dzeè k'e nàdahoowo ts'ıhzò dèe-ts'ò-k'àowo hoıla hots'ehtsı gıwò ha sını. T'ası

wet'aaà-le ghò agot'ì ts'ihzò edek'edats'eedi ha diì," k'àowo hadù dọ ts'ò gojde. ⁴¹ Hadì t'axò dọ hazò nagoèhà.

20

Paul Macedonia nèk'e eyits'ò Greece nèk'e kòta k'etlò

¹ Nàdahoowo ghonahòt'e t'axò Paul Nòhtsì wecheekeè gokàehà. Gìnì nàtso ha nezì gots'ò gojde t'axò Macedonia nèk'e ts'ò ajà. ² Eyì nèk'e hazò ts'ò ajà. Dọ gìnì nàtso ha nıwọ t'à gots'ò gojde. Nọdè t'à Greece nèk'e niitlà. ³ Ekọ tai sa ts'ò nàidè. Elàcho t'à Syria nèk'e ts'ò ade ha nıwọ, hanikò Israel got'ì t'asagele ha gıwọ t'à ekọ ts'ò ade ha diì. Macedonia nèk'e gots'ò dèè k'e ek'èt'à naèhtlà. ⁴ Dọ gıxè at'ì sù Berea got'ì Pyrus weza, Sopater wıyeh, eyits'ò Thessalonica got'ì nàke Aristarchus eyits'ò Secundus, eyits'ò Derbe got'ì Gaius. Timothy, Asia got'ì Tychicus eyits'ò Trophimus goxè aget'ì. ⁵ Dọ haatłọ sù gonakweè geèdè. Kòta Troas ekọ godanageèhı. ⁶ Dzeèdè Passover t'axò kòta Philippi gots'ò ts'eèze. Sılà dzeè t'axò kòta Troas ekọ goàgı gıghaats'ıde. Troas ekọ lòhdı dzeè ts'ò nàts'ıde.

Cheko naidà awıidlà

⁷ Nòhtsì Dzeè t'axò elèxè lèt'è ts'eà ha ląà nèt'sıde. Paul dọ ts'ò gojde. Ek'èdaedzeè k'e naetlà ha nıwọ t'à totanı ts'ò gojde. ⁸ İdòo dahkò gọchàa ek'aèk'ò lọ dèk'ò, ekọ elèts'eèhdı. ⁹ Cheko ıle Eutychus wıyeh edzak'è xàgọọàa ekọ dawheda ıle. Paul to whàa gojde t'à cheko dètı. Sù hòt'ò dètı t'à tai dahkò gots'ò hodàdeèwò. Nıgıhtı ekò eląıwò

nòò. ¹⁰ Paul yets'ò hodàèhtla. Cheko k'e dèchòhtı xè edegòò yemòò ayìlìà. Hadı, “Weghò nàniàhdè-le, eda ne,” gòhdi. ¹¹ Eyı t'axòò Paul ıdòò dahkò dekiıtla gà goxè lèt'è ııà. Dzèh agòjà ts'ò goıde, eyı t'axòò naèhtla. ¹² Cheko eda t'à dọ gınà, wekò ts'ò nageèhchì.

Paul kòta Ephesus gots'ò Nòhtsı wecheekeè gha k'aodèè ts'ò goıde

¹³ Paul wenakweè elàcho t'à kòta Asos ts'ò ts'eèze. Ededı ededzaà t'à kòta Asos ts'ò etla ha. Paul ekò nıdè elàcho yietla ha edexè sııgòòlà. ¹⁴ Kòta Asos ekò goghaetla t'à goxè elàcho yietla. Kòta Mitylena ts'ò ts'eèze. ¹⁵ Ek'èdaedzèè k'e ekò gots'ò nats'eèhze, kòta Kıyos ts'ò nıwà-le nèts'ııze. K'achı ek'èdaedzèè k'e kòta Samos ts'ò ts'eèze eyıts'ò k'achı ek'èdaedzèè k'e kòta Miletus nèts'ııze. ¹⁶ Paul, Asia nèk'e whaà wheda ha nıwò-le t'à, kòta Ephesus goxa naèhze. Edahxò Dzèdeè Pentecost wekwe Jerusalem nııtla ha nıwò t'à, ekò ts'ò ıwhàà nıwò.

¹⁷ Kòta Miletus nııtla ekò Ephesus gots'ò Nòhtsı wecheekeè gha k'aodèè gııı sıì gokàehzà. ¹⁸ K'aodèè eyı nègııde ekò gots'ò hadı, “T'akwełòò Asia nèk'e ts'ò ahjà gots'ò naxını nàıhdè t'à dani ihdàa sıì sek'èahsò họt'e. ¹⁹ Israel got'ıı segha hoıla hogehtsı t'à sıì segııhdzà họt'e, hanikò k'èeweèt'ıı laht'e eyıts'ò senatı lọ xè gots'ò K'àowo weggha hòt'ò eghàlaidà họt'e. ²⁰ Wet'à naxıgha sıghà ha t'à naxıts'ò goıhde ıle, weghò edèdaehdi-le wek'èahsò họt'e. Ełets'eèhdıı goni eyıts'ò naxıkò goyı hazòò hoghànaxeèhtò ıle. ²¹ Israel got'ıı eyıts'ò Greece got'ıı ılah gıts'ò goıhde ıle. Edek'egııı t'à Nòhtsı

ts'ò agede ha eyits'ò gots'ò K'àowo Zezi ehkw'ı adı gıwq̄ gha haehsı̄ gıts'ò goıhde ıle.

²² “Ekò dı̄ sı̄, Yedàyeħ Nezı̄ Jerusalem ts'ò sehza, ekq̄ sexè dągode ha sı̄ wek'èehsq̄-le. ²³ Kòta hazq̄ ts'ò aht'ı̄ sı̄ Yedàyeħ Nezı̄ sets'ò hadı, sexè hoıla ha eyits'ò dq̄-danı̄ılaa-kò ts'ò asegele ha hanı̄ segħa hòzq̄. Eyı̄ zq̄ wek'èehsq̄. ²⁴ Hanıkò edegħa ehda ha segħa wet'aaza-le. Gots'ò K'àowo la nechaa segħaı̄zq̄ sı̄ welq̄ ts'ò weghq̄ naht'è ha, eyı̄ zq̄ dehwhq̄. Nòhtsı̄ gots'ò sq̄nıwq̄ sı̄ eyı̄ godı̄ nezı̄ t'à dq̄ ts'ò gohde ha hqt'e.

²⁵ “Naxı̄, Nòhtsı̄ Wenàowoò t'à naxıts'ò goıhde ıleè sı̄ k'achı̄ Seahzı̄ ha-le, wek'èehsq̄ hqt'e. ²⁶ Eyıt' à dı̄ dzeq̄ k'e dı̄ naxıts'ò haehsı̄ ha: dq̄ edaxàweetı̄-le nı̄dè sı̄ set' à nı̄le. ²⁷ Nòhtsı̄ daniwq̄ sı̄ edèdaehdı̄-le hazq̄ naxıts'ò haehsı̄ ıle. ²⁸ Hotı̄ edexoahdı̄ eyits'ò Nòhtsı̄ wecheekeè sı̄ gıxoahdı̄, Yedàyeħ Nezı̄ eyı̄ la naxıghàı̄zq̄ hqt'e. Nòhtsı̄ ededoò t'à edets'ò dq̄ edaxàwhela ne t'à nezı̄ gıxoahdı̄. ²⁹ Setı̄'axq̄ dągode ha sı̄ wek'èehsq̄. Dı̄ga ıghq̄ lanı̄ naxıta agede ha, naxıts'ò sahzq̄ hazq̄ dzı̄gehza ha. ³⁰ Naxıta gots'ò kò dq̄ mòhdaa Nòhtsı̄ wecheekeè edek'èq̄ agogele ha gıwq̄ t'à, godı̄ ehkw'ı̄ sı̄ ekq̄-le agele ha. ³¹ Eyıt' à sı̄ kexoahdı̄! Tai xo gots'ò, dzeq̄, to sen-atı̄ xè naxıghonatīehza ghq̄ naht'è-le, eyı̄ wenaahdı̄.

³² “Hòt'a Nòhtsı̄ ghànaxèehla, eyits'ò naxıts'ò wesq̄nıwq̄ godı̄ t'à naxınī natsòò awede. Hanı̄ıdè ıdaà Nòhtsı̄ dq̄ hazq̄ edegħa gòıhchı̄ sı̄ gıxè ayı̄ godawhehlaa sı̄ naxıghàyele ha hqt'e. ³³ Dq̄ wı̄zı̄ wesq̄mbaà eyits'ò wegoht'òq̄ gha aht'ı̄ nı̄le. ³⁴ Sıla t'à edegħa eghalı̄hdà eyits'ò dq̄ sexè aget'ı̄ sı̄ gıgha aht'ı̄, wek'èehsq̄ hqt'e. ³⁵ T'ası̄ hazq̄

ghàlahdàa sù hanì hòt'ò èghàlats'eeda t'à dọ-teèt'ụ ts'ats'edi ha họt'e, eyi wek'èahsọ anaxèhà. Gots'ọ K'àowo Zezi, ededị dàdụ sù wenats'edi ha họt'e: 'Dọ ghàts'eedi sù t'asì goghọt'à nahk'e nezị họt'e,' gòhdi ụlè."

³⁶ Paul hanì gots'ọ goḍe t'axọọ hazọọ goxè nàgòìhè gà yaḥtì. ³⁷ Hazọọ ginatì ajà, edegutò xè gùts'ị. ³⁸ K'achị seahị ha-le gòhdi t'à gigha diì. Elàcho ts'ọ gik'èè goòhwho.

21

Paul Jerusalem ts'ọ dèhtla

¹ Gits'ọ nats'eède ha gogha diì kò nats'eède. Eyì gots'ọ kọta Cos ts'ọ elàcho t'à nats'eèze. Ek'èdaedzè k'e kọta Rhodes ts'ọ ats'ejà, eyi gots'ọ kọta Patara ts'ọ ts'eèze. ² Eyì kọta gots'ọ elàcho Phoenicia nèk'e ts'ọ ade ha nọọ, eyit'à weyì ts'ụde gà nats'eèze. ³ Dì nechàa Cyprus ts'aḗ, saḗ ts'ọh'k'e wexa ats'ejà. Syria nèk'e ts'ọ ts'eèze t'axọọ kọta Tyre dàts'ụde. Elàcho yì t'asì whelaa sù ekọ dàgụwa. ⁴ Ekọ Nòhtsì wecheekeè gits'aḗ, lòhdi dzeè ts'ọ gixè ats'ùt'è. Yedàyeh Nezụ wedahxà Paul ghonàdageetì, "Kọta Jerusalem ts'ọ anede-le," giìhdi. ⁵ K'achị nats'eeze ha nìkw'o ekò Nòhtsì wecheekeè, gits'èkeè eyìts'ọ giza goxè tabàa ts'ọ geède. Tabàa nàgòts'ùhè gà gixè yats'ùhtì. ⁶ Elets'ùts'ị t'axọọ elàcho yì ts'ụde, ededị t'aa edekò ts'ọ nageèhde.

⁷ Kọta Tyre gots'ọ nats'eèze, kọta Tolemais nèts'ụze. Ekọ ụlè dzeè ts'ọ Nòhtsì wecheekeè gits'ats'ede. ⁸ Ek'èdaedzè k'e nats'eèze, kọta Caesarea dàts'ụde. Philip, godì nezụ t'à godee dọọ, wekò nàts'ụde. Dọ-teèt'ụ ghàgeedi ha dọ lòhdi

gìhchì jìlè sù ededì wìhchì jìlè. ⁹ Wetì dì hoget'ì-le sù hazòè nakwenàòzòò gùlì.

¹⁰ Edlaàtlò dzeè ts'ò eyì nàts'ùdè t'axòè Judea nèk'e gots'ò nakwenàòzòò Agabus wiyeh eyì nìtla. ¹¹ Paul wewè neyùwa gà wet'à edilà eyits'ò edekè xèwhezà, hadì, “Yedàyeh Nezu hadì, ‘Kòta Jerusalem gots'ò Israel got'ù, dù whe amì wets'ò ne sù dù hanì dageèzhà ha, eyì gà eyù-le dọ xàzaa ghàgìtè ha, ’ ” hadì gots'ò gojìde.

¹² Agabus hadì wets'ùkw'o t'à Paul, kòta Jerusalem nàwetla-le wèts'edì weghonàdats'etì. ¹³ Hanìkò Paul hadì, “Ayìha seghò aahse xè sedzeè etseè aahzì? Zezi wuzì ts'ìhò dasegeezà gha ts'atà whìhda họt'e, eyì zòè-le wets'ìhò ekò ełahwhì ha segha asanile họt'e,” gòhdì. ¹⁴ Weghò dats'eehnè ha-le t'à hawèts'edì, “Gots'ò K'òowo winì k'èè welè,” wèts'edì.

¹⁵ Eyì t'axòè nats'eedè ha sìnìts'ùde eyits'ò kòta Jerusalem ts'ò ts'eède. ¹⁶ Kòta Caesarea gots'ò Nòhtsì wecheekeè mòhdaa goxè agejà. Dọ jìlè Manason wiyeh wekò ats'ùt'e ha t'à, ekò ts'ò agogìlà. Eyì dọ Manason, Cyprus gots'ò dọ họt'e. Nòhtsì wecheekeè t'akwełòè kèhogìhde ekò ededì goxè at'ì jìlè.

Paul Jerusalem nìtla

¹⁷ Jerusalem nèts'ùde ekò Nòhtsì wecheekeè gogìazì t'à gìnà. ¹⁸ Ek'èdaedzeè k'e Paul eyits'ò goxì hazòè James wets'ats'ede, Nòhtsì cheekeè gha k'aodèè hazòè eyì geèhkwe. ¹⁹ Paul goazì xè gojts'ì t'axòè dànì dọ hoghàehtò t'à Nòhtsì dọ eyù-le xàzaa nì eghàlajìdàa sù hazòè gots'ò hadì.

20 Eyı godı giıkw'o ekò Nòhtsı ghàsogeedi. Paul ts'ò hagedı, “Israel got'ıı ıq gıgha ehkw'ı-ahodıı agejà eyıts'q hazqò Moses wenàowoò gha hòtl'ò agıwqò, wek'èıızq hq't'e. 21 Hanikò dıı hanı neghq godı giıkw'o. Israel got'ıı dq eyıı-le ta nàgedè sıı Moses wenàowoò wedè hoghàgıhtqò, nègedı. Moses wenàowoò k'èè naxııaa gıkwò nàt'à-le kò eyıts'q gonàowoò k'èahdı-le kò nııdı ghq egıkw'o. 22 Eyı ghq ayıı dàts'ıılà lı? ıq nàwhııtla ghq giıkw'o ha hq't'e. 23 Eyıt'à ayıı dånèts'edıı sıı hanele. ıq dq dı goxè geèhk'ee sıı Nòhtsı ts'ò yatı nàtsoo edegha gèhtsı. 24 Eyı dq dı edexè agııle. Nòhtsı yatıı k'èè sııdegele gha, gıxè aqde. Gıt'à sııdegele gha sqòmba t'à gıts'àadı, hanı-ıdè edekwıghà hazqò xaget'à ha. Hanelà nıdè dq hazqò neghq godı giıkw'oo sıı ehkw'ı-ahodı-le nqò gıwq ha, eyıts'q Moses wenàowoò k'èè ıda nqò negıwhq ha. 25 Dq eyıı-le xàıaa gıgha ehkw'ı-ahodıı sıı gıts'q dıı hanı ts'ııt'è ıle. Bò nòhtsı hòèıı ghàıaadıı sıı aahdè-le, edoò aahdq-le, tıts'aadıı gık'à dahdli t'à eıqòwıı sıı gıkwò aahdè-le. Naxızhıı t'à hoıı k'èè eıek'alaahdè-le. Eyı haàtlq haahle ha-le gıts'edıı gıts'q ts'ııt'è ıle,” gııhdı.

26 Ek'èdaedzèè k'e Paul eyı dq dı edexè agqòlà, goxè Moses wenàowoò k'èè sııdeqı. Eyı tı'axqò Paul Nòhtsıkò-gocho nàhtla. Dàtlq dzeè ts'ò sııdegeqı ha eyıts'q dq dı sııdegeqıı sıı hazqò gıtaàt'eè gıgha Nòhtsı ts'q t'asıı k'èek'ò ha sıı yahtıı ts'q hadı.

Paul gııhchi

27 Lòhdı dzeè ts'q sııdegeqı ghq k'àhdzq nagıt'e ekò Asia nèk'e gots'q Israel got'ıı mòhdaa Nòhtsıkò-gocho gà Paul gıaıı. Dq xè nıdahogııhdè t'à

Paul dagiachì. ²⁸ Gezeh xè hagedù, “Israel got'ù gots'aahti! Dii dọ sù hazọ̀ nèk'e gòet'ì k'èch'a, gonàowoò k'èch'a, eyits'ọ Nòhtsìkò-gocho k'èch'a dọ hoghàehtọ. Eyì zọ̀-le, Greece got'ù Nòhtsìkò-gocho gà nègò'ìwa. Eyì wets'àet'ọ họt'e t'à jọ degai k'è gòzọ̀ sù tsìgojhwho họt'e,” gediì gezeh. ²⁹ (Dọ ịlè Ephesus got'ù Trophimus wìyeh, Paul xè giazì ịlè t'à eyì dọ Paul xè Nòhtsìkò-gocho gà nùtłaa gụwọ t'à agedì.)

³⁰ Kọta dọ hazọ̀ nìdahogùhdè t'à dọ nàhìzah. Paul dagiachì, Nòhtsìkò-gocho gà gots'ọ xàgèlì, eyits'ọ Nòhtsìkò-gocho wemọ̀ goyagoòzàa-k'è gòlaa sù hazọ̀ enìgùwa. ³¹ Paul ẹlàngùhwhì ha nèhogùzọ̀ ekò Rome gots'ọ eghọ̀-dọ̀-gha-k'àowo yeghọ ịkw'o. Kògodeè Jerusalem dọ hazọ̀ xè nàdahoowo t'à eghọ̀-dọ̀-gha-k'àowo yeghọ ịkw'o. ³² Ekòet'ù eghọ̀-dọ̀-gha-k'àowo edecheekeè xè dọ nì ts'ọ ịmọgeède. Dọ nàdahogehdè sù eghọ̀-dọ̀-gha-k'àowo eyits'ọ wecheekeè giazì ekò Paul degùtso.

³³ Eghọ̀-dọ̀-gha-k'àowo weyatù k'e Paul nìgùchì eyits'ọ satsòt'ù nàke t'à dageèzhà. Eyì t'axọ̀ dọ dagoehke, “Dii dọ amì họt'e eyits'ọ ayì t'à ekọ-le hòèhtsì?” gòhdì. ³⁴ Dọ mọhdaa t'asì ịlè ghọ yagìzeh eyits'ọ k'achì mọhdaa t'asì eyì-le ghọ yagìzeh t'à k'àowo, ayì ghọ agedì sù yegòhza ha whajà. Eyit'à weyatù k'e Paul eghọ̀-dọ̀-ko ts'ọ agùlà. ³⁵ Paul dekegòzàa k'e nùtłà ekò dọ hazọ̀ sù nàdahogehdè t'à eghọ̀-dọ̀ Paul dọ ch'à nìgùchì gà nagiahte. ³⁶ Dọ hazọ̀ gok'èè giadè sù “Wewèè aahle!” gediì yagìzeh.

Paul dọdè ts'ọ gode

³⁷ Paul, eghoq-dòq-kò goyageechi ha nìkw'o ekò eghoq-dòq-gha-k'àowo daehke, "T'asì nets'ò haehsì ha dehwhò," yèhdi.

Eyit'à k'àowo, Paul ts'ò hadi, "Dànit'à Greece got'ù giyatù k'èè goide?" yèhdi. ³⁸ "Ìdì whaà-le ekò Egypt got'ù ìlè goxè elegego ha dò dì-lemì edexè ekù-ka nèk'e ts'ò goòwa ìlè, eyi anet'e-le nì?" yèhdi.

³⁹ Paul yets'ò hadi, "Ìlè, sì Israel got'ù aht'e; Cìlicia nèk'e, kògodeè wet'àazàa Tarsus gots'ò dò aht'e. Dò gits'ò goihde, asùle," yèhdi.

⁴⁰ K'àowo hezè yèhdi t'à Paul dekegoòzàa k'e nàwo gà dò ts'èwhù agüt'e ha edilà t'à gogha nàzeetsì. Dò hazòq ts'èwhù agejà t'axòq Aramaic giyatù k'èè gots'ò gode, hadi,

22

¹ "Sèot'ù eyits'ò gozòhdaà yàahù sù, edegha gohde ha t'à seàhkw'ò," gòhdi. ² Aramaic giyatù k'èè godee giukw'o ts'òet'ù ts'èwhù agüt'eè agejà. Eyit'à Paul gots'ò goide, hadi, ³ "Sì Israel got'ù aht'e, Cìlicia nèk'e, kòta Tarsus segòhù, hanìkò jò Jerusalem deehzhò hót'e. Dò-hoghàehtòq-deè, Gamaliel wiyeh, gocho ginàowoò hazòq hoghàseèhtò hót'e. Eyits'ò dùi dani gocho ginàowoò k'èè Nòhtsì ghò hòt'ò dahwhòq sù sì sì haht'e ìlè. ⁴ Dò Zezi wenàowoò k'èè agüwòq sù dagìhza eyits'ò mòhdaa èlàgìhdè ìlè. Dòzhì eyits'ò ts'èko dò-danìlaa-kò ts'ò agèhlà ìlè. ⁵ Yahtù-wet'àazàa-deè eyits'ò k'aodèe gùlù sù eyi gik'èezò t'à seghò gogede ha dùi-le. Kòta Damaskus k'aodèe gùlù ts'ò segha güt'è ìlè. Damaskus ekò Zezi wenàowoò k'èè agüwòq sù dageechi gà Jerusalem gixè hoila ha ekò ts'ò agehè ha dehwhò ìlè.

6 “Hanikò dzẹtani ekìiyèè k'e eyi kòta ts'ò nɔwà-le naehtle ekò hqtsaa yak'e gots'ò semqò hazqò dzèh agòjà. 7 Dèè k'e ts'ò nàehkw'o eyits'ò sets'ò gots'edeè hq't'e, ‘Saul, Saul, dànighq dasenèehza?’ sèts'edi hq't'e.

8 “‘Sets'ò K'àowo amì anet'e?’ dehsì.

“‘Nazareth got'ù Zezi aht'e. Sì sù dasenèehza hq't'e,’ sèhdi. 9 Dq sexè aget'ù sù goxè dzèh agòjà giazì hanikò sets'ò gots'edee sù gɔniedì-le.

10 “‘Sets'ò K'àowo, ayì dàhle ha neewq?’ dehsì.

“‘Nùtla, kòta Damaskus nàatla. Ekq ayì dàle ha sù nets'ò hagedì ha,’ sèhdi. 11 Sì sexè dzèh agòjà t'à sedaà goile ajà. Dq sexè aget'ù sù k'esegèehzì t'à kòta Damaskus ts'ò asegiilà.

12 “Dq ìhè Ananias wiyeh sets'àèhtla. Eyi dq Moses wenàowoò k'èit'e eyits'ò Israel got'ù hazqò eyi nàgedèè sù dq nezì ne, gùhwhq. 13 Eyi dq segà nàwo xè hadì, ‘Sèot'ì Saul, k'achì k'enaìt'ì,’ sèhdi. Ekòet'ù segha xègoèht'ì anajà.

14 “Sets'ò hadì, ‘Gocho Gɔnòhtsì dànıwq sù wek'èizq ha nùhchì hq't'e. Ehw'ì Edaa Èlù sù wenezì ha eyits'ò weyatù sù ìkw'o ha, nùhchì hq't'e. 15 Ayì neezù eyits'ò ayì ìkw'oo sù wet'à dq hazqò ts'ò goide ha. 16 Hot'eè ayì k'enaazì, nùtla! Gots'ò K'àowo wızi t'à nek'ètaidzì ha eyits'ò nehohù neghq nahoezhe ha,’ sèhdi.

17 “Jerusalem ts'ò anahjà t'axqò ekq Nòhtsìkò-gocho gà yahtì ekò, k'achì senazhı xègoèht'ì. 18 Gots'ò K'àowo weehzì sets'ò gode, hadì, ‘Jerusalem got'ù segodù t'à gıts'ò goidee sù gıgha ehkw'ı-ahodì-le t'à, ìwhàà Jerusalem gots'ò nàhtle,’ sèhdi.

19 “Wets'ò haehsi, ‘Sets'ò K'àowo, Jerusalem got'ù ayi dàhlaa si gik'èezò họt'e. Gits'ò elèghdèe-kò gòlaa si gita nàwhihtla gà dọ gigha ehkw'i-ahodu si dọ-daniɫaa-kò ts'ò agèhla ìlè. ²⁰ Eyits'ò kwe t'à Stephen ɛlaàgũhwho ekò sìghà aget'ì dehwhọ t'à dọ gigha gɪzèè k'èhdi ìlè.’

21 “Hanikò gots'ò K'àowo sets'ò hadi, ‘Nùtla, niwaa nèk'e dọ eyi-le xàzaa gits'ò anehle ha, sèhdi,” Paul hadi dọ hazọ̀ ts'ò goɪde.

Paul Roman got'ù gha wutà

22 Dọ hazọ̀ hagogowa gots'ò Paul gũhkw'ò, hanikò eyi-le dọ xàzaa gits'ò ahde ha, gòhdi ts'òet'ù dọ yagìzeh xè hagedi, “Eyi dọ wewèè aahle! ɛlaàwèahwhi!” gedì yagìzeh.

23 Si gik'èch'a t'à yagìzeh xè edezèè yɪzòò geèwa gà eht'è idòo yagits'ò. ²⁴ Hagòjà ts'ihzò eghọ̀- dọ̀-gha-k'àowo weyatì k'e Paul eghọ̀- dọ̀- kò goy- ageèhchì. Dànighọ̀ dọ Paul ts'ò yagìzeh si yegòhza ha niwọ̀ t'à, nàgeehkwa gà dageehke ha gòhdi. ²⁵ Hanikò Paul nàgeehkwa ha dageèzhà ekò k'àowo- k'è-whedaa yegà nàwoo si ts'ò hadi, “Roman got'ù gha wutà si weghonàyaetì-le-t'ù nàwũhkwa, eyi asì ehkw'i ne?” yèhdi.

26 K'àowo-k'è-whedaa eyi ghọ̀ ìkw'o ekò, eghọ̀- dọ̀-gha-k'àowo ts'ò èhtla, Paul dàdu si yets'ò hadi, “Dii dọ Roman got'ù gha wutà ne t'à, dàwũle ha?” yèhdi.

27 Eghọ̀- dọ̀-gha-k'àowo Paul ts'ò èhtla, day- eehke, “Sets'ò hadi, Roman got'ù anet'e ni?” yèhdi.

“Hẹ̀zẹ̀, Roman got'ù gha sutà ne,” Paul yèhdi.

28 Eghọ̀- dọ̀-gha-k'àowo hadi, “Sọ̀mba lọ̀ k'èxa Roman got'ù whihl họt'e,” hadi.

Paul yets'ò hadi, “Ekò sɪ segòhɪ gots'ò Roman got'ɪ aht'e,” yèhdi.

²⁹ Dɔ Paul dageehke ha ɪlè sɪ hɔtsaa gɪts'ò ò naèhde. Eghoɔ-dòò-gha-k'àowo, dɔ Roman got'ɪ gha wɪt̩à sɪ satsòt'ɪ t'à daet'ɪ ayɪl̩à yeniedì t'à, dèhyeh lajà.

Paul wesɪnyaeti gha k'aodèe nadaq̩à nàwo

³⁰ Ek'èdaedzè k'e eghoɔ-dòò-gha-k'àowo dànìgho Israel got'ɪ Paul k'e nɪdahogeez̩à sɪ yek'èezɔ ha nɪwɔ t'à dɔ-danɪl̩aa-kò gots'ò x̩ayeèhchì. Yahtu-gha-k'aodèe eyits'ò Israel gha k'aodèe gɪɪ sɪ hazòò l̩à geèhkw'eè agòòl̩à. Eyɪ t'axòò Paul gonadaq̩à tanɪ nàwoò ayɪl̩à.

23

¹ Paul, k'aodèe ehkw'ɪ goghàeda xè hagòhdi, “Sèot'ɪ, dɪ dzeɛ ts'ò Nòhtsɪ dànɪwɔ sɪ k'èè sedzeè t'à ehkw'ɪ eghàl̩àhdà, wek'èehsɔ hɔt'e,” gòhdi.

² Paul hadi t'à yahtu-wet'àaz̩à-deè Ananias, dɔ Paul gà nàgeèhzaa sɪ ts'ò hadi “Wewà nàahkà!” gòhdi.

³ Eyɪ t'à Paul yets'ò hadi, “Nòhtsɪ nàneehkwa ha. Kògot'aà degoo aat'èa lanet'e! Ehkw'ɪ ɪda laat'ɪ kò wek'èè ɪda nɪle! Gonàowoò k'èè sesɪnyaeti ha ɪlè hanìkò dɔ nàsegɪkà gɪɪ t'à gonàowoò k'èch'a eghàl̩àhdà hɔt'e,” yèhdi.

⁴ Dɔ Paul gà nàgeèhzaa sɪ Paul ts'ò hagedi, “Nòhtsɪ wets'ò yahtu-wet'àaz̩à-deè hanì wets'ò goɪde ha dɪɪ-le nì?” gɪhdi.

⁵ Eyɪ t'à Paul gots'ò hadi, “Sèot'ɪ, yahtu-wet'àaz̩à-deè elɪ wek'èehsɔ-le nòò. Yahtu-wet'àaz̩à-deè elɪ wek'èehsɔ nɪdè haehsɪ ha-le ɪlè,

'Naxiḡha k'àowo elɪ sɪ yatɪɪ t'à weḡhɔ goahde-le,' hanì dek'eèht'è hɔt'e," Paul gòhdi.

⁶ Paul, dɔ mòhdaa eyɪ geèhkw'ee sɪ Sadducee agɪt'e, eyɪts'ɔ mòhdaa Pharisee agɪt'e gok'èezɔ. Eyɪt'à k'aodèe gots'ò hadɪ, "Sèot'ɪ, sɪ sɪ Pharisee aht'e, eyɪts'ɔ setà ededɪ sɪ Pharisee elɪ ɲè. Dɔ naìdà ha sɪ segha ehkw'ɪ-ahodɪ t'à jɔ seḡhɔnàyaeti hɔt'e," gòhdi. ⁷ Paul hadɪ ts'òet'ɪ Pharisee eyɪts'ɔ Sadducee ḡɪɪ sɪ elets'ò nàyagehtɪ t'à dɔ hazòò elèḡɪdee sɪ ekek'èch'a agɪwɔò agejà. ⁸ (Sadducee ḡɪɪ sɪ dɔ naìdà nɪle gedɪ, yak'eet'ɪ eyɪts'ɔ dɔ dāzɪhɪ gòhɪ nɪle gedɪ, ekò Pharisee t'aa eyɪ hanɪ hazòò ḡɪgha ehkw'ɪ-ahodɪ hɔt'e.)

⁹ Eyɪt'à dɔ hazòò nìdahogɪhdè. Pharisee mòhdaa Nòhtsɪ nàowoò hoghàgogeehtɔ ḡɪɪ sɪ nɪḡɪde gà sɪ nàyaḡɪhtɪ, hagedɪ, "Dɪ dɔ ekɔ-le eghàlajdà ts'edɪ ha dɪ. Edahxɔ ɲì hanì-le-ɪdè yak'eet'ɪ yets'ò ḡɪde t'à adɪ sɔnɪ," gedɪ. ¹⁰ Sɪ elets'ò nàyagehtɪ t'à eletawhɪgedè ha weli lanì, eyɪt'à eḡhɔɔ-dòò-gha-k'àowo Paul t'asagele ha sɔnɪ nɪwɔ t'à eḡhɔɔ-dòò ekɔ ts'ò goèhà. Paul dɔ ch'à eḡhɔɔ-dòò-kò ts'ò geèhchì.

¹¹ Ek'èdaetoò Zezi Paul gà nàowo, yets'ò hadɪ, "Nedzeè nàtsoò anele! Jerusalem dànì seḡhɔ ḡɪde ɲèe sɪ kògodeè Rome ekɔ k'achɪ hanì seḡhɔ ḡɪde ha hɔt'e," yèhdi.

Israel got'ɪ Paul ełàəghwhɪ ha ḡɪwɔ

¹² K'omòòdòò agòjà ekò Israel got'ɪ ḡha k'aodèe nàdegeezɪ t'à Paul ḡhɔ ełəḡadɪ. Paul ełàəghwhɪ gots'ò t'asɪ ḡɪwàhodɪ ha-le eyɪts'ɔ tɪ sɪ gedɔ ha-le ḡha yatɪ nàtsoo edegha ḡèhtsɪ. ¹³ Dɔ dɪenɔ daats'ò hanì ełəxè yatɪ ḡèhtsɪ. ¹⁴ Yahtɪ-gha-k'aodèe

eyits'ò qhdah gùlù sù ts'ò geède, hagedi, “Paul ełààts'ehwhi gots'ò t'asù wùzù gowàhodi ha-le ts'edi t'à yati nàtsoo edegha ts'èhtsı. ¹⁵ Eyit'à naxı eyits'ò k'aodèe gùlù sù eghòq-dòq-gha-k'àowo Paul naxıts'ò nèyihtè wèahdı. Ekıı-hò wegodi deghàà wek'èts'eezò ha ts'ùwò wèahdı. Paul jò nùtla kwe-t'ı ełààwets'ehwhi ha sùts'eèhk'w'e,” gògedı.

¹⁶ Hanikò Paul wedè weza yeghò ùkw'o t'à eghòq-dòq-kò ts'ò èhtla t'à Paul ts'ò hadı.

¹⁷ Paul, eghòq-dòq-gha-k'àowo k'èè whedaa kayıhtı gà yets'ò hadı, “Dıı cheko eghòq-dòq-gha-k'àowo ts'ò wıchı t'asù yets'ò hadı ha,” yèhđı.

¹⁸ Eyit'à eghòq-dòq-gha-k'àowo ts'ò yeèhchı, yets'ò hadı, “Paul dọ-danılaa-kò whedaa sù sekàehzà. Dıı cheko t'asù nets'ò hadı ha t'à, nets'ò awets'ıle sèhđı,” yèhđı.

¹⁹ K'àowo cheko whatsò nèyıhtı gà dayeehke, “Ayı sets'ò hıdı ha neewò?” yèhđı.

²⁰ Cheko hadı, “Israel got'ı ełexè yati gèhtsı, satsò nıdè Paul, k'aodèe ełegeèhđı ts'ò wıchı nègedı ha. Hogets'ı t'à weghò godı deghàà ts'ıkw'o ha ts'ùwò, nègedı ha. ²¹ Gık'èhoızà-le, dọ dıènò daats'ò Paul ełààgıhwhi ha nàdegeeı geèhk'w'e. Ełààgıhwhi gots'ò t'asù wùzù gıwàhodi ha-le eyits'ò tı sı gedò ha-le gha yati nàtsoo edegha gèhtsı. Dıı-t'ı sınıgıde hót'e, hẹzẹ gıdı zò k'enageèhı,” cheko yèhđı.

²² K'àowo cheko ts'ò hadı, “Eyı weghò sets'ò hıdı sù dọ wùzù ts'ò hıdı-le,” hayèhđı t'axò nayeèhà.

Paul kòta Caesarea ts'ò agıla

²³ Eyı t'axò eghòq-dòq-gha-k'àowo, eghòq-dòq-k'àowo nàke yek'èè geèhk'w'ee sù gokàehzà,

hagòhdi, “Eghòq-dòq nàkeakw'eènq, wede eghòq-dòq lèhdìenq t̄icho t'à-aget'ù, eyits'ò eghòq-dòq nàkeakw'eènq behkà k'egelee xè Caesarea ts'ò geeda ha t'à xèhts'ò godasinìgedè agiahle. ²⁴ Paul t'asade ha ts'ùwq-le. K'àowo Felix ts'ò wets'eechi ha t'à, wegħa t̄icho gòahzà,” gòhdi.

²⁵ Eghòq-dòq-gha-k'àowo du hanì k'àowo Felix ts'ò enùt'è:

²⁶ “Claudius-Lysiyas gots'ò, k'àowo Felix wets'ò aat'è.

“Nexè sìghà welè.

²⁷ “Israel got'ù du dò dagiachì họt'e. Ełàgìhwhì ha ìlè hanìkò sets'ò eghòq-dòq xè dò ch'à xàwets'ùhtì. Roman got'ù għa wutà ne wek'èhoèhzà t'à ats'ùlà. ²⁸ Israel got'ù dànìghq gik'e nìdahogeezàa sì wek'èehsq ha dehwhq t'à Israel got'ù għa k'aodèe gits'ò nàyaetì-kò ts'ò awèhlà ìlè. ²⁹ Israel got'ù edenàowoò ghq agedì nqò wek'èhoèhzà. Hanìkò yek'èxa ełàawì ha eyits'ò ayìha dq-danìlāa-kò ts'ò awedle ha sì ghq t'asagedì-le. ³⁰ Israel got'ù ełàagehwhì ha ghq eèhk'w'o ekò ekòet'ì nets'ò awèhlà. Dq ayì għa yek'e nìdahogìhzoq sì nenadaq gìghq gogede ha họt'e, gèehsì,” eghòq-dòq-gha-k'àowo hadì ìt'è.

³¹ Hanì eghòq-dòq-gha-k'àowo weyatì k'èè eghòq-dòq eghalagùdà. To-t'ì Paul edexè agìlā gā kōta Antipatris gots'ò nègùde. ³² Ek'èdaedzeq k'e eghòq-dòq t̄icho t'à-aget'ù sì Paul edexè ìdāa geèhchì. Eghòq-dòq goxè nagìadè ìlè sì hazqò ek'èt'à Jerusalem ts'ò nageèhde. ³³ Eghòq-dòq t̄icho t'à-aget'ù sì kōta Caesarea nègùde

ekò enɬtɬ'è k'àowo Felix ghàgɔzah eyits'ò Paul gɪtɬ'aɪhtɪ. ³⁴ K'àowo Felix enɬtɬ'è k'eyaihtɪ tɬ'axòè Paul daehke, “Edɔ̀ gots'ò anet'e?” yèhdi. “Cilicia nèk'e gots'ò aht'e,” Paul yèhdi. ³⁵ Felix yets'ò hadi, “Dò nek'e nìdahogɔ̀zò sɪ jò nègɔ̀de nɪdè negodiì eèhk'w'ò ha,” yèhdi. K'àowo Felix weyatù k'e Paul, Herod wekò gocho wek'èhodi ayìlà.

24

Paul k'àowo Felix wenadaqè edek'edaedi

¹ Sɪlài dzeqè tɬ'axòè yahtɪ-wet'àazàa-deè Ananias kòta Caesarea ts'ò èhtɬa. Qhdah mòhdaa eyits'ò dɔ̀-k'edaedi-dòè Tertullus wiyeh xè agejà. Paul k'e nìdahogeezà gha k'àowo Felix ts'ò geède. ² Paul xàyagɔ̀htɪ tɬ'axòè ayìha weghò nàyaetɪ sɪ dɔ̀-k'edaedi-dòè Tertullus Paul ghò k'àowo Felix ts'ò goɔ̀de, hadi, “Nɪ gogha k'àowo nelɪ t'à whaà gots'ò goxè ts'èwhɪ hòzò hɔ̀t'e, eyits'ò idaà gogha nàɪnewo t'à gonèk'e nezɪ hòzòè anelà. ³ K'àowo Felix sɪ masì nets'ɪhwhò t'à t'aats'òè neghò hats'edi. ⁴ Hanikò goghò diì anede kwe whaà-lea gots'ò goɪkw'o ha nets'eekè.

⁵ “Dɪ dɔ̀ sɪ hoɪla-hohtsɪ-dòè hɔ̀t'e wek'èhots'eèhzà. Wets'ihzò dɪ nèk'e hazòè ts'ò Israel got'ɪ gixè nàdahoowo. Ededɪ sɪ dɔ̀ xàzaa Nazarene giyeh gha k'àowo elɪ hɔ̀t'e. ⁶⁻⁷ Eyits'ò Nòhtsɪkò-gocho eyɪ kò tsɪgohwhɪ ha hoèhdzà, eyit'à dawets'aachì ɪlè. ⁸ Nɪ xàè dawɪhke nɪdè t'asì hazòè wek'e nìdahots'ɪzò sɪ hazòè ehkw'ɪ zò ats'edi wek'èhoɪzò ha,” Tertullus, k'àowo Felix ts'ò hadi.

9 Israel got'ù gha k'aodèe ededı sı Paul k'e nıdahogııııı, eyıts'ö Tertullus yeghı dadı sı ehkw'ı adı, gedı.

10 K'àowo Felix, Paul edegha gode ha yets'ö dadıııso. Paul hadı, “Whaà gots'ö Israel nek'e gogha dı-sınıyaehtıı-döđ nelı wek'èehsö, eyıt'á edegha gohde ha sına. 11 Nàke dzęahta ekıyeè k'e Jerusalem Nöhtsı ts'ö yahtı ha ekö nàwhıhtıa ıle, eyı ehkw'ı aehsı wegöđhza ha dıı-le. 12 Dö sek'e nıdahogııııı sı Nöhtsıkö-gocho gá dı xè nàyaehtı segıaıı whıle. Elègehdeè-kö eyıts'ö Jerusalem dı xè nàdahoowoò ahıa segıaıı whıle. 13 Ayıı sek'e nıdahogııııı sı wek'èè eghàlahda-le t'á negha ehkw'ı agedıı anegele ha dıı hıt'e. 14 Hanıkò naxıts'ö dıı haehsı ha: gocho Gınöhtsı-ghàsqehdı-döđ aht'e, eyıts'ö Zezi wenàowoò k'èè edaa döđ aht'e, eyı nàowo sı ekö-le hıt'e gedı. Moses wenàowoò k'èè t'ası hazöđ dı hoghàgogeehtöđ sıı segha ehkw'ı ne, eyıts'ö t'ası hazöđ nakwenàowöđ dek'enègıııı'èè sıı eyı sı segha ehkw'ı-ahodı hıt'e. 15 Nöhtsı dı naidà ayele ghö gogedee sıı gıxèht'èè segha ehkw'ı-ahodı hıt'e. Ehkw'ı-geedaa-döđ eyıts'ö hohıı-k'èè-geedaa-döđ, ılah nagıdà ha hıt'e. 16 Goxè hanı hòıı ha t'á Nöhtsı wenadađ eyıts'ö dı gınadađ sını ehkw'ı t'á eghàlaehda ha dehwhö.

17 “Łö xo t'axöđ Jerusalem ts'ö anahjä. Sèot'ı Zezi wenàowoò k'èè geedaa sıı sqömba gııı'aehtı ha ekö anahjä. Eyı sqömba sıı dı-teèt'ıı gııı nàdèe sıı gıgha hıt'e, eyıts'ö Nöhtsı wets'ö t'ası k'eehk'ö ha jö nöđwhıhtıa hıt'e. 18 Gonàowoò k'èè sııdehıı ghö naht'e ekò Israel got'ù Nöhtsıkö-gocho gá segıaıı ıle. Dö łö sexè aget'ı-le ıle eyıts'ö dı gıxè nàdahoowo

hòwhihtsɪ-le ɪlè. ¹⁹ Hanikò Asia nèk'e gots'q Israel got'ɲì mòhdaa eyɪ geèkw'e ɪlè sɪ, ededɪ èhɪ jò nenadaà nàgèhza ha ɪlè. Ekq-le eghàlɪhdàa sègedɪ nɪdè ededɪ nets'ò hagedɪ ha ɪlè. ²⁰ Hanì-le-ɪdè jò dɔ nàgèhzaa sɪ Israel got'ɲì gha k'aodèe gɪnadaà seghò nàyaetɪ ekò, ayɪ t'à hoìla hòwhihtsɪ sègedɪ sɪ dɪ gɪghò gogede ha ɪlè. ²¹ Gɪnadaà nàhwho ekò t'asɪ ɪlè zɔ t'à sek'e nidahogɪzɔ, dɪ haehsɪ ɪlè: 'Dɔ eɪɪdèe sɪ nàidà ha eyɪ segha ehkw'ɪ-ahodɪ t'à dɪ dzèè k'e jò nenadaà nàhwho hɔt'e.' ” Paul hadɪ Felix ts'q goɪde.

²² Eyɪ t'axqò k'àowo Felix, Zezi wenàowoò yek'èezɔ t'à dɪ-gogha nàyaetɪ ghonahòt'e ayɪlà. Paul ts'q hadɪ, “Eghq-dqò-gha-k'àowo Lysiyas jò nɪtɪlɪ nɪdè dànɪ nesɪniyahtɪ ha sɪ nets'ò haehsɪ ha,” yèhdɪ. ²³ K'àowo Felix, eghq-dqò-gha-k'àowo k'èè whedaa ts'q hadɪ, “Paul wèhoedi ha hanikò yaazea edets'ò k'àowo awɪle, eyɪts'q weàgɪ gk'èdɪ ha t'asanile,” yèhdɪ.

²⁴ Edlaàtɔ dzèè k'ehqɔwo t'axqò k'àowo Felix edets'èkèè Drusilla xè eyɪ nòqtɪ. Wets'èkèè Israel got'ɲì hɔt'e. K'àowo Felix, Paul kàwhehza, dànɪ Zezi wenàowoò gogha ehkw'ɪ-ahodɪ sɪ t'à Paul yexè goado. ²⁵ Dànɪ Nòhtsɪ gha ehkw'ɪ ts'eedaa, hoɲ ch'à edek'èts'edɪ eyɪts'q gosɪniyaetɪ dzèè ghò yexè godo ekò k'àowo Felix dèhyeh t'à hadɪ, “Dɪ gogha hòt'a welè! Nàtɪlɪ kò. Segha hòzɔ nɪdè k'achɪ nekàehza ha,” yèhdɪ. ²⁶ Hanikò Felix edahxq Paul xàetɪlɪ ayele k'èxa yets'àzèehdɪ ha nɪwɔ ɪlè. Eyɪt'à ɪq eht'àà yekàehza eyɪts'q yets'q gode.

²⁷ Nàke xo k'ehqɔwo t'axqò k'àowo ladjɪ, Porcius-Festus wiyeh, yet'axqò ajà. K'àowo Felix, Israel

got'ìì gɪnà agùhɛ nɪwɔ t'à Paul dɔ-danìlaa-kò àidaà ayìlâ.

25

Paul k'àowo Festus wenadqà edek'edaedi

¹ K'àowo Festus tai dzeɛ t'à eyi nèk'e nìtla t'axòò kòta Caesarea gots'ò kòta Jerusalem ts'ò ajà. ² Ekò t'aa yahtɪ-gha-k'aodèe eyits'ò Israel got'ìì gha k'aodèe gɪlɪ sɪ gɪxè eɛgɪadì. Ayìha Paul k'e nìdahogìzɔq ghò k'àowo Festus ts'ò hagedì. ³ Israel got'ìì, k'àowo Festus gogha t'asɪ hayele ha gɪwɔ t'à dageehke. Paul Jerusalem ts'ò geechi ha gɪwɔ. Tɪlɪ k'e nagɪadè nɪdè ekò ts'atà nàdegeeɪ gà ɛlâgɪhwhɪ ha gɪwɔ. ⁴ Hanìkò k'àowo Festus gots'ò hadì, “Paul, kòta Caesarea ekò wedaàtò hɔt'e. Whaà-le-ɪdè sɪ ekò nàhtla ha. ⁵ Naxɪts'ò k'aodèe mòhdaa sexè agude, dɪ dɔ Paul ekò-le hòèhtsɪ nɪdè ekò nàyaetɪ-kò gɪk'e nìdahoezà ha dɪ-le,” gòhdi.

⁶ K'àowo Festus ek'èdɪ hanì-le-ɪdè hòonɔ dzeɛ ts'ò Jerusalem goxè ɪdà, eyi t'axòò kòta Caesarea ts'ò anajà. Ek'èdaedzɛ k'e k'àowo Festus nàyaetɪ xèhòhwho. Weyatɪ k'e Paul yenadqà nàwoò agɪlâ. ⁷ Paul eyi nègèèchì ekò Israel got'ìì gha k'aodèe Jerusalem gots'ò eyi nègɪdee sɪ Paul wemòò nàgèhza. Ekò-le hodeè lɔ eghàlɪdà gedì t'à gɪk'e nìdahòzɔq, hanìkò asɪ ehkw'ɪ agedɪ sɪ wek'èhoedzɔq agele ha dɪ.

⁸ Eyt'à Paul edegha gode, hadì, “Israel got'ìì gɪnàowoò k'èch'a eghàlɪhdà nɪle, eyits'ò Nòhtsɪkò-gocho eyits'ò dèe-ts'ò-k'àowo Caesar k'èch'a hòwhɪhtsɪ nɪle,” gòhdi.

9 K'àowo Festus Israel got'ù gha k'aodèe gini k'èè k'ehoza ha nıwq t'à Paul ts'ò hadı, “Ayı nek'e nıdahogııııı sı asıı Jerusalem ekq nesınıyaeti ha neewq?” yèhdi.

10 Paul yets'ò hadı, “Dèe-ts'ò-k'àowo Caesar gha dq-sınıyaetıı-dq dı wenadaà nàhwho hq't'e, ehkw'i ha nıdè jq sesınıyaeti ha ıle. Israel got'ù gıts'ò ekq-le eghalıhdà nıle, nı kò wek'èıııı hq't'e. 11 Ekq-le hòwhıtsı k'èxa eıaehwhı ha nıdè, ıle dehsı ha nıle. Hanıkò dıı Israel got'ù ayı gha sek'e nıdahogııııı sı ehkw'i agedı-le nıdè dq wııııı gotı'aàsehtè ha wegħa hòııı nıle. Dèe-ts'ò-k'àowo Caesar wenadaà sesınıyaeti ha dehwhq!” Paul k'àowo Festus ts'ò hadı.

12 K'àowo Festus edecheekeè ts'ò goıde tı'axqò hadı, “Dèe-ts'ò-k'àowo Caesar wenadaà sesınıyaeti ha nııı t'à, Caesar ts'ò anedle ha,” yèhdi.

Festus k'àowochó Agrıppa ts'ò gode

13 Nàke dzeè-le nıdè tıı dzeè k'ehqowó tı'axqò k'àowochó Agrıppa eyıts'q ts'èko Bernıce k'àowo Festus ts'àgede ha, kòta Caesarea nègııde. 14 Łatsaa eyı agııt'e ha t'à k'àowo Festus, Paul ghq k'àowochó xè goado, hayèhdi, “Dq ıle jq dq-danııııı-kò wheda. K'àowo Felix jq yèhda ıle. 15 Jerusalem ts'ò ahjà ekò yahtıı-gha-k'aodèe eyıts'q Israel got'ù gha k'aodèe sı dıı dq k'e nıdahogııııı. Eyıt'à Paul eıaàwı gha wesınıyahtı ha segııhwhq.

16 “Hanıkò hagèehsı, ‘Dq wegħq nàyaeti kwe-t'ıı dq tı'aàts'ehtè ha sıı Roman gııàowò gha wets'àet'q hq't'e, gèehsı, ‘Dq wek'e nıdahòt'q nıdè amıı ayıııı sı t'akweıııı gonadaà nàwo gà wegħq nàyaeti ha hq't'e, eyıts'q edegħa gode ha hq't'e.’

17 Eyit'à jò sexè nègùde ekò ekòet'ìì ek'èdaedzèè k'e nàyaeti ahlà, eyits'ò Paul gonadaà nàwo awèhlà.

18 Israel got'ìì gha k'aodèe gik'e nìdahòìzòò sù xàyagùhtì, hoilà hòèhtsù gùhdì ha dehwhò ìlè hanìkò hanì-le nòò. 19 Ayì gìgha ehkw'ì-ahodì ghò eyits'ò dò Zezi wiyeh ghò gik'èch'a gode. Eyì dò sù elàwo ìlè hanìkò ìlè eda ne Paul yùhwhò. 20 Eyì dò dànì wesinìyahtì ha wek'èehsò-le, eyit'à dawuhke, 'Nek'e nìdahogùzò t'à asìì Jerusalem ekò sexè nesinìyaeti ha neewò?' wèehsì. 21 Hanìkò Paul, dèe-ts'ò-k'àowo Caesar wenadaà sesinìyaeti ha dì t'à, ekò ade gots'ò jò dò-danìlèa-kò wheda hot'e. Caesar ts'ò awehle gots'ò eghòò-dòò gik'èdì ahlà," k'àowo Festus hadì k'àowocho Agrìppa ts'ò gojède.

22 Eyit'à k'àowocho Agrìppa, Festus ts'ò hadì, "Eyì dò weèkw'ò ha dehwhò," yèhdì. "Satsò-ìdè wòghkw'ò ha," Festus yèhdì.

Paul k'àowocho Agrìppa wenadaà edek'edaedi

23 Ek'èdaedzèè k'e k'àowocho Agrìppa eyits'ò Bernice nàyaeti-kò goyageède, t'asìì wet'àazàa deè lanì goyagùde. Eghòò-dòò gha k'aodèe eyits'ò kòta k'aodèe goxè aget'ì. K'àowo Festus weyatì k'e Paul goyageèhchì. 24 Festus hadì, "K'àowocho Agrìppa, eyits'ò dò hazòò jò dahkw'ee sù dù dò ghàahda. Israel got'ìì hazòò kòta Jerusalem eyits'ò jò kòta Caesarea gots'ò dù dò k'e nìdahogùzò, eda ha-le, gedì gezeh ìlè. 25 Hanìkò hoilà wùzì hòèhtsì nùlè, yek'èxa elàawì ha while. Dèe-ts'ò-k'àowo Caesar sesinìyaeti ha dì t'à, kòta Rome ts'ò awehle ha. 26 Hanìkò dèe-ts'ò-k'àowo Caesar ts'ò dànì wegghò eeht'è ha sù ìlè wek'èehsò-le. Eyit'à jò naxinadaà nàwo ahlà. K'àowocho Agrìppa nù t'aa nenadaà

nèwiihtı họt'e. Jọ weghọ elets'eèhdı t'à edahxọ weghọ t'ası eehł'è ade ha sọni. ²⁷ Dọ wedaètọọ sı ayı wek'e nıdahoòt'ọ dek'enèts'ıtl'è-le et'ı Caesar ts'ọ awets'ele ha dıı," gòhdi.

26

¹ Eyı t'axqọ k'àowocho Agrıppa, Paul ts'ọ hadı, "Edegha goıde ha neewọ-ıde goıde," yèhdi.

Eyıt'à Paul gots'ọ daitso gà edegha goıde, hadı: ² "K'àowocho Agrıppa, dı dzeè k'e sıghà nenadaà nàhwho họt'e. Israel got'ıı seghọ dàgedı sı wek'e edegha gohde ha dehwhọ. ³ Nı sı Israel got'ıı gınàowoò eyıts'ọ ayı t'à ełek'èhogeeà-le sı hazọọ wek'èızọ họt'e. Eyıt'à ts'èwhıı sıhkw'ọ ha neehwhọ.

⁴ "Israel got'ıı hazọọ dani İhdàa sı sek'ègeezọ họt'e. Nehchà-lea gots'ọ dani senèk'e deehzhọ eyıts'ọ dani Jerusalem nàıhdèe sı hazọọ gık'èezọ họt'e. ⁵ Whaà gots'ọ sek'ègeezọ họt'e. Hagıwọ-ıde, ayı segha ehkw'ı-ahodı eyıts'ọ dani Pharısee gınàowoò wèhoedi-le k'èè İhdàa sı nets'ọ hagedı ha dıı-le. ⁶ T'akwe whaà Nòhtsı gocho ts'ọ yatı whehtsıı sı weghọ hòtl'ò anıhwhọ t'à, dı dzeè k'e eyı wet'à seghọ nàyaeti họt'e. ⁷ Israel got'ıı hoònọ-daats'ọ-nàke xà?aa gıııı sı Nòhtsı edeyatıı k'èè hò?ọọ ayele ha sı gıgha ehkw'ı-ahodı t'à, dze eyıts'ọ to Nòhtsı gha hòtl'ò eghàlageeda. K'àowocho Agrıppa, sı sı Nòhtsı dani edeyatıı k'èè hò?ọọ ayele ha sı segha ehkw'ı-ahodı t'à Israel got'ıı sek'èch'a gogede. ⁸ Nòhtsı dọ naidà ayele ha sı daniğhọ naxıgha ehkw'ı-ahodı-le sọni?

⁹ "Sı sı t'akwełọọ Zezi wenàowoò k'èch'a eghàlaehda gha ehkw'ı aht'ı dehwhọ ıle. T'ası

hazòò t'à wek'èch'a k'ehohza ha dehwhò ìlè. ¹⁰ Eyit'à Jerusalem hotù hanì eghàlaihà. Yahtu-gha-k'aodèe gıdahxà Nòhtsı wets'ò dọ ıọ dọ-daniılaa-kò ts'ò agèhà ìlè. Eyits'ò ełààgede ha gısınıyaetı ekò sı sı k'aodèe gıxè hẹzẹ dehsı ìlè. ¹¹ Gıxè hoıla ha gọtłò ełèts'ehdèe-kò gòlaa gıta nàwhıhtla ìlè. Nòhtsı k'èch'a xàyagehtı agehle ha hoèhdzà ìlè. T'aats'ò gık'èch'a zọ eghàlaehda ha dehwhò ìlè. Eyits'ò gıxè hoıla ahle ha t'à, eyı-le nèk'e kòta yàgòlaa sı ts'ò gıxàeha ìlè.

¹² “İàà yahtu-gha-k'aodèe gıdahxà, enıht'è segha gıtl'è k'ehchı xè, kòta Damaskus ts'ò ahjà ìlè. ¹³ Dzẹtani ekıyèè tılı k'e naehtle là yak'e gots'ò semòò dzeh agòjà. Dzeh sadeè nahk'e nàtsoo sek'e hodàıdı eyits'ò dọ sexè aget'ı sı gık'e ajà. ¹⁴ Hazòò dèè k'e nàts'ıtl'ı eyits'ò Aramaic yatı k'èè sets'ò gots'edeè họt'e, ‘Saul, Saul, daniğhọ dasènèehza? Nekwı nàtso, geh goòts'o nàıtà ha dıı,’ sèt's'edı họt'e.

¹⁵ “Eyit'à dı haehsı, ‘K'àowo, amı anet'e?’

“ ‘Zezi aht'e, sı sı dasènèehza họt'e,’ sèhdı.

¹⁶ ‘Nıtlà. Segha eghàlaida ha nıhchı t'à, nenazhu sègoèht'ı anèhà, segha eghàlaida ha nıhchı t'à. Dànı nets'ò sègoèt'ı sı wet'à dọ xè gıdo ha eyits'ò ayı danièhsı sı weghàlaida ha. ¹⁷⁻¹⁸ Xàè nèot'ı gıch'à eyits'ò dọ eyı-le xàzaa sı gıch'à edaxànehtè ha. Eyı dọ gıgha xègaat'ı agıle ha eyits'ò togoòtl'òo geèkw'ee sı dzeh ts'ò agıle gha gıts'ò anehle ha. Amı wehı wet'a geèkw'ee sı Nòhtsı ts'ò agıle ha. Hanı-ıdè gıhı gıghọ nahoezhe ha eyits'ò dọ gıgha ehkw'ı-ahodı t'à degaı agıdlàa sı gota geèkw'eè aghle ha,’ sèhdı.

¹⁹ “Eyit'à k'àowocho, yak'e gots'ò senazhu

hagòjàa sùì wek'è̀aeh̀t'è̀ họt'e. ²⁰ Kòta Damaskus t'akwelòò ekọ̀ dọ̀ ts'ò goihde, eyi t'axòò kòta Jerusalem eyits'ọ̀ Judea nèk'e hazòò dọ̀ ts'ò goihde. Eyits'ọ̀ dọ̀ eyi-le xà̀aa sùì gıts'ò goihde. Edek'egıllı̀ xè Nòhtsı̀ ts'ò anaahde ha, gèehsı̀. Edek'egıllı̀ nı̀dè wek'è̀è eghàlageeda ha họt'e, gèehsı̀. ²¹ Eyı̀ hanı̀ eghàlahdà ts'ı̀hò Nòhtsı̀kò-gocho gà Israel got'ı̀ dasegıachı̀, ełà̀segèhwhı̀ ha hogeèhdzà. ²² Hanıkò dı̀ dzeè ts'ò Nòhtsı̀ sets'àı̀dı̀ họt'e, eyı̀t'à jọ̀ nàhwho gà dọ̀ hazòò wet'aàaa eyits'ọ̀ wet'aàaa-le ı̀lah gıts'ò gohde. Moses eyits'ọ̀ nakwenàòzọ̀ ayı̀ dą̀gode ha gedı̀ ı̀lè sùì k'èch'a gohde nı̀le. ²³ Nakwenàòzọ̀ hagedı̀, 'Christ daı̀aa ha, dọ̀ ełı̀dèe gots'ọ̀ ededı̀ t'akwelòò naı̀dà ha. Xàè wèot'ı̀ gıllı̀ eyits'ọ̀ dọ̀ eyi-le xà̀aa sùì gıxè dzeğ agòòlà, eyi ghọ̀ gots'ò gode ha, 'gedı̀ ı̀lè," Paul hadı̀ k'àowochó Agrıppa ts'ò goıde.

²⁴ Paul hadı̀ t'à k'àowo Festus, Paul ts'ò hòt'ò hadı̀, "Paul gonezọ̀-le adı̀de! Sùì hòt'ò hoghàneètọ̀ t'à k'edaà gonezọ̀-le adı̀de," yèhdı̀.

²⁵ Paul yets'ò hadı̀, "K'àowo Festus, gohsọ̀-le nı̀le. Ayı̀ dàehsı̀ sùì hòt'a ehkw'ı̀ ne eyits'ọ̀ wenits'eedı̀ ha dı̀-le. ²⁶ K'àowochó Agrıppa, ededı̀ eyi hazòò yek'èezọ̀ họt'e, wets'ò gohde ha edèdaehdı̀-le. Eyı̀ hazòò deı̀ı̀ agòjà-le t'à wenaàhtọ̀ nı̀le hotı̀ wek'èehsọ̀. ²⁷ K'àowochó Agrıppa, ası̀ı̀ nakwenàòzọ̀ negha ehkw'ı̀ agedı̀? Negha ehkw'ı̀ agedı̀ wek'èehsọ̀ ne," Paul yèhdı̀.

²⁸ Eyı̀t'à k'àowochó Agrıppa Paul ts'ò hadı̀, "Ney-atı̀ t'à haexı̀ Zezi wecheekeè ehı̀ ha seghọ̀ daı̀hnè ha neewọ̀ nı̀?" yèhdı̀.

²⁹ Paul yets'ò hadı̀, "Haexı̀, haexı̀-le, nı̀ zọ̀-le

hanikò dọ hazọ̀ dui segeèhkw'ọ̀ọ̀ sù sexèht'eè agejà nùdè dehwhọ eyi gha Nòhtsì ts'ọ̀ yahtì. Sexèht'eè satsọ̀t'ìì gık'e whela-le nùdè zọ dehwhọ,” yèhdì.

³⁰ K'àowocho Agrippa nùtla, k'àowo Festus, Bernice eyits'ọ̀ dọ gixè dèhkw'e sù negiide.

³¹ Xàgeède ekò elets'ọ̀ gogede, hagedì, “Eyi dọ ekọ-le eghàlajda nùle, yek'èxa ełàawì ha eyits'ọ̀ t'asù k'èxa wedaàniqtọ ha while,” gedi.

³² K'àowocho Agrippa k'àowo Festus ts'ọ̀ hadì, “Eyi dọ sù dèe-ts'ọ̀-k'àowo Caesar sesiniyaeti ha, hadì-le nùdè naehtla awets'ele ha ilè,” yèhdì.

27

Paul kògodeè Rome ts'ọ̀ dèhtla

¹ Italy nèk'e ts'ọ̀ ts'eezè ha gedi t'à, Paul eyits'ọ̀ dọ gidaniłaa mòhdaa eghọ̀-đọ̀-gha-k'àowo ilè, Julyus wiyeh, wet'laa nègogijwa. Ededì sù dèe-ts'ọ̀-k'àowo gha eghọ̀-đọ̀-gha-k'àowo elì. ² Kòta Adramaton gots'ọ̀ elàcho yì ts'ude. Asia nèk'e tichobàa kòta yàgòlaa sù ts'ọ̀ ts'eezè ha nikw'o t'à elàcho tak'è ts'ọ̀ agiìlà. Dọ ilè Aristarchus wiyeh, Macedonia nèk'e kòta Thessalonica gots'ọ̀ dọ goxè ajà.

³ Ek'èdaedzè k'e kòta Sidon nèt's'iize. Eghọ̀-đọ̀-gha-k'àowo Paul ts'ọ̀ dọ nezii elì. Paul weàgià nezii gik'èdì ha niwọ t'à, edeàgià gots'èhtlaa ayiìlà.

⁴ Whaà-le-t'ìì k'achì elàcho yì nats'ude gà nats'eèze. Sù nihts'ì nàtso t'à dì nechàa Cyprus wiyeh weecha ts'eèze, ekọ nihts'ì nàtso-le. ⁵ Cilicia nèk'e eyits'ọ̀ Pamphylia nèk'e gixa tideè te ts'eèze, Lycia nèk'e kòta Myra gòyeh dàts'eède. ⁶ Ekọ t'aa eghọ̀-đọ̀-gha-k'àowo elàcho Italy nèk'e ts'ọ̀ dezè ha yegòihzọ.

Eyit'à eyi elàcho yì goɪwa. ⁷ Sii nɪhts'i nàtso xè gonìhdòè nawhets'i t'à, lɔ dzeè ts'ò tɪ k'e ɪwhàà ats'ɪt'ì-le. ɪkaa-t'a kòta Cɪnidus ts'ò goɔwà-lea nèts'ɪɪzè while. Edɪ ts'ò ats'et'ɪɪlèè sɪ ekò ats'ede ha dii t'à kòta Salmone goxa ts'eèzè, eyits'ò dɪ nechàa Crete wiyeh weecha ts'eèzè. ⁸ Dèè wek'abàa goxè k'etaetɪ t'à ɪkaa-t'a ts'aò while. Kòta Fair Havens gòyeh ts'ò nèts'ɪɪzè, kòta Lasea ts'ò goɔwà-le hɔt'e.

⁹ Goxè whaà hoòwo eyits'ò xat'ò k'e edets'egòò dzeè te hoòwo ne t'à elàcho t'à k'ets'edè ha hoejɪ agòjà. Eyit'à Paul dɔ ts'ò hadɪ, ¹⁰ “Àgɪà, elàcho t'à goxè hoejɪ agode ha wek'èhsò. Elàcho eyits'ò t'asɪ hazòò weyɪ whelaa sɪ wedihoèè ha sɔnɪ, eyits'ò goxɪ kò t'asats'ede ha sɔnɪ,” gòhdi. ¹¹ Hanikò eghòò-dòò-gha-k'àowo yeèhkw'ò ha nɪwò-le, elàcho k'èdɪ elɪ eyits'ò dɔ elàcho wets'ò ne sɪ goyatɪ k'èɪt'e. ¹² Eyɪ kòta sɪ goxè xo hoowɪ ha nezɪ-le gedɪ t'à dɔ dezòatɔ ɪdaà nats'ɪɪzè gedɪ. Kòta Phoenix ts'ò nèts'ɪɪzè gɪwò, ekò goxè xo hoowɪ ha gɪwò. Eyɪ kòta dɪ Crete wiyeh k'e gòzòò sɪ dàà ts'ònèè naza.

Goxè nɪhts'i deè agòjà

¹³ Sazɪ gots'ò yaazea nawhets'ì agòjà t'à dɔ gɪnà, eyit'à tègozè tekàgɪachì gà dɪ nechàa Crete gòyeh wexa nageèzè. ¹⁴ Eyɪgots'ò whaà-le-t'ì nɪhts'i deè “chɪk'è-k'ábatsòò nɪhts'i” wiyeh, dɪ nechàa gots'ò nawhets'ì agòjà. ¹⁵ Elàcho k'ewehts'i t'à nɪhts'i dàà ts'eezè ha dii, ats'ɪde while t'à elàcho goxè k'ewehts'ì ats'ɪlà. ¹⁶ Dɪ nechà-lea Cauda wiyeh weecha ts'eèzè. Elà nechà-lea edexè k'ets'etɪ sɪ wedihoèè ch'à nezɪ nèts'etɪ ha nàhots'eèhdè. ¹⁷ Elà nechà-lea elàcho k'e dageèhchɪ t'axòò, elàcho wetagot'ì ha-le gɪwò t'à t'ì wemoèhdoò agɪlà.

Syrtis nèk'e ekiiyèè tagoqhwhàà-le t'à elàcho ewaà nìr'à k'e dahtla ha sɔnì gɔwɔ. Eyit'à ts'imbàa idè ti yì giadli, hanì elàcho gixé k'ewehts'i agià. ¹⁸ Sii nɔhts'i nàtso xè elàcho ìhnòò k'ewehts'i t'à ek'èdaedzèè k'e t'asii nedàa k'egelee sii tègeèhde. ¹⁹ Tai dzeèè k'e elàcho wets'ò satsò nedàa eyi kò tèe geèhde. ²⁰ Edlaatlò dzeèè ts'ò sadeè eyits'ò whò ts'azì while. Ilaa nɔhts'i nàtso t'à edaxàts'eedè ha gogha ika while lagòjà.

²¹ Whaà bò gɔwàhòqòdì-le t'axòò Paul gots'ò hadi, “Àgià, di nechàa Crete gots'òò ts'iizè-le naxèehsi ekò seàhkw'ò-le ìlè. Sek'èaht'e nɔdè t'asii goghò wedihoèè ha-le ìlè eyits'ò t'asii tèt's'ehdè ha-le ìlè. ²² Hanikò di-gogha naxini nàtsoò aahlè. Dò ìlaet'ee wuzi wedihoèè ha nùle, elàcho zò wedihoèè ha. ²³ Iði toò k'e, Nòhtsi wets'ò yahti eyits'ò wegga eghàlaehdaa sii weyak'eet'ii segà nàwo ìlè, ²⁴ hasèhdi, 'Nii-le, Paul. Dèe-ts'ò-k'àowo Caesar wenadaà nesiniyaeti ha. Nòhtsi etenèezi t'à nɔ eyits'ò dò hazòò nexè agèt'ii sii edaxànaxeehle ha hót'e, yak'eet'ii sèhdi. ²⁵ Eyit'à, seàgià, naxini nàtsoò aahlè. Nòhtsi dàgode ha sèhdi sii hotii wek'èè agode ha segga ehkw'i hót'e. ²⁶ Hanikò elàcho dia k'e, ewaà k'e dahtlaà ade ha,” Paul gòhdi.

Nɔhts'i nàtso t'à elàcho wetagoit'i

²⁷ Hoòno-daats'ò-dì to ticho Adriatic wiyeh wete ts'ò k'egohts'i. Totani ekiiyèè dò elàcho k'ègedi sii dèè ts'ò gòqwa-lea ats'ejà lagɔwɔ. ²⁸ Dàtagoqhwha gha ti k'ageèhtò t'à ìlèakw'eènò-daats'ò-naènò gokè haàtagoqhwha gìgòhò. K'achì ti k'ageèhtò ekò lòòtòèò gokè haàtagoqhwhaà agòjà. ²⁹ Kwe k'e ats'ede ha sɔnì gɔwɔ t'à elàchotl'à gots'ò tègozè

dì tégùhde t'axòò goxè dzeè agode gha yats'ùhtì.
³⁰ Elàcho k'ègedì sù elàcho ch'à kwìgeehdè ha gùwò
 t'à elà nechà-lea ɣzhì tì ts'ò agìlà. Ekì-hò elàchokwì
 gots'ò tégòzè tégèhdè ha laget'ì. ³¹ Eyit'à Paul
 eghòò-dòò-gha-k'àowo ts'ò hadì, “Eyì dò elàcho yì
 geèhk'w'e lenɔsì edaxàahdè ha nùle,” yèhdì. ³² Eyit'à
 elà nechà-lea t'ì t'à daet'ì sù eghòò-dòò gik'eɣt'a gà
 elà tèe ts'ò geèhde.

³³ Dzeh agode kwe dò hazòò shègezhe ha, Paul
 gòhdì, eyits'ò gots'ò hadì, “Hoòno-daats'ò-dì dzeè
 naxìxè gots'eèdì t'à t'asì wùzì naxìwàhòòdì-le.
³⁴ Eyit'à dùi t'asì naxìwàhodì ha, wet'à aahda ha.
 Dò wùzì t'asade ha nùle,” gòhdì. ³⁵ Paul hadì
 t'axòò dò hazòò godaà lèt'è nùchì gà Nòhtsì ts'ò
 masì dì. Lèt'è tàzhì gà yùzà. ³⁶ Dò hazòò gini
 nàtsoò ajà eyits'ò ededì sù shègiazhe. ³⁷ Hazòò t'à dò
 nàkeakw'eènò-daats'ò-lòhdìlènò-daats'ò-ek'ètai (276)
 elàcho yì dèhk'w'e. ³⁸ Dò hazòò nezù shègiazhe
 t'axòò elàcho nedà gùwò t'à t'olà zòhchì elàcho yì
 whelaa sù tégèhde.

³⁹ K'omòòdòò dzeh agòjà ekò dèè gògaat'ì hanìkò
 edù agòht'ee sù nàgèhzhì-le, t'aa tabàa ewaà zò
 giazì. Ekò elàcho ewaà k'e dahtlää ats'ùle, gedì.
⁴⁰ Tégòzè wet'ù k'egùhwho gà tèe àllà agìlà.
 Eyits'ò elàcho wet'ah't'òò t'ì t'à daet'ì sù ehjigige.
 Eyì t'axòò elàchokwì k'e ts'imbàa ɣdòò agìlà, hanì
 t'aa tabàa ts'ò geèze. ⁴¹ Tàgèhze kwe elàcho ewaà
 k'e dahtlää. Elàchokwì ewaà yì ajà t'à nàeda-le ajà,
 eyits'ò taat'ì nàtsoo wet'à k'e at'ì t'à wetat'ò.

⁴² Eghòò-dòò, dò danìlää k'ègedì sù tèe ts'ò
 kwìgeehdè ha sòni gùwò t'à, elàagogihde ha gùwò
 jìlè. ⁴³ Hanìkò eghòò-dòò-gha-k'àowo Paul elàawì ha

yùhwhò-le t'à t'asagogle ha-le, gòhdi. Dọ k'egebe ha dii-le sù t'eahka, tabàa ts'ò naahmì, gòhdi. ⁴⁴ Dọ k'ebe ha dii sù dechikàà hani-le-ìdè elàcho wetatòò daelee sù yàahò, gòhdi. Hani t'aa dọ hazòò tekàgùde, dọ wùzì tì t'à t'asajà-le.

28

Dì Malta k'e dàgùde

¹ Dèè k'e dàts'eède ekò eyi dì whezòò sù Malta gòyeh họt'e nọ. ² Dọ eyi nàgedèè sù gots'ò dọ nezù gùlì. Sù chọh lọ xè edza t'à, gogha kọ geèhtà gà gots'agùdì. ³ Paul dèè k'e kw'ihchù lọ nàwhehtsì gà kwìyeèhdè. Sù kọ nàtsoo dèhtà t'à, họtsoa kọ dèk'òò gots'ò gòò xàèhts'ì. Paul wílà xàhdo xè yedeetsì-le. ⁴ Eyì dì k'e dọ nàgedèè sù Paul wílà k'e gòò nàhọazò giàzì ekò elets'ò hagedì, “Eyì dọ eweèt'ì ne sọni. Tì t'à elàwo-le kò gonòhtsì ìlè Justice wìyeh sù eda ha yùhwhò-le,” gedi. ⁵ Paul edilà whexo t'à gòò kwìdaawò, eyìts'ò yet'à eyalè-le. ⁶ Dọ, Paul wekwò ìghà ha hani-le-ìdè họtsoa ełàawì ha sọni gùwò ìlè. Hanikò whaà nagìazì t'axòò Paul wexè t'asagòjà-le t'à gni ladijì ajà, eyì dọ nòhtsì elì sọni, gedi.

⁷ Eyì ts'ò nìwà-le dọ ìlè Publius wìyeh wekò nechàa gòzò. Eyì dì k'e dọ gha k'àowo elì họt'e. Eyì k'àowo edekò ts'ò agòòlà t'à tai dzeè ts'ò wexè ats'ut'è. T'asì wets'ùwòò sù goghàyùdì, eyit'à nezù gok'èdì. ⁸ Wetà eyaelì t'à daèhte k'e whetì, edielì tàda eyìts'ò edoò wezò-at'ì t'à eyaelì. Eyit'à Paul yets'àèhtà, yegha yaihtì t'axòò, edilà yek'e ayìhwhò gà k'aat'ì ayìlà. ⁹ Eyì hagòjà t'axòò eyì dì k'e dọ eyagùlì hazòò Paul ts'àgede t'à Paul hazòò k'aat'ì agòòlà. ¹⁰ T'asì hazòò t'à nezù

goghàlagùdà. Hòt'a ts'eezè ha nìkw'o ekò wegħò shèts'ezhee lq goghàgùla.

Paul kògodeè Rome nùtla

¹¹ Eyì dī k'e tai sa nàts'ùdè t'axòò elàcho yì nats'ùde gà nats'eèhze. Eyì elàcho kòta Alexandria gots'ò ne sù, eyì sì xoghà ùtò. Eyì elàchokwì k'e gìnòhtsìà elèchòekèa gikwì dek'ewhela, Castor eyìts'ò Pollux gìyeh. ¹² Kòta Syracuse dàts'ùde, tai dzeè ts'ò eyì ats'ùt'è. ¹³ Eyì gots'ò nats'eèze, kòta Rhegium nèts'ùze. Ek'èdaedzeè k'e sazi gots'ò dèts'l, eyìts'ò k'achì ek'èdaedzeè k'e kòta Putoli dàts'ùde. ¹⁴ Ekò Nòhtsì wecheekeè mòhdaa gìghaàts'ùde t'à ìlè dzeàhta ts'ò gixè nàts'edè ha goghwhò. Eyì t'axòò kògodeè Rome ts'ò ats'ejà. ¹⁵ Nòhtsì wecheekeè Rome nàgedèe sù gùts'ò ts'adè goghò gùkw'o. Dò mòhdaa gots'ò agede ha gùwò t'à kòta Appius gòyeh ts'ò agejà, eyìts'ò mòhdaa Nats'eeteekò Tai gòyeh ts'ò nègùde. Paul eyì dò goazì ekò wì nàtsoò anajà t'à Nòhtsì ts'ò masì dī. ¹⁶ Kògodeè Rome nèts'ùde ekò Paul ìlèhkò whatsòò nàdè ha wegħa hòzòò agùlà, eghòò-dòò ìlè yexoehdì xè.

Paul kògodeè Rome Israel got'ù ts'ò gojde

¹⁷ Paul eyì nùtla gots'ò tai dzeè t'axòò Israel got'ù għa k'aodèe gokàehzà. Hazòò elègehde t'axòò Paul gots'ò hadì, “Sèot'ù, gots'ò dò gik'èch'a ekò-le eghàlahdà-le eyìts'ò gocho gìnàowoò k'èch'a eghàlahdà-le, hanìkò kòta Jerusalem ekò segìhchì eyìts'ò Rome got'ù ghàsegùhtì. ¹⁸ Hoila hòwhihtsì-le eyìts'ò wek'èxa elàehwhì ha while t'à, dasegùhke t'axòò naehtlāà asegele ha ìlè. ¹⁹ Hanìkò Israel got'ù hagùwò-le, eyìt'à dèe-ts'ò-k'àowo Caesar zò

sesnìyaeti ha segha hòzòò ajà. Xàè sètò'ì gík'èch'a t'asaehsì ha dehwhò nùile. ²⁰ Eyì hanì nàhòwo t'à naxikàwhihzà hòt'e, eyits'ò naxits'ò gohde ha dehwhò t'à. Israel got'ùì dọ ìlè gíkanièzàa sù eyì wets'ihzò dù satsòt'ìì sek'e whela hòt'e," Paul gòhdi.

²¹ Paul ts'ò hagedì, "Judea nèk'e gots'ò neghò enìht'è ts'azì-le, eyits'ò ekò gots'ò gòet'ì nègùdee sù neghò ekò-le xàyagùhtì nùile. ²² Hanìkò nì dàneewòò sù nets'ìikw'o ha ts'ùwò. Hazòò nèk'e eyì nàowo k'èè geedaa sù gìghò godì nezì-le ts'ìikw'o hòt'e," gedì.

²³ Eyit'à ìlè dzèè k'e Paul xè elegehdi ha gedì. Eyì dzèè k'e dọ ló Paul wekò nègùdee. K'omòòdòò ts'ò, xèhts'ò gots'ò Paul gots'ò goide. Nòhtsì wenàowoò ghò hoghàgoehtò xè deghàà godaedi. Moses wenìht'è eyits'ò nakwenàozòò gùnh'è k'e Zezi ghò dek'eèht'è sù gìgha ehkw'ì-ahodi agole ha goèhdzà. ²⁴ Dọ mòhdaa Paul ehkw'ì adì gùwò, hanìkò mòhdaa gìgha ehkw'ì-ahodi-le. ²⁵ Èlèk'èè agùwò-le t'à èlets'ò nàyagehtì xè nageedè ha nèhogùzò, Paul nòode ts'ò dù hagòhdi t'à, "Yedàyeh Nezi, nakwenàozòò Isaiah t'à naxìcho ts'ò goide ekò dù hanì ehkw'ì xàyagùhtì ìlè:

²⁶ *Du dọ sù gùts'ò haahdi, "T'aats'òò aàhk'w'ò hanìkò ayù awèts'èdu sù wek'èahsò ha dù; t'aats'òò naxìgha wègaat'ì hanìkò wenahdi ha dù."* ²⁷ *Du dọ sù gùkwì nàtsoò agejà. Gidzù goile xè gidaà goilee lagùt'e. Hagùt'e-le nìdè ededaà t'à k'egeet'ì xè ededzùhk'w'ò t'à egeèhk'w'ò ha ìlè eyits'ò ededzè t'à t'asù nugeedi ha ìlè. Sets'ò agejà nìdè k'aat'ì ageh'è ha ìlè, nakwenàozòò hagòhdi gots'ò goide*

ilè.

²⁸⁻²⁹ “Eyit'à dɔ hanaxèehsɔ ha dehwhɔ: Nɔhtsɔ Edaxàgolee wegodɔ dɔ eyii-le xàzaa gɔts'ò adlà hɔt'e, ededɔ sɔ egeèhkw'ò ha hɔt'e,” Paul gòhdɔ.

³⁰ Ekɔ nàke xo ts'ò Paul ekɔ sa taat'eè kò nàyeèhdɔ sɔ goyɔ nàɔdè. Dɔ hazòò gɔts'ò at'ɔ sɔ goxè godo. ³¹ Edèdaedɔ-le xè Nɔhtsɔ wenàowoò eyɔts'ò gots'ò K'àowo Zezi-Krɔ ghò dɔ hoghàehtɔ, eyɔts'ò dɔ wɔzɔ nàyeetɔ-le.

Nòhtsı Nıhtl'è
Dogrib: Dogrib Genesis & New Testament New
Testament & Portions of Old Testament

copyright © 2009 Canadian Bible Society

Language: Dogrib

Translation by: Canadian Bible Society

Tłchq Genesis and New Testament
About Tłchq

Tłchq (Dogrib) is a Na-Dene (Athabaskan) language. It is spoken by the First Nations Tłchq people in the Northwest Territories in Canada. It has the largest number of speakers of any of the Aboriginal language communities in the NWT, and is one of the official languages of the Northwest Territories.

About This Translation

This translation includes the book of Genesis and the New Testament in Tłchq. The first edition of the Tłchq New Testament was published in 2003. It was a historic event, as it was the first time in more than a hundred years that a complete New Testament was published for one of the Dene First Nations in the Territories. The first edition was well received and quickly sold out. In the meantime the book of Genesis had been completed. Consequently, the 2008 reprint of the Tłchq New Testament included Genesis.

Though this translation of the New Testament and Genesis took a total of ten years, the people who worked on it built on years of labor invested by the Tłchq people, elders, priests and missionaries, translators, educators, and linguists. The material contained in this book was checked and approved by consultants from Wycliffe Bible Translators and the Canadian Bible Society.

If you are interested in obtaining a printed copy of this Bible, please contact the Canadian Bible Society at <http://www.biblescanada.com>.

Copyright Information

Dogrib Genesis and New Testament © 2003, 2008 Canadian Bible Society

The text of the Bible in Tłchq that appears in this electronic format or website is for personal use only.

Up to five hundred (500) verses of the Bible text in any form (written, visual, electronic or audio) may be quoted without permission. The quoted verses may not be more than 50% of a complete book of the Bible, or more than 25% of the total text of the work in which they are quoted. Prior written

permission must be obtained for any other use of the text. Copyright acknowledgement must in all cases appear on the title or copyright page. For more information on copyright conditions or to apply, visit <http://www.biblesociety.ca/copyright>.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source files dated 29 Jan 2022

dccb8cb-87c9-5afe-9ac6-f62c4ade3a81